

॥ तैत्तिरीय संहिता ॥

॥ काण्डम् ६ ॥

॥ प्रथमः प्रश्नः ॥

॥ तैत्तिरीयसंहितायां षष्ठमकाण्डे प्रथमः प्रश्नः ॥

प्राचीनव॑शं करोति देवमनुष्या दिशो व्य॑भजन्त प्राचीं देवा दक्षिणा पितरः प्रतीचीं॑मनुष्या उदीचीं॑ रुद्रा यत्प्राचीनव॑शं करोति देवलोकमेव तद्यजमान उपावर्तते परि श्रयत्यन्तरहितो हि देवलोको मनुष्यलोकान्नास्माल्लोकाश्चैतव्यमिवेत्याहुः को हि तद्वेद यद्यमुष्मिल्लोकेऽस्ति वा न वेति दिक्ष्वतीकाशान्करोति (१)

उभयोर्लोकयोरभिजित्यै केशश्मश्रु वपते नखानि नि कृन्तते मृता वा एषा त्वगमेध्या यत्केशश्मश्रु मृतामेव त्वचममेध्यामपहत्य यज्ञियो भूत्वा मेधमुपैत्यङ्गिरसः सुवर्गं लोकं यन्तोऽप्सु दीक्षातपसी प्रावेशयन्नप्सु स्नाति साक्षादेव दीक्षातपसी अव रुद्धे तीर्थे स्नाति तीर्थे हि ते ताम्प्रावेशयन्तीर्थे स्नाति (२)

तीर्थमेव समानानां भवत्युपोऽश्नात्यन्तरत एव मेध्यो भवति वासंसा दीक्षयति सौम्यं वै क्षौमं देवतया सोममेष देवतामुपैति यो दीक्षते सोमस्य तनूरसि तनुवं मे पाहीत्याहुः

स्वामे॒व दे॒वता॒मुपै॒त्यथो॑ आ॒शिषं॑मे॒वैता॒मा शा॑स्तेऽग्रे॒स्तूषा॒धानं॑
वा॒योर्वा॑त॒पानं॑म्पितृ॒णान्नी॒विरोष॑धीनाम्प्रघा॒तः (३)

आ॒दि॒त्यानां॑ प्राची॒नता॒नो वि॒श्वेषां॑ दे॒वाना॒मोतु॑र्नक्ष॒त्राणाम॑तीकाशा॒र
ए॒तत्सर्व॑दे॒वत्यं॑ यद्वा॒सो यद्वा॒ससा दी॑क्षय॒ति सर्वा॑भिरे॒वैनं॑
दे॒वता॑भिर्दीक्षयति ब॒हिःप्रा॑णो॒ वै म॑नुष्य॒स्तस्या॑शनं प्रा॒णोऽश्ना॑ति
सप्रा॑ण ए॒व दी॑क्षत॒ आशि॑तो भवति॒ यावा॑ने॒वास्यं॑ प्रा॒णस्तेन॑ स॒ह
मेध॒मुपै॑ति घृ॒तं दे॒वाना॒म्मस्तु॑ पितृ॒णान्निष्क॑म्मनुष्या॒णान्त॑द्वे (४)

ए॒तत्सर्व॑दे॒वत्यं॑ यन्न॒वनी॑तं॒ यन्न॒वनी॑तेनाभ्य॒ङ्गे सर्वा॑ ए॒व दे॒वताः॑
प्री॒णाति॑ प्रच्यु॒तो वा ए॒षोऽस्मा॑ल्लो॒कादग॑तो दे॒वलो॒कं यो दी॑क्षि॒तोऽन्त॑रे॒व
न॒वनी॑त॒न्तस्मान्न॒वनी॑तेनाभ्य॒ङ्गेऽनु॑लो॒मं यजु॑षा॒ व्यावृ॑त्या
इन्द्रो॑ वृ॒त्रम॑ह॒न्तस्य॑ क॒नीनि॑का॒ परा॑प॒तत्तदा॑ञ्जनमभव॒द्यदा॑ङ्गे चक्षु॑रे॒व
भ्रातृ॑व्यस्य वृ॒ङ्गे दक्षि॑ण॒म्पूर्व॑माङ्गे (५)

स॒व्यः हि पूर्॑व॒म्मनु॑ष्या॒ आ॒ञ्जते॒ न नि॒ धा॑वते॒ नीव॑ हि म॑नुष्या॒
धा॑व॒न्ते प॒ञ्च कृ॒त्व आ॑ङ्गे॒ पञ्चा॑क्षरा प॒ङ्क्तिः पा॑ङ्क्तो॒ यज्ञो॑ य॒ज्ञमे॒वाव॑
रु॒न्दे परि॑मित॒माङ्गेऽप॑रि॒मितः॑ हि म॑नुष्या॒ आ॒ञ्जते॒ सतू॑लयाङ्गे॒
ऽप॑तू॒लया॒ हि म॑नुष्या॒ आ॒ञ्जते॒ व्यावृ॑त्यै॒ यदप॑तू॒लया॒ञ्जीत॑ वज्रं इ॒व
स्या॒त्सतू॑लयाङ्गे मि॒त्रत्वाय॑ (६)

इन्द्रो॑ वृ॒त्रम॑ह॒न्त्सोऽ३ पोऽ३ भ्य॑ग्निय॒त तासां॑ यन्मे॒ध्यं

य॒ज्ञिय॒ः सदे॑व॒मासी॑त्तदपोद॑क्राम॒ते द॒र्भा अ॑भवन् यद॑र्भपु॒ञ्जीलैः
प॒वय॑ति॒ या ए॒व मे॒ध्या य॒ज्ञियाः सदे॑वा॒ आप॒स्ताभि॑रे॒वैन॑म्पवयति॒
द्वाभ्या॑ पवयत्यहोरा॒त्राभ्या॑मे॒वैन॑म्पवयति त्रि॒भिः प॑वयति॒ त्रय॑ इ॒मे
लो॒का ए॒भिरे॒वैन॑ लो॒कैः प॑वयति प॒ञ्चभिः॑ (७)

प॒वय॑ति प॒ञ्चाक्ष॑रा प॒ङ्क्तिः पा॒ङ्क्तो य॒ज्ञो य॒ज्ञायै॑वैन॑म्पवयति
ष॒ड्भिः प॑वयति ष॒ड्वा ऋ॒तव॑ ऋ॒तुभि॑रे॒वैन॑म्पवयति स॒प्तभिः॑ पवयति
स॒प्त छ॒न्दाँ॑सि॒ छ॒न्दो॑भिरे॒वैन॑म्पवयति न॒वभिः॑ पवयति न॒व
वै पुरु॑षे प्रा॒णाः सप्रा॑णमे॒वैन॑म्पवयत्ये॒कवि॑ंशत्या पवयति॒
दश॑ ह॒स्त्या अ॒ङ्गुल॑यो दश॑ प॒द्या आ॒त्मैक॑वि॒ंशो यावा॑ने॒व
पुरु॑ष॒स्तम॑परिवर्गम् (८)

प॒वय॑ति चि॒त्पति॑स्त्वा पु॒ना॒त्वित्या॑ह॒ मनो॑ वै चि॒त्पति॑र्मन॑सै॒वैन॑म्पव
वा॒क्पति॑स्त्वा पु॒ना॒त्वित्या॑ह॒ वा॒चैवैन॑म्पवयति दे॒वस्त्वा स॒विता
पु॒ना॒त्वित्या॑ह स॒वितृ॑प्रसूत ए॒वैन॑म्पवयति तस्य॑ ते पवि॒त्रप॑ते प॒वित्रे॑ण
यस्मै॑ कम्पु॒ने तच्छ॑केय॒मित्या॑हाशिष॑मे॒वैता॑मा शा॑स्ते॥ (९)

अ॒तीका॑शान्करोत्यवै॒शय॑न्ती॒र्थे स्ना॑ति प्र॒घातो॑ म॒नुष्या॑णान्तद्वा आङ्गै॑
मि॒त्रत्वाय॑ प॒ञ्चभि॑रपरिवर्गमष्टाच॑त्वारि॒ंशच्च॑॥ [१]

याव॑न्तो॒ वै दे॒वा य॒ज्ञाया॑पुन॒त त ए॒वाभ॑वन् य ए॒वं वि॒द्वान्
य॒ज्ञाय॑ पुनी॒ते भव॑त्ये॒व ब॒हिः प॑वयित्वान्तः प्र पा॑दयति मनुष्य॒लोक॑
ए॒वैन॑म्पवयित्वा प॒तन्दे॑वलो॒कम्प्र॑ ण॒यत्य॑दी॒क्षित॑ एक॒याहु॑त्येत्या॒हुः
स्रु॒वेण॑ चत॑स्रो जुहोति दी॒क्षित॑त्वाय॑ स्रु॒चा प॑ञ्चमीं प॒ञ्चाक्ष॑रा प॒ङ्क्तिः

पाङ्क्तो यज्ञो यज्ञमेवाव रुद्ध आकूत्यै प्रयुजेऽग्नये" (१०)

स्वाहेत्याहाकूत्या हि पुरुषो यज्ञमभि प्रयुङ्क्ते यजेयेति मेधायै मनसेऽग्नये स्वाहेत्याह मेधया हि मनसा पुरुषो यज्ञमभिगच्छति सरस्वत्यै पूष्णेऽग्नये स्वाहेत्याह वाग्वै सरस्वती पृथिवी पूषा वाचैव पृथिव्या यज्ञम्प्र युङ्क्त आपो देवीर्बृहतीर्विश्वशम्भुव इत्याह या वै वर्ष्यास्ताः (११)

आपो देवीर्बृहतीर्विश्वशम्भुवो यदेतद्यजुर्न ब्रूयाद्विव्या आपोऽशान्ता इमल्लोकमा गच्छेयुरापो देवीर्बृहतीर्विश्वशम्भुव इत्याहास्मा एवैनां लोकाय शमयति तस्माच्छान्ता इमल्लोकमा गच्छन्ति द्यावापृथिवी इत्याह द्यावापृथिव्योर्हि यज्ञ उर्वन्तरिक्षमित्याहान्तरिक्षे हि यज्ञो बृहस्पतिर्नो हविषा वृधातु (१२)

इत्याह ब्रह्म वै देवानाम्बृहस्पतिर्ब्रह्मणैवास्मै यज्ञमव रुद्धे यद्व्याद्विधेरिति यज्ञस्थाणुमृच्छेद्व्यात्त्वित्याह यज्ञस्थाणुमेव परि वृणक्ति प्रजापतिर्यज्ञमसृजत सोऽस्मात्सृष्टः पराङ्मस प्र यजुरर्हीनात्प्र साम तमृगुदयच्छद्यदगुदयच्छत्तदौद्बृहणस्यौद्बृहणत्वमृच

जुहोति यज्ञस्योद्यत्या अनुष्टुप्छन्दसामुदयच्छदित्याहुस्तस्मादनुष्टुप् जुहोति यज्ञस्योद्यत्यै द्वादश वात्सबन्धान्युदयच्छन्नित्याहुस्तस्माद्द्वादश दीक्षयन्ति सा वा एषर्गानुष्टुग्वागानुष्टुग्यदेतयर्चा दीक्षयति वाचैवैनः

सर्वया दीक्षयति विश्वे देवस्य नेतुरित्याह सावित्र्यैतेन मर्तो
वृणीत सख्यम् (१४)

इत्याह पितृदेवत्यैतेन विश्वे राय इषुध्यसीत्याह
वैश्वदेव्यैतेन द्युम्नं वृणीत पुष्यस इत्याह पौष्ण्यैतेन सा वा
एषर्क्सर्वदेवत्या यदेतयर्चा दीक्षयति सर्वाभिरेवेन देवताभिर्दीक्षयति
सप्ताक्षरम्प्रथमम्पदमष्टाक्षराणि त्रीणि यानि त्रीणि तान्यष्टावुप
यन्ति यानि चत्वारि तान्यष्टौ यदष्टाक्षरा तेन (१५)

गायत्री यदेकादशाक्षरा तेन त्रिष्टुग्यद्वादशाक्षरा तेन जगती
सा वा एषर्क्सर्वाणि छन्दांसि यदेतयर्चा दीक्षयति सर्वभिरेवेन
छन्दोभिर्दीक्षयति सप्ताक्षरम्प्रथमम्पदं सप्तपदा शक्करी पशवः
शक्करी पशूनेवाव रुद्ध एकस्मादक्षरादनामप्रथमम्पदन्तस्माद्यद्वाचो-
ऽनामन्तन्मनुष्या उप जीवन्ति पूर्णया जुहोति पूर्ण इव हि
प्रजापतिः प्रजापतेराप्त्यै न्यूनया जुहोति न्यूनाद्धि प्रजापतिः प्रजा
असृजत प्रजानां सृष्ट्यै॥ (१६)

अग्नये ता वृधात्वृचा सख्यन्तेन जुहोति पञ्चदश च॥—————[२]

ऋक्सामे वै देवेभ्यो यज्ञायातिष्ठमाने कृष्णो रूपं
कृत्वापक्रम्यातिष्ठतान्तैऽमन्यन्त यं वा इमे उपावथ्स्यतः स इदं
भविष्यतीति ते उपांमन्नयन्त ते अहोरात्रयोर्महिमानमपनिधाय
देवानुपावर्ततामेष वा ऋचो वर्णो यच्छुक्लं कृष्णाजिनस्येष

साम्नो यत्कृष्णमृख्सा॒मयोः शिल्पे॑ स्थ॒ इत्या॑ह॒र्ख्सा॒मे ए॒वाव॑ रुन्ध
ए॒षः (१७)

वा अहो॑ वर्णो॒ यच्छुक्लं॑ कृष्णाजि॒नस्यै॑ष रात्रि॒या यत्कृष्णं॑
यदे॒वैन॑योस्तत्र॒ न्यक्तं॑ तदे॒वाव॑ रुन्धे कृष्णाजि॒नेन॑ दीक्षयति
ब्रह्म॑णो वा ए॒तद्रूपं॑ यत्कृष्णाजि॒नं ब्रह्म॑णै॒वैनं॑ दीक्षयती॒मान्धिय॑
शि॒क्षमा॑णस्य दे॒वेत्या॑ह यथाय॒जुरे॒वैतद्गर्भो॑ वा ए॒ष यद्दी॑क्षित॒ उल्बं॑
वा॒सः प्रो॑र्णुते॒ तस्मा॑त् (१८)

गर्भाः प्रावृ॑ता जायन्ते न पुरा सोम॑स्य ऋ॒यादपो॑र्णीत॒ यत्पुरा॑
सोम॑स्य ऋ॒यादपो॑र्णीत॒ गर्भाः प्र॒जानां॑ परा॒पातु॑काः स्युः क्री॒ते सोमे॑
ऽपो॑र्णुते जाय॑त ए॒व तदथो॑ यथा॒ वसी॑या॒सम्प्रत्य॑पोर्णुते ता॒दृगे॒व
तदङ्गि॑रसः सुव॒र्गं लो॒कं यन्त॑ ऊ॒र्जं व्य॑भजन्त॒ ततो॑ यद॒त्यशि॑ष्यत॒
ते श॒रा अ॑भवन्नु॒र्गवै॑ श॒रा यच्छ॑र॒मयी॑ (१९)

मे॒खला॒ भव॑त्यूर्जमे॒वाव॑ रुन्धे मध्य॒तः सन्न॑ह्यति मध्य॒त
ए॒वास्मा॒ ऊ॒र्जं दधा॑ति॒ तस्मा॑न्मध्य॒त ऊ॒र्जा भु॑ञ्जत ऊ॒र्ध्वं वै
पुरु॑षस्य नाभ्यै॒ मेध्य॑मवाचीन॑ममेध्यं यन्म॑ध्य॒तः संन॑ह्यति॒ मेध्यं॑
चै॒वास्या॑मेध्यं च॒ व्याव॑र्तयतीन्द्रो वृ॒त्राय॑ वज्र॒म्प्राह॑र॒त्स त्रे॒धा
व्य॑भव॒त्स्फ्य॑स्तृतीय॒यं रथ॑स्तृतीयं॒ यूप॑स्तृतीयम् (२०)

ये॑ऽन्तःश॒रा अशी॑र्यन्त॒ ते श॒रा अ॑भवन्तच्छ॒राणां॑ शर॒त्वं
वज्रो॒ वै श॒राः क्षु॒त्खलु॒ वै म॑नुष्य॑स्य॒ भ्रातृ॑व्यो॒ यच्छ॑र॒मयी॑ मे॒खला॒

भवति वज्रेणैव साक्षात्क्षुध्मन्प्रातृव्यम्मध्यतोऽपं हते त्रिवृद्धवति
 त्रिवृद्धे प्राणस्त्रिवृतमेव प्राणम्मध्यतो यजमाने दधाति पृथ्वी
 भवति रञ्जुनाव्यावृत्त्यै मेखलया यजमानन्दीक्षयति योक्त्रेण
 पत्नीम्मिथुनत्वाय (२१)

यज्ञो दक्षिणामभ्यध्यायत्ताः समभवत्तदिन्द्रोऽचायत्सोऽमन्यत
 यो वा इतो जनिष्यते स इदम्भविष्यतीति ताम्प्राविंशत्तस्या
 इन्द्र एवाजायत सोऽमन्यत यो वै मदितोऽपरो जनिष्यते
 स इदम्भविष्यतीति तस्या अनुमृश्य योनिमाच्छिनत्सा
 सूतवंशाभवत्तत्सूतवंशायै जन्म (२२)

ताः हस्ते न्यवेष्टयत् ताम्मृगेषु न्यदधात्सा कृष्णविषाणाभवदिन्द्र
 योनिरसि मा मां हिः सीरिति कृष्णविषाणाम्प्र यच्छति सयोनिमेव
 यज्ञं करोति सयोनिन्दक्षिणाः सयोनिमिन्द्रः सयोनित्वाय कृष्यै
 त्वा सुसस्याया इत्याह तस्मादकृष्टपच्या ओषधयः पच्यन्ते
 सुपिप्पलाभ्यस्त्वौषधीभ्य इत्याह तस्मादोषधयः फलं गृह्णन्ति
 यद्धस्तेन (२३)

कण्डूयेत पामनम्भावुकाः प्रजाः स्युर्यथस्मयेत नग्नम्भावुकाः
 कृष्णविषाणया कण्डूयतेऽपिगृह्य स्मयते प्रजानां गोपीथाय न
 पुरा दक्षिणाभ्यो नेतोः कृष्णविषाणामव चृतेद्यत्पुरा दक्षिणाभ्यो
 नेतोः कृष्णविषाणामवचृतेद्योनिः प्रजानां परापातुका स्यान्नीतासु
 दक्षिणासु चात्वाले कृष्णविषाणाम्प्रास्यति योनिर्वै यज्ञस्य

चात्वा॑लं॒ योनिः॑ कृष्णविषा॑णा योना॑वेव योनि॑न्दधाति य॒ज्ञस्य॑
सयो॑नित्वाय॑॥ (२४)

रु॒न्ध ए॒ष तस्मा॑च्छर॒मयी॑ यूप॒स्तृतीय॑मि॒धुन॑त्वाय॒ जन्म॑
हस्ते॑ना॒ष्टाच॑त्वारि॒शच्च॑॥ [३]

वाग्वै दे॒वेभ्यो॑ऽपा॑क्रामद्य॒ज्ञायाति॑ष्ठमा॒ना सा वन॑स्पती॒न्प्रावि॑श॒त्सै
वाग्वन॑स्पति॒षु वद॑ति॒ या दु॑न्दु॒भौ या तू॑णवे॒ या वी॑णायां
यदी॑क्षितद॒ण्डम॒प्रयच्छ॑ति॒ वाच॑मे॒वाव॑ रु॒न्ध औदु॑म्बरो भव॒त्यूर्वा
उ॒दुम्बर॑ ऊ॒र्जमे॒वाव॑ रु॒न्धे मुखे॑न॒ सम्मि॑तो भवति मुख॒त ए॒वास्मा॑
ऊ॒र्ज द॑धाति॒ तस्मा॑न्मुख॒त ऊ॒र्जा भु॑ञ्जते (२५)

क्री॒ते सोमे॑ मै॒त्रावरु॑णाय॒ द॒ण्डम॒प्र य॑च्छति॒ मैत्रा॑वरु॒णो
हि पु॒रस्ता॑दृ॒त्विग्भ्यो॑ वाचं॑ वि॒भज॑ति॒ तामृ॑त्विजो॒ यज॑माने
प्रति॑ ष्ठापयन्ति॒ स्वाहा॑ य॒ज्ञम्मन॑सेत्या॒हु मन॑सा॒ हि पु॒रुषो॑
य॒ज्ञम॑भिगच्छति॒ स्वाहा॑ द्यावा॑पृथि॒वीभ्या॑मित्या॒हु द्यावा॑पृथि॒व्योर्हि
य॒ज्ञः स्वा॑होरोर॒न्तरि॑क्षा॒दित्या॑हान्तरि॑क्षे॒ हि य॒ज्ञः स्वाहा॑ य॒ज्ञं
वाता॑दार॒भ इत्या॑हायम् (२६)

वाव॑ यः पव॑ते॒ स य॒ज्ञस्तमे॒व सा॒क्षादा॑ र॒भते॑ मु॒ष्टी क॑रोति॒ वाचं॑
यच्छति॒ य॒ज्ञस्य॑ धृ॒त्या अदी॑क्षि॒ष्टाय॑म॒ब्राह्म॑ण इति॒ त्रिरु॑पा॒श्वाह॑
दे॒वेभ्य॑ ए॒वैन॑म॒प्राह॑ त्रि॒रुच्चैरु॒भये॑भ्य ए॒वैनं॑ दे॒वमनु॑ष्येभ्यः प्राह॒ न
पु॒रा नक्ष॑त्रेभ्यो॒ वाचं॑ वि॒ सृ॒जेद्यत्पु॒रा नक्ष॑त्रेभ्यो॒ वाचं॑ वि॒सृ॒जेद्य॑ज्ञं

विच्छिन्द्यात् (२७)

उदितेषु नक्षत्रेषु व्रतं कृणुतेति वाचं वि सृजति यज्ञव्रतो वै दीक्षितो यज्ञमेवाभि वाचं वि सृजति यदि विसृजेद्विष्णुमीमृचमनु ब्रूयाद्यज्ञो वै विष्णुर्यज्ञेनैव यज्ञं सं तनोति दैवीन्धियम्मनामह इत्याह यज्ञमेव तन्म्रदयति सुपारा नो असद्वश इत्याह व्युष्टिमेवाव रुद्धे (२८)

ब्रह्मवादिनो वदन्ति होतव्यं दीक्षितस्य गृहा(३)इ न होतव्या(३)मिति हविर्वै दीक्षितो यज्ञहुयाद्यजमानस्यावदाय जुहुयाद्यत्र जुहुयाद्यज्ञपरुरन्तरियाद्ये देवा मनोजाता मनोयुज इत्याह प्राणा वै देवा मनोजाता मनोयुजस्तेष्वेव पुरोक्षं जुहोति तत्रैव हुतं नेवाहुतं स्वपन्तं वै दीक्षितं रक्षांसि जिघांसन्त्यग्निः (२९)

खलु वै रक्षोहाग्रे त्वं सु जागृहि वयं सु मन्दिषीमहीत्याहाग्निमेवाधिपां कृत्वा स्वपिति रक्षसामपहत्या अब्रत्यमिव वा एष करोति यो दीक्षितः स्वपिति त्वमग्रे व्रतपा असीत्याहाग्निरै देवानां व्रतपतिः स एवैनं व्रतमालम्भयति देव आ मर्त्येष्वेत्याह देवः (३०)

ह्येष सन्मर्त्येषु त्वं यज्ञेष्वीड्य इत्याहैतं हि यज्ञेष्वीड्यतेऽप्य वै दीक्षिताथ्सुषुपुषं इन्द्रियं देवताः क्रामन्ति विश्वे देवा अभि

मामाववृत्रन्नित्याहेन्द्रियेणैवैनं देवताभिः सं नयति यदेतद्यजुर्न
ब्रूयाद्यावत् एव पशूनभि दीक्षेत् तावन्तोऽस्य पशवः स्युः
रास्वेयत् (३१)

सोमा भूयो भूरेत्याहापरिमितानेव पशूनव रुद्धे चन्द्रमसि मम
भोगाय भवेत्याह यथादेवतमेवैनाः प्रति गृह्णाति वायवे त्वा वरुणाय
त्वेति यदेवमेता नानुदिशेदयथादेवतं दक्षिणा गमयेदा देवताभ्यो
वृश्चेत् यदेवमेता अनुदिशति यथादेवतमेव दक्षिणा गमयति न
देवताभ्य आ (३२)

वृश्चते देवीरापो अपां नपादित्याह यद्वो मेध्यं यज्ञियं
सदेवं तद्वो मावं क्रमिषमिति वावैतदाहाच्छिन्नं तन्तुं पृथिव्या अनु
गेषमित्याह सेतुमेव कृत्वात्येति॥ (३३)

भुञ्जतेऽयच्छिन्द्याद्रुद्धेऽग्निराह देव इयदेवताभ्य आ त्रयस्त्रिंशच्च॥[४]

देवा वै देवयजनमध्यवसाय दिशो न प्राजानन्तेऽं
न्योन्यमुपाधावन्त्वया प्र जानाम त्वयेति तेऽदित्यां समध्रियन्त
त्वया प्र जानामेति साब्रवीद्वरं वृणै मत्प्रायणा एव वो यज्ञा
मदुदयना असन्निति तस्मादादित्यः प्रायणीयो यज्ञानामादित्य
उदयनीयः पञ्च देवता यजति पञ्च दिशो दिशाम्प्रज्ञात्यै (३४)

अथो पञ्चाक्षरा पङ्क्तिः पाङ्क्तो यज्ञो यज्ञमेवाव रुद्धे पथ्यां
स्वस्तिमयजन्प्राचीमेव तथा दिशम्प्राजानन्नग्निना दक्षिणा सोमेन

प्रतीचीः सवित्रोदीचीमदित्योर्ध्वाम्पथ्याः स्वस्तिं यजति प्राचीमेव
तया दिशम्प्र जानाति पथ्याः स्वस्तिमिद्धाग्नीषोमौ यजति चक्षुषी
वा एते यज्ञस्य यदग्नीषोमौ ताभ्यामेवानु पश्यति (३५)

अग्नीषोमाविद्धा सवितारं यजति सवितृप्रसूत एवानु
पश्यति सवितारमिद्धादिति यजतीयं वा अदितिरस्यामेव
प्रतिष्ठायानु पश्यत्यदितिमिद्धा मारुतीमृचमन्वाह मरुतो वै
देवानां विशो देवविशं खलु वै कल्पमानम्मनुष्यविशमनु
कल्पते यन्मारुतीमृचमन्वाह विशां क्लृप्त्यै ब्रह्मवादिनो वदन्ति
प्रयाजवदननूयाजम्प्रायणीयं कार्यमनूयाजवत् (३६)

अप्रयाजमुदयनीयमितीमे वै प्रयाजा अमी अनूयाजाः सैव
सा यज्ञस्य सन्ततिस्तत्तथा न कार्यमात्मा वै प्रयाजाः प्रजानूयाजा
यत्प्रयाजानन्तरियादात्मानमन्तरियाद्यदनूयाजानन्तरियात्प्रजामन्तरि
खलु वै यज्ञस्य विततस्य न क्रियते तदनु यज्ञः परो भवति यज्ञं
पराभवन्तं यजमानोऽनु (३७)

परो भवति प्रयाजवदेवानूयाजवत्प्रायणीयं कार्यम्प्रयाजवदननूयाज
नात्मानमन्तरेति न प्रजां न यज्ञः पराभवति न यजमानः
प्रायणीयस्य निष्कास उदयनीयमभि निर्वपति सैव सा यज्ञस्य
सन्ततिर्याः प्रायणीयस्य याज्या यत्ता उदयनीयस्य याज्याः
कुर्यात्पराङ्मुं लोकमा रोहेत्प्रमायुकः स्याद्याः प्रायणीयस्य
पुरोनुवाक्यास्ता उदयनीयस्य याज्याः करोत्यस्मिन्नेव लोके प्रति

तिष्ठति॥ (३८)

प्रज्ञाँत्यै पश्यत्यनूयाजवधजमनोऽनु पुरोनुवाक्यास्ता अष्टौ च॥—[५]

क॒द्रूश्च॒ वै सु॒पर्णी चा॑त्मरूपयोरस्पर्धेता॒ः सा क॒द्रूः
सु॒पर्णीम॑जय॒त्साब्र॑वीत्तृतीयस्यामि॒तो दि॒वि सोम॑स्तमा ह॒र
तेना॒त्मानं॒ निष्क्री॑णीष्वेती॒यं वै क॒द्रूर॑सौ सु॒पर्णी छ॒न्दाँसि
सौपर्णे॒याः साब्र॑वीद॒स्मै वै पि॒तरौ पु॒त्रान्बि॑भृतस्तृतीयस्यामि॒तो
दि॒वि सोम॑स्तमा ह॒र तेना॒त्मानं॒ निष्क्री॑णीष्व (३९)

इति॑ मा क॒द्रूर॑वोच॒दिति॑ जग॒त्युद॑पत॒च्चतु॑र्दशाक्षरा स॒ती
साप्रा॑प्य न्य॒वर्त॑त॒ तस्यै॒ द्वे अ॒क्षरे॑ अमीयेता॒ः सा प॒शुभि॑श्च दीक्षया
चाग॑च्छ॒त्तस्मा॒ज्जग॑ती छ॒न्द॑साम्पश॒व्य॑तमा॒ तस्मा॑त्पशुमन्तं दीक्षोपं
नम॑ति त्रि॒ष्टुगु॑दपत॒त्रयो॑दशाक्षरा स॒ती साप्रा॑प्य न्य॒वर्त॑त॒ तस्यै॒ द्वे
अ॒क्षरे॑ अमीयेता॒ः सा दक्षि॑णाभिश्च (४०)

तप॑सा चाग॑च्छ॒त्तस्मा॑त्रि॒ष्टुभौ॑ लो॒के मा॒ध्यंदि॑ने स॒र्वने
दक्षि॑णा नीयन्त ए॒तत्ख॑लु वाव तप॒ इत्या॑हु॒र्यः स्वं द॑दातीति
गाय॒त्र्युद॑पत॒च्चतु॑रक्षरा स॒त्यंज॑या ज्योति॑षा तम॑स्या अ॒जाभ्य॑रुद्ध
तद॑जाया अ॒ज॒त्व॑ः सा सोमं चाह॑र॒च्चत्वा॑रि॒ चाक्ष॑राणि साष्टाक्षरा
सम॑पद्यत ब्रह्मवादिनो वदन्ति (४१)

कस्मा॑त्स॒त्याद्वा॑य॒त्री क॒निष्ठा॒ छ॒न्द॑सा॒ः स॒ती य॑ज्ञमुखं
परी॑यायेति॒ यदे॒वादः॒ सोम॑माह॑र॒त्तस्मा॑द्यज्ञमुखं पर्य॑त् तस्मा॑त्तेज॒स्विनी॑त

प॒द्भ्यां द्वे स॒र्वने स॒मगृ॑ह्णान्मुखेनैकं यन्मुखेन स॒मगृ॑ह्णात्तदधयत्तस्मा॒द्वे
स॒र्वने शु॒क्रव॑ती प्रातःस॒र्वनं च॒ माध्य॑दिनं च॒ तस्मा॑त्तृतीयस॒र्वन
ऋ॒जीष॑म॒भि षु॑ण्वन्ति धी॒तमि॑व हि म॒न्यन्ते॑ (४२)

आ॒शि॒र॒म॒व न॑यति स॒शु॒क्र॒त्वा॒या॒थो स॒म्भ॑रत्ये॒वैन॒त्त॑
सोम॑मा॒ह्रिय॑माणं गन्ध॒र्वो वि॒श्वाव॑सुः पर्य॑मुष्णा॒थ्स तिस्रो॑ रात्रीः
परि॑मुषितोऽवस॒त्तस्मा॑त्तिस्रो रात्रीः॑ क्री॒तः सोमो॑ वसति ते दे॒वा
अ॒ब्रुव॑न्श्च॒त्रीका॑मा॒ वै गन्ध॑र्वाः स्त्रिया॑ निष्क्री॑णामेति ते वाच॑ः
स्त्रिय॑मेक॑हायनीं कृ॒त्वा तया॑ निर॑क्रीण॒न्था रो॒हि॒द्रूपं॑ कृ॒त्वा
गन्ध॑र्वेभ्यः (४३)

अ॒प॒क्र॒म्या॑तिष्ठ॒त्तद्रो॒हितो॑ जन्म ते दे॒वा अ॒ब्रुव॑न्नप॒
युष्म॑द॒क्रमी॑न्नास्मानु॒पाव॑र्तते॒ वि ह॑यामहा॒ इति॑ ब्रह्म॑ गन्ध॒र्वा
अ॒व॒द॒न्नगा॑यं दे॒वाः सा दे॒वान्गा॑य॒त उ॒पाव॑र्तत॒ तस्मा॑द्गाय॒न्तः स्त्रियः॑
का॒म॒य॒न्ते का॒मु॒का ए॒नः स्त्रियो॑ भवन्ति॒ य ए॒वं वे॒दाथो॑ य ए॒वं
वि॒द्वानपि॑ ज॒न्येषु॑ भव॑न्ति तेभ्य॑ ए॒व द॑दत्यु॒त यद्व॑हु॒तयाः॑ (४४)

भ॒व॒न्त्येक॑हाय॒न्या क्री॑णाति॒ वाचै॑वैन॒ सर्व॑या क्रीणाति॒
तस्मा॑देक॑हाय॒ना म॒नुष्या॑ वाचं॑ वद॒न्त्यकू॑ट॒याऽकर्ण॑याऽका॒ण॒या-
ऽश्लो॑ण॒याऽसं॑शफ॒या क्री॑णाति॒ सर्व॑यै॒वैनं॑ क्रीणाति॒ यच्छ्वेत॑या
क्रीणी॑याद्दुश्च॒र्मा यज॑मानः स्या॒द्यत्कृ॑ष्ण॒यानु॑स्तर॑णी स्यात्प्र॒मायु॑को
यज॑मानः स्या॒द्यद्वि॑रूप॒या वात्र॑घ्नी स्या॒थ्स वा॒न्यं जि॑नीयात्तं वा॒न्यो

जिनीयादरुणया पिङ्गाक्ष्या क्रीणात्येतद्वै सोमस्य रूपं स्वयैवैनं देवतया क्रीणाति॥ (४५)

निष्क्रीणीष्व दक्षिणाभिश्च वदन्ति मन्यन्ते गन्धर्वेभ्यो बहुतयाः पिङ्गाक्ष्या दशं च॥ [६]

तद्धिरण्यमभवत्तस्मादद्ध्यो हिरण्यम्पुनन्ति ब्रह्मवादिनो वदन्ति कस्मात्सत्यादनस्थिकेन प्रजाः प्रवीयन्तेऽस्थन्वतीर्जायन्त इति यद्धिरण्यं घृतैऽवधाय जुहोति तस्मादनस्थिकेन प्रजाः प्र वीयन्तेऽस्थन्वतीर्जायन्त एतद्वा अग्नेः प्रियं धाम यद्धृतं तेजो हिरण्यमियं तै शुक्र तनूरिदं वर्च इत्याह सतेजसमेवैनं सतनुम् (४६)

करोत्यथो सम्भरत्येवैनं यदबद्धमवदध्याद्गर्भाः प्रजानां परापातुकाः स्युर्बद्धमव दधाति गर्भाणां धृत्यै निष्टर्क्यम्बध्राति प्रजानां प्रजननाय वाग्वा एषा यथ्सोमक्रयणी जूरसीत्याह यद्धि मनसा जवते तद्वाचा वदति धृता मनसेत्याह मनसा हि वाग्धृता जुष्टा विष्णव इत्याह (४७)

यज्ञो वै विष्णुर्यज्ञायैवैनां जुष्टां करोति तस्यांस्ते सत्यसंवसः प्रसव इत्याह सवितृप्रसूतामेव वाचमव रुन्दे काण्डेकाण्डे वै क्रियमाणे यज्ञं रक्षांसि जिघांसन्त्येष खलु वा अरक्षोहतः पन्था योऽग्रेष्व सूर्यस्य च सूर्यस्य चक्षुरारुहमग्रेरक्षणः कनीनिकामित्याह य एवारक्षोहतः पन्थास्तं समारोहति (४८)

वाग्वा एषा यत्सोमक्रयणी चिदंसि मनासीत्याह
 शास्त्येवैनामेतत्तस्माच्छिष्टाः प्रजा जायन्ते चिदसीत्याह यद्धि
 मनसा चेतयते तद्वाचा वदति मनासीत्याह यद्धि मनसाभिगच्छति
 तत्करोति धीरसीत्याह यद्धि मनसा ध्यायति तद्वाचा (४९)

वदति दक्षिणासीत्याह दक्षिणा ह्येषा यज्ञियासीत्याह
 यज्ञियामेवैनं करोति क्षत्रियासीत्याह क्षत्रिया ह्येषादितिरस्युभयतः शी
 यदेवाऽऽदित्यः प्रायणीयो यज्ञानामादित्य उदयनीयस्तस्मादेवमाह
 यदबद्धा स्यादयता स्याद्यत्पदिबद्धानुस्तरणी स्यात्प्रमायुको
 यजमानः स्यात् (५०)

यत्कर्णगृहीता वार्त्रघ्नी स्यात्स वान्यं जिनीयात्तं वान्यो
 जिनीयान्मित्रस्त्वां पदि बध्नात्वित्याह मित्रो वै शिवो
 देवानान्तेनैवैनं पदि बध्नाति पूषाध्वनः पात्वित्याहेयं वै
 पूषेमामेवास्यां अधिपामकः समष्ट्या इन्द्रायाध्यक्षयेत्याहेन्द्रमेवास्या
 अध्यक्षं करोति (५१)

अनु त्वा माता मन्यतामनु पितेत्याहानुमतयैवैनया क्रीणाति
 सा देवि देवमच्छेहीत्याह देवी ह्येषा देवः सोम इन्द्राय
 सोममित्याहेन्द्राय हि सोमं आह्रियते यदेतद्यजुर्न ब्रूयात्पराच्येव
 सोमक्रयणीयाद्बुद्धस्त्वा वर्तयत्वित्याह रुद्रो वै क्रूरः (५२)

देवानान्तमेवास्यै परस्ताद्वधात्यावृत्यै क्रूरमिव वा एतत्करोति

यद्बुद्रस्य कीर्तयति मित्रस्य पथेत्याह शान्त्यै वाचा वा एष वि
 क्रीणीते यः सोमक्रयण्या स्वस्ति सोमसखा पुनरेहि सह रय्येत्याह
 वाचैव विक्रीय पुनरात्मन्वाच धत्तेऽनुपदासुकास्य वाग्भवति य एवं
 वेद॥ (५३)

सतनुं विष्णव इत्याह समारोहति ध्यायति तद्वाचा यजमानः स्यात्करोति
 क्रूरो वेद॥ [७]

षट्पदान्यनु नि कामति षडहं वाङ्गाति वदत्युत संवत्सरस्यायने
 यावत्येव वाक्तामव रुन्दे सप्तमे पदे जुहोति सप्तपदा शक्करी
 पशवः शक्करी पशूनेवाव रुन्दे सप्त ग्राम्याः पशवः सप्तारण्याः
 सप्त छन्दांस्युभयस्यावरुद्धौ वस्यसि रुद्रासीत्याह रूपमेवास्या
 एतन्महिमानम् (५४)

व्याचष्टे बृहस्पतिस्त्वा सुप्ते रण्वत्वित्याह ब्रह्म वै
 देवानाम्बृहस्पतिर्ब्रह्मणैवास्मै पशूनव रुन्दे रुद्रो वसुभिरा
 चिकेत्वित्याहवृत्त्यै पृथिव्यास्त्वा मूर्धन्ना जिघर्मि देवयजन् इत्याह
 पृथिव्या ह्येष मूर्धा यद्देवयजन्मिडायाः पद इत्याहेडाये ह्येतत्पदं
 यत्सोमक्रयण्यै घृतवति स्वाहा (५)

इत्याह यदेवास्यै पदाद्धृतमपीड्यत तस्मादेवमाह
 यदध्वर्युरनग्नावाहुति जुहुयादन्धोऽध्वर्युः स्याद्रक्षांसि यज्ञं
 हन्युरहिरण्यमुपास्य जुहोत्यग्निवत्येव जुहोति नान्धोऽध्वर्युर्भवति

न यज्ञं रक्षांसि घ्नन्ति काण्डेकाण्डे वै क्रियमाणे यज्ञं
 रक्षांसि जिघांसन्ति परिलिखितं रक्षः परिलिखिता अरातय
 इत्याह रक्षसामपहत्यै (५६)

इदमहं रक्षसो ग्रीवा अपि कृन्तामि योऽस्मान्द्वेष्टि यं
 च वयं द्विष्म इत्याह द्वौ वाव पुरुषौ यं चैव द्वेष्टि यश्चैनं
 द्वेष्टि तयोरेवानन्तरायं ग्रीवाः कृन्तति पशवो वै सोमक्रयण्यै
 पदं यावत्सूतं सं वपति पशून्वाव रुन्देऽस्मे राय इति सं
 वपत्यात्मानमेवाध्वर्युः (५७)

पशुभ्यो नान्तरेति त्वे राय इति यजमानाय प्र यच्छति
 यजमान एव रयिं दधाति तोते राय इति पत्न्या अर्धो वा
 एष आत्मनो यत्पत्नी यथा गृहेषु निधत्ते तादृगेव तत्त्वष्टीमती
 ते सपेयेत्याह त्वष्टा वै पशूनामिधुनानां रूपकद्रूपमेव पशुषु
 दधात्यस्मै वै लोकाय गार्हपत्य आ धीयतेऽमुष्मा आहवनीयो
 यद्गार्हपत्य उपवपेदस्मिल्लोके पशुमान्थस्याद्यदाहवनीये-
 ऽमुष्मिल्लोके पशुमान्थस्यादुभयोरुप वपत्युभयोरेवैनल्लोकयोः
 पशुमन्तं करोति॥ (५८)

महिमानं स्वाहापहत्या अध्वर्युर्धीयते चतुर्विंशतिश्च॥ [८]

ब्रह्मवादिनो वदन्ति विचित्यः सोमा (३) न विचित्या (३)
 इति सोमो वा ओषधीनां राजा तस्मिन् यदापन्नं ग्रसितमेवास्य
 तद्यद्विचिनुयाद्यथास्याद्वसितं निष्विदति तादृगेव तद्यन्न

विचिनुयाद्यथाक्षत्रापन्नं विधावन्ति तादृगेव तत्क्षोधुकोऽध्वर्युः
 स्यात्क्षोधुको यजमानः सोमविक्रयिन्त्सोमः शोधयेत्येव
 ब्रूयाद्यदीतरम् (५९)

यदीतरमुभयेनैव सोमविक्रयिणमर्पयति तस्मात्सोमविक्रयी
 क्षोधुकोऽरुणो ह स्माहौपवेशिः सोमक्रयण एवाहं तृतीयसवनमव
 रुन्ध इति पशूनां चर्मन्मिमीते पशूनेवाव रुद्धे पशवो हि
 तृतीयः सवनं यङ्गामयेतापशुः स्यादित्यृक्षतस्तस्य मिमीतर्क्षं वा
 अपशव्यमपशुरेव भवति यं कामयेत पशुमान्त्स्यात् (६०)

इति लोमतस्तस्य मिमीतैतद्वै पशूनां रूपं रूपेणैवास्मै
 पशूनव रुद्धे पशुमानेव भवत्यपामन्ते क्रीणाति सरंसमेवैनं
 क्रीणात्यमात्योऽसीत्याहामैवैनं कुरुते शुक्रस्ते ग्रह इत्याह शुक्रो
 ह्यस्य ग्रहोऽनसाच्छ याति महिमानमेवास्याच्छ यात्यनसा (६१)

अच्छ याति तस्मादनोवाह्यः समे जीवनं यत्र खलु वा
 एतः शीर्ष्णा हरन्ति तस्माच्छीर्षहार्यं गिरौ जीवनमभि त्यं
 देवः संवितारमित्यतिच्छन्दसर्चा मिमीतेऽतिच्छन्दा वै सर्वाणि
 छन्दांसि सर्वेभिरेवैनं छन्दोभिर्मिमीते वर्ष्म वा एषा छन्दसां
 यदतिच्छन्दा यदतिच्छन्दसर्चा मिमीते वर्ष्मैवैनः समानानां
 करोत्येकैकयोत्सर्गम् (६२)

मिमीतेऽयातयाम्नियायातयाम्नियैवैनम्मिमीते तस्मान्नानावीर्या
 अङ्गुलंयः सर्वास्वङ्गुष्ठमुप नि गृह्णाति तस्मात्समावद्वीर्यो-
 ऽन्याभिरङ्गुलिभिस्तस्मात्सर्वा अनु सं चरति यत्सह सर्वाभिर्मिमीत
 सञ्श्लिष्टा अङ्गुलयो जायेरन्नेकयैकयोत्सर्गम्मिमीते तस्माद्विभक्ता
 जायन्ते पञ्च कृत्वो यजुषा मिमीते पञ्चाक्षरा पङ्क्तिः पाङ्क्तौ यज्ञो
 यज्ञमेवाव रुन्दे पञ्च कृत्वंस्तूष्णीम् (६३)

दश सम्पद्यन्ते दशाक्षरा विराडन्नं विराड्विराजैवान्नाद्यमव
 रुन्दे यद्यजुषा मिमीते भूतमेवाव रुन्दे यत्तूष्णीम्विष्यद्यद्वै
 तावानेव सोमः स्याद्यावन्तम्मिमीते यजमानस्यैव स्यान्नापि
 सदस्यानां प्रजाभ्यस्त्वेत्युप समूहति सदस्यानेवान्वाभजति
 वाससोप नह्यति सर्वदेवत्यं वै (६४)

वासः सर्वाभिरेवैनं देवताभिः समर्धयति पशवो वै सोमः
 प्राणाय त्वेत्युप नह्यति प्राणमेव पशुषु दधाति व्यानाय त्वेत्यनु
 श्रन्थति व्यानमेव पशुषु दधाति तस्मात्स्वपन्तं प्राणा न
 जहति॥ (६५)

इतरम्पशुमान्स्याद्यात्यनसोत्सर्गन्तूष्णीं संवदेवत्यं वै त्रयस्त्रिंशच्च॥ [९]

यत्कलयां ते शफेनं ते क्रीणानीति पणेतगोअर्घं सोमं
 कुर्यादगोअर्घं यजमानमगोअर्घमध्वर्युङ्गोस्तु महिमानं नाव तिरेद्भवां

ते क्रीणा॒नीत्ये॒व ब्रूया॑द्गोअ॒र्घमे॒व सोमं॑ क॒रोति॑ गोअ॒र्घं यज॑मानं
गोअ॒र्घम॑ध्व॒र्युन्न गो॑र्महि॒मान॑मव॒ तिरत्य॑जया॑ क्रीणाति॒ सत॑पसमे॒वैनं॑
क्रीणाति॒ हिर॑ण्येन क्रीणाति॒ सशु॑क्रमे॒व (६६)

ए॒नं क्री॒णाति॒ धे॒न्वा क्री॒णाति॒ साशि॑रमे॒वैनं॑ क्रीणात्यृष॒भेण॑
क्रीणाति॒ सेन्द्र॑मे॒वैनं॑ क्रीणात्यन॒डुहा॑ क्रीणाति॒ वह्नि॑र्वा अ॒न॒ड्वान्
वह्नि॑नै॒व वह्नि॑ य॒ज्ञस्य॑ क्रीणाति॒ मिथु॑नाभ्या॑ क्रीणाति॒
मिथु॑नस्याव॒रुद्धौ॒ वास॑सा क्रीणाति॒ सर्व॑दे॒वत्यं॑ वै वासः॒
सर्वा॑भ्य ए॒वैनं॑ दे॒वता॑भ्यः क्रीणाति॒ दश॑ सम्प॒द्यन्ते॒ दशा॑क्षरा
वि॒राडन्नं॑ वि॒राड्विरा॑जै॒वान्नाद्य॑मव॒ रुद्धे॑ (६७)

तप॑सस्त॒नूर॑सि प्र॒जाप॑ते॒र्वर्ण॑ इत्या॒ह प॒शुभ्य॑ ए॒व तद॑ध्व॒र्युर्नि
हु॒त आ॒त्मनो॑ऽना॒व्रस्का॑य॒ गच्छ॑ति॒ श्रियं॑ प्र प॒शूना॑प्नोति॒ य ए॒वं वेद॑
शु॒क्रं ते॑ शु॒क्रेण॑ क्रीणा॒मीत्या॑ह यथाय॒जुरे॒वैतद्दे॒वा वै येन॑ हिर॑ण्येन॒
सोम॑मक्री॒णन्त॑द॒भीष॑हा पुन॒राद॑दत् को हि तेज॑सा वि॒क्रेष्य॑त् इति॒
येन॑ हिर॑ण्येन (६८)

सोमं॑ क्रीणी॒यात्त॑द॒भीष॑हा पुन॒रा द॑दीत् तेजं॑ ए॒वात्म॑न्ध॒त्तेऽस्मे
ज्योतिः॑ सोमवि॒क्रयि॑णि॒ तम॑ इत्या॒ह ज्योति॑रे॒व यज॑माने दधाति॒
तम॑सा॒ सोमवि॒क्रयि॑णम॒र्पय॑ति॒ यदनु॑पग्रथ्य ह॒न्याद॑न्द॒शूका॑स्ता॒ः
समा॑ः सर्पाः स्यु॒रिद॑म॒हः सर्पा॑णां द॒न्द॒शूका॑नां ग्री॒वा उप॑
ग्र॒न्नामी॑त्या॒हाद॑न्द॒शूका॑स्ता॒ः समा॑ः सर्पा भ॑वन्ति॒ तम॑सा

सोमविक्रयिणं विध्यति स्वानं (६९)

भ्राजेत्याहेते वा अमुष्मिँल्लोके सोममरक्षन्तेभ्यो-
ऽधि सोममाहरन् यदेतेभ्यः सोमक्रयणान्नानुदिशेदक्रीतो-
ऽस्य सोमः स्यान्नास्यैतेऽमुष्मिँल्लोके सोमः रक्षेयुर्यदेतेभ्यः
सोमक्रयणाननुदिशति क्रीतोऽस्य सोमो भवत्येतेऽस्यामुष्मिँल्लोके
सोमः रक्षन्ति॥ (७०)

सशुक्रमेव रुन्ध इति येन हिरण्येन स्वानं चतुश्चत्वारिंशच्च॥—[१०]

वारुणो वै क्रीतः सोम उपनद्धो मित्रो न एहि सुमित्रधा
इत्याह शान्त्या इन्द्रस्योरुमा विश दक्षिणमित्याह देवा वै
यः सोममक्रीणन्तमिन्द्रस्योरौ दक्षिण आसादयन्नेष खलु वा
एतर्हीन्द्रो यो यजंते तस्मादेवमाहोदायुषा स्वायुषेत्याह देवता
एवान्वारभ्योत् (७१)

तिष्ठत्युर्वन्तरिक्षमन्विहीत्याहान्तरिक्षदेवत्यो ३ ह्येतर्हि सोमो-
ऽदित्याः सदोऽस्यदित्याः सद आ सीदेत्याह यथायजुरेवैतद्वि वा
एनमेतदर्धयति यद्वारुणः सन्तम्मैत्रं करोति वारुण्यर्चा सादयति
स्वयैवैनं देवतया समर्धयति वासंसा पर्यानहति सर्वदेवत्यं वै
वासः सर्वाभिरेव (७२)

एनं देवताभिः समर्धयत्यथो रक्षंसामपहत्यै वनेषु व्यन्तरिक्षं
ततानेत्याह वनेषु हि व्यन्तरिक्षं ततान वाजमर्वथ्स्वित्याह वाजः

ह्यर्वथ्सु पयो अग्नि॒यास्वित्या॑ह पयो ह्यग्नि॒यासु॑ ह्थ्सु क्रतु॑मित्या॒ह
ह्थ्सु हि क्रतुं वरु॑णो वि॒श्वग्नि॑मित्या॒ह वरु॑णो हि वि॒श्वग्नि॑न्दिवि
सूर्य॑म् (७३)

इत्या॑ह दि॒वि हि सूर्य॑ः सोम॒मद्रा॑वित्या॒ह ग्रावा॑णो वा
अद्र॑यस्तेषु वा ए॒ष सोमं॑ दधाति॒ यो यज॑ते तस्मा॑देवमा॒होदु॑ त्यं
जा॒तवे॑दस॒मिति॑ सौर्य॑र्चा कृ॒ष्णाजि॒नम्प्र॒त्यान॑ह्यति॒ रक्ष॑साम॒पंह॒त्या
उ॒स्रावे॑त धू॒रषा॑हावित्या॒ह यथा॑य॒जुरे॒वैत॒त्प्र च्य॑वस्व भुव॒स्पत॑
इत्या॑ह भू॒ताना॑ः हि (७४)

ए॒ष पति॑र्वि॒श्वान्य॑भि धामा॒नीत्या॑ह वि॒श्वानि॒ ह्ये ३ षो॑-
ऽभि धामा॑नि प्र॒च्यव॑ते मा त्वा॑ परि॒परी वि॑ददित्या॒ह यदे॒वादः
सोमं॑मा॒ह्रिय॑माणं गन्ध॒र्वो वि॒श्वाव॑सुः पर्य॑मु॒ष्णात्तस्मा॑देवमा॒हापरि॑मोषा॒य
यज॑मानस्य स्व॒स्त्यये॑न्यसीत्या॒ह यज॑मानस्यै॒वैष य॒ज्ञस्या॑न्वा॒रम्भो॑-
ऽन॑व॒छित्यै॑ वरु॑णो वा ए॒ष यज॑मानम॒भ्यैति॑ यत् (७५)

क्री॒तः सोम॑ उप॒नद्धो॑ नमो॑ मि॒त्रस्य॑ वरु॑णस्य चक्ष॑स
इत्या॑ह शान्त्या॒ आ सोमं॑ वह॑न्त्य॒ग्निना॑ प्रति॑ तिष्ठते तौ स॒म्भव॑न्तौ
यज॑मानम॒भि सम्भ॑वतः पुरा॒ खलु॑ वावैष मेधा॑या॒त्मान॑मा॒रभ्य॑ चरति॒
यो दी॑क्षि॒तो यद॑ग्री॒षोमी॑यम्प॒शुमा॑लभ॑त आत्म॑नि॒ष्क्रय॑ण ए॒वास्य॑ स
तस्मा॑त्तस्य॒ नाश॑यं पुरुष॑नि॒ष्क्रय॑ण इव॒ ह्यथो॑ खल्वा॒हुरग्री॑षोमा॒भ्यां
वा इन्द्रो॑ वृ॒त्रम॑ह॒न्निति॑ यद॑ग्री॒षोमी॑यम्प॒शुमा॑लभ॑ते वा॒र्त्रघ्न॑ ए॒वास्य॑

स तस्माद्वाश्यं वारुण्यर्चा परि चरति स्वयैवैनं देवतया परि चरति॥ (७६)

अन्वारभ्योऽसर्वाभिरेव सूर्यं भूतानां ह्येति यदाहुः सप्तविंशतिश्च॥ [११]

यदुभौ देवासुरा मिथस्तेषां सुवर्गं यद्वा अनीशानः पुरोहविषि तेभ्यः सोत्तरवेदिर्बद्धं देवस्याग्निं शिरो वा एकादश॥—[१२] यदुभावित्याह देवानां यज्ञो देवेभ्यो न रथाय यजमानाय पुरस्ताद्वाचीन्नवपञ्चाशत्॥ 59॥ यदुभौ दुह एवेनाम्॥

॥द्वितीयः प्रश्नः॥

॥तैत्तिरीयसंहितायां षष्ठमकाण्डे द्वितीयः प्रश्नः॥

यदुभौ विमुच्यातिथ्यं गृह्णीयाद्यज्ञं विच्छिन्द्याद्यदुभावविमुच्य यथानांगतायातिथ्यं क्रियते तादृगेव तद्विमुक्तोऽन्योऽनुद्वात्मवत्वविमुक्तोऽन्योऽथातिथ्यं गृह्णाति यज्ञस्य सन्तत्यै पव्यन्वारभते पत्नी हि पारीणह्यस्येशे पत्नियैवानुमतं निर्वपति यद्वै पत्नी यज्ञस्य करोति मिथुनं तदथो पत्निया एव (१)

एष यज्ञस्यान्वारम्भोऽनवच्छित्ये यावद्विर्वै राजानुचरैरागच्छति सर्वेभ्यो वै तेभ्यं आतिथ्यं क्रियते छन्दांसि खलु वै सोमस्य राज्ञोऽनुचराण्यग्नेरातिथ्यमसि विष्णवे त्वेत्याह गायत्रिया एवैतेन करोति सोमस्यातिथ्यमसि विष्णवे त्वेत्याह त्रिष्टुभं एवैतेन करोत्यतिथेरातिथ्यमसि विष्णवे त्वेत्याहु जगत्यै (२)

एवैतेन करोत्यग्र्यै त्वा रायस्पोषदात्रे विष्णवे त्वेत्याहानुष्टुभं एवैतेन करोति श्येनाय त्वा सोमभूते विष्णवे त्वेत्याह गायत्रिया एवैतेन करोति पञ्च कृत्वौ गृह्णाति पञ्चाक्षरा पङ्क्तिः पाङ्क्तौ यज्ञो यज्ञमेवाव रुद्धे ब्रह्मवादिनो वदन्ति कस्मात्सत्याद्वायत्रिया उभयत आतिथ्यस्य क्रियत इति यदेवादः सोममा (३)

अहर्त्तस्माद्वायत्रिया उभयत आतिथ्यस्य क्रियते पुरस्ताच्चोपरिष्ठाच्च शिरो वा एतद्यज्ञस्य यदातिथ्यं नवकपालः पुरोडाशो भवति तस्मान्नवधा शिरो विध्यूतन्नवकपालः पुरोडाशो भवति ते त्रयस्त्रिकपालास्त्रिवृता स्तोमेन सम्मितास्तेजस्त्रिवृतेज एव यज्ञस्य शीर्षं दधाति नवकपालः पुरोडाशो भवति ते त्रयस्त्रिकपालास्त्रिवृता प्राणेन सम्मितास्त्रिवृदे (४)

प्राणस्त्रिवृतमेव प्राणमभिपूर्वं यज्ञस्य शीर्षं दधाति प्रजापतेर्वा एतानि पक्षमाणि यदंशवाला ऐक्षवी तिरश्ची यदाश्ववालः प्रस्तरो भवत्यैक्षवी तिरश्ची प्रजापतेरेव तच्चक्षुः सम्भरति देवा वै या आहुतीरजुहवुस्ता असुरा निष्कावमादन्ते देवाः कार्पम्यमपश्यन्कर्मण्यो वै कर्मनेन कुर्वीतेति ते कार्पम्यमयां परिधीन् (५)

अकुर्वत तैवै ते रक्षाऽस्यपाप्रात यत्कार्पम्यमयाः परिधयो भवन्ति रक्षसामपहत्यै सःस्पृशयति

रक्षसामनन्वचाराय न पुरस्तात्परि दधात्यादित्यो ह्येवोद्यपुरस्ताद्रक्षाऽस्यपहन्यूर्ध्वं समिधावा दधात्युपरिष्ठादेव रक्षाऽस्यपहन्ति यजुषान्यां तूष्णीमन्यामिन्थुन्त्वाय द्वे आ दधाति द्विपाद्यजमानः प्रतिष्ठित्यै ब्रह्मवादिनो वदन्ति (६)

अग्निश्च वा एतौ सोमश्च कथा सोमायातिथ्यं क्रियते नाग्नय इति यदग्नावग्निम्मथित्वा प्रहरंति तेनेवाग्नयं आतिथ्यं क्रियतेऽथो खल्वाहुरग्निः सर्वा देवता इति यद्विरासाद्याग्निम्मन्थति हुव्यायैवासन्नाय सर्वा देवता जनयति॥ (७)

प्रिया एव जगत्या आ त्रिवृद्धे परिधीन् वदन्त्येकचत्वारिंशच्च॥ [१]

देवासुराः संयन्ता आसन्ते देवा मिथो विप्रिया आसन्तेऽ ३ न्योन्यस्मै ज्यैष्ठ्यायातिष्ठमानाः पञ्चधा व्यंकामत्रग्निर्वसुभिः सोमो रुद्रैरिन्द्रो मरुद्विर्वरुण आदित्यैर्वृहस्पतिर्विश्वेदेवैस्तेऽमन्यन्तासुरेभ्यो वा इदम्रातृव्येभ्यो रध्यामो यन्मिथो विप्रियाः स्मो या न इमाः प्रियास्तनुवस्ताः समवद्यामहे ताभ्यः स निर्ऋच्छाद्यः (८)

नः प्रथमोऽ ३ न्योन्यस्मै द्रव्यादिति तस्माद्यः सतानूनग्निणाम्प्रथमो द्रव्यंति स आर्तिमाच्छति यतानूनत्र संमवद्यति भ्रातृव्याभिभूत्यै भवत्यात्मना परास्य भ्रातृव्यो भवति पञ्च कृत्वोऽव द्यति पञ्चधा हि ते तत्समवाद्यन्ताथो पञ्चाक्षरा पङ्क्तिः पाङ्क्तो यज्ञो यज्ञमेवाव रुन्द आपतये त्वा गृह्णामीत्याह प्राणो वै (९)

आपतिः प्राणमेव प्रीणाति परिपतय इत्याह मनो वै परिपतिर्मन एव प्रीणाति तनूनत्र इत्याह तनुवो हि ते ताः समवाद्यन्त शाकुरायेत्याह शक्त्यै हि ते ताः समवाद्यन्त शक्नन्नोजिष्टायेत्याहोर्जिष्टं हि ते तदात्मनः समवाद्यन्तानाधृष्टमस्यनाधृष्यमित्याहानाधृष्टं ह्येतदनाधृष्यं देवानामोर्जः (१०)

इत्याह देवानां ह्येतदोर्जोऽभिशास्तिपा अनभिशास्तेन्यमित्याहभिशास्तिपा ह्येतदनभिशास्तेन्यमनु मे दीक्षा दीक्षापतिर्मन्यतामित्याह यथायजुरेवैतद्धृतं वै देवा वज्रं कृत्वा सोममग्नन्नन्तिकमिव खलु वा अस्येतच्चरन्ति यतानूनत्रेण प्रचरन्त्यंशुरंशुस्ते देव सोमा प्यायतामित्याह यत् (११)

एवास्यापुवायते यन्मीर्यते तदेवास्थेतेना प्याययत्या तुभ्यमिन्द्रः प्यायतामा त्वमिन्द्राय प्यायस्वेत्याहोभाववेन्द्रं च सोमं चा प्याययत्या प्यायय सखीन्सुन्या मेधयेत्याहुर्विजो वा अस्य सखायस्तानेवा प्याययति स्वस्ति तं देव सोम सुत्यामशीय (१२)

इत्याहशिषमैवेतामा शास्ते प्र वा एतौऽस्माल्लोकाद्यवन्ते ये सोममाप्याययन्त्यन्तरिक्षदेवयो हि सोम आप्यायित एष्टा रायः प्रेपे भगायेत्याह द्यावापृथिवीभ्यामेव नमस्कृत्यास्मिन्नोके प्रति तिष्ठन्ति देवासुराः संयन्ता आसन्ते देवा बिभ्यन्तेऽग्निम्राविशन्तस्मादाहुरग्निः सर्वा देवता इति ते (१३)

अग्निमेव वरूथं कृत्वासुरानभ्यभवन्नग्निमिव खलु वा एष प्र विशति योऽवान्तरदीक्षामुपैति भ्रातृव्याभिभूत्यै भवत्यात्मना परास्य भ्रातृव्यो भवत्यात्मनमेव दीक्षया पाति प्रजामवान्तरदीक्षया सन्तराम्मेखलां समायच्छते प्रजा ह्यात्मनोऽन्तरतरा तप्तव्रतो भवति मदन्तोभिर्माजयते निर्ह्यग्निः शीतेन वायति समिद्धे या तं अग्ने

रुद्रिया तनूरित्याहु स्वयैवेनद्वैवतया व्रतयति सयोनित्वाय शान्त्यै॥ (१४)

यो वा ओज आह यदशीयेति तैऽग्न एकादश च॥ [२]

तेषामसुराणान्तिस्रः पुरं आसन्नयस्मय्वमाऽथं रज्जताऽथ हरिणी ता देवा जेतुन्नाशंकुवन्ता उपसद्देवाजिगीषन्तस्मादाहुयश्चैवं वेद यश्च नोपसदा वै मंहापुरं जयन्तीति त इषुः समंस्कुर्वताग्निमनीकः सोमः शल्यं विष्णुन्तेजन्तैऽब्रुवन्क इमामसिष्यतीति (१५)

रुद्र इत्यब्रवन्नुद्रो वै क्रूरः सौऽस्यत्विति सौऽब्रवीद्वरं वृणा अहमेव पशूनामधिपतिरसानीति तस्माद्बुधः पशूनामधिपतिस्ताः रुद्रोऽवांसृजथ्स तिस्रः पुरां भित्त्वैभ्यो लोकेभ्योऽसुरान्प्राणुदत् यदुपसदं उपसद्यन्ते भ्रातृव्यपराणुत्यै नान्यामाहुतिम्पुरस्ताञ्जुहुयाद्यदन्यामाहुतिम्पुरस्ताञ्जुहुयात् (१६)

अन्यन्मुखं कुर्यात्श्रुवेणाधारमा धारयति यज्ञस्य प्रज्ञात्यै पराङ्गतिरुक्त्यं जुहोति परांच एवैभ्यो लोकेभ्यो यजमानो भ्रातृव्यान्प्र णुदते पुनरत्याक्रम्योपसदं जुहोति प्रणुद्यैवैभ्यो लोकेभ्यो भ्रातृव्याञ्जित्वा भ्रातृव्यलोकमभ्यारोहति देवा वै याः प्रातरुपसदं उपासीदन्नहस्ताभिरसुरान्प्राणुदन्त याः सायः रात्रियै ताभिर्यथायम्प्रातरुपसदः (१७)

उपसद्यन्तैऽहोरात्राभ्यामेव तद्यजमानो भ्रातृव्यान्प्र णुदते याः प्रातर्याज्याः स्युस्ताः सायम्पुरोनुवाक्याः कुर्यादयातयामत्वाय तिस्र उपसद् उपैति त्रयं इमे लोका इमानेव लोकान्प्रीणाति षट्सम्पद्यन्ते षड्वा ऋतवं ऋतुनेव प्रीणाति द्वादशाहीने सोम उपैति द्वादश मासैः संवत्सरः संवत्समेव प्रीणाति चतुर्विंशतिः सम् (१८)

पद्यन्ते चतुर्विंशतिरर्धमासा अर्धमासानेव प्रीणात्यारोग्रामवान्तरदीक्षामुपेयाद्यः कामयेंतास्मिन्ने लोकेऽर्धुकः स्यादित्येकमग्रेऽथे द्वावथ त्रीनथ चतुर एषा वा आरोग्रवान्तरदीक्षास्मिन्नेवास्यै लोकेऽर्धुकम्भवति पुरोवरीयसीमवान्तरदीक्षामुपेयाद्यः कामयेंतामुष्मिन्ने लोकेऽर्धुकः स्यादिति चतुरोऽग्रेऽथ त्रीनथ द्वावथैकमेपा वै पुरोवरीयस्यवान्तरदीक्षामुष्मिन्नेवास्यै लोकेऽर्धुकम्भवति॥ (१९)

असिष्यतीति जुहुयात्सायम्प्रातरुपसदश्चतुर्विंशतिः सञ्चतुरोऽग्रे षोडश च॥ [३]

सुवर्गं वा एते लोकं यन्ति य उपसदं उपयन्ति तेषां य उन्नयते हीयत एव स नोदनेषीति सूत्रीयमिव यो वै स्वार्थेतां यताः श्रान्तो हीयत उत स निष्ठायां सह वसति तस्मात्सुकृदुन्नीय नापरमुन्नयेत दध्नोन्नयेतैतद्वै पशूनाः रूपः रूपेणैव पशूनं रुद्धे (२०)

यज्ञो देवेभ्यो निलायत् विष्णू रूपं कृत्वा स पृथिवीम्प्राविशत् देवा हस्तान्स्वःस्वैच्छन्तमिन्द्रं उपर्युपर्यत्यक्राम्थोऽब्रवीत्को मायमुपर्युपर्यत्यक्रमीदित्यहं दुर्गे हन्तेत्यथ कस्त्वमित्यहं दुर्गादाहर्तेति सौऽब्रवीद्दुर्गे वै हन्तावोचथा वराहोऽयं वाममोषः (२१)

सप्तानां गिरिणाम्पुरस्ताद्वित्तं वेद्यमसुराणाम्बभर्ति तं जंहि यदि दुर्गे हन्तासीति स दर्भपुञ्जिलमुद्धहं

सप्त गिरीन्मत्वा तमहन्त्योऽब्रवीद्गुग्गा आहर्तावोचथा एतमा हरेति तमैभ्यो यज्ञ एव यज्ञमाहर्द्यतद्वित्तं वेद्यमसुराणामविन्दन्त तदेकं वेद्यं वेदित्वमसुराणाम् (२२)

वा इयमग्रं आसीद्यावदासीनः परापश्यति तावद्देवानान्ते देवा अब्रुवन्नस्त्वेव नोऽस्यामपीति कियंद्वा दास्याम् इति यावदियं संलावृकी त्रिः परिक्रामति तावन्नो दत्तेति स इन्द्रः सलावृकी रूपं कृत्वेमां त्रिः सर्वतः पर्यक्रामत्तदिमामविन्दन्त यदिमामविन्दन्त तद्वेद्यं वेदित्वम् (२३)

सा वा इयं सर्वैव वेदिरियति शक्ष्यामीति त्वा अंवमायं यजन्ते त्रिंशत्पदानि पश्चात्तिरश्चीं भवति पद्विंशत्पाची चतुर्विंशतिः पुरस्तात्तिरश्चीं दशदश सम्पद्यन्ते दशाक्षरा विराडन्नं विराड्विराजैवान्नाद्यमव रुन्द्र उद्धन्ति यदेवास्यां अमेध्यं तदपं हन्त्युद्धन्ति तस्मादोषधयः परां भवन्ति बरहिः स्तृणाति तस्मादोषधयः पुनरा भवन्त्युत्तरं बरहिषं उत्तरबरहिः स्तृणाति प्रजा वै बरहिर्यजमान उत्तरबरहिर्यजमानमेवायं जमानादुत्तरं करोति तस्माद्यजमानोऽयं जमानादुत्तरः॥ (२४)

रुन्धे वाममोषो वैदित्वमसुराणां वेदित्वं भवन्ति पञ्चविंशतिश्च॥ [४]

यद्वा अनीशानो भारमादत्ते वि वै स लिंशते यद्वा दश साहस्योपसदः स्युस्तिस्त्रोऽहीनस्य यज्ञस्य विलोमं क्रियेत तिस्र एव साहस्योपसदो द्वादशाहीनस्य यज्ञस्य सवीर्यत्वायाथो सलोमं क्रियते वृथस्यैकः स्तनो भागी हि सोऽथैकः स्तनं व्रतमुपैत्यथ द्वावथ त्रीनथ चतुर एतद्वे (२५)

क्षुरपंवि नाम व्रतं येन प्र जातान्भ्रातृव्यानुदते प्रति जनिष्यमाणानथो कनीयसैव भूय उपैति चतुरोऽग्रे स्तनान्ब्रतमुपैत्यथ त्रीनथ द्वावथैकमेतद्वे सुजघनं नाम व्रतं तंपस्यं सुवर्गमथो प्रैव जायते प्रजयां पशुभिर्यवागू राज्ञ्यस्य व्रतं क्रूरेव वै यवागूः क्रूर इव (२६)

राज्यो वज्रस्य रूपं समृद्धा आमिक्षा वैश्यस्य पाकयज्ञस्य रूपमुष्मै पर्यौ ब्राह्मणस्य तेजो वै ब्राह्मणस्तेजः पयस्तेजसैव तेजः पयं आत्मन्धेऽथो पर्यसा वै गर्भा वर्धन्ते गर्भं इव खलु वा एष यदीक्षितो यदस्य पर्यौ व्रतम्भवंत्यात्मानमेव तद्वर्धयति त्रिव्रतो वै मनुरासीद्विब्रता असुरा एकव्रताः (२७)

देवाः प्रातर्मध्यन्दिने सायं तन्मनोव्रतमासीत्पाकयज्ञस्य रूपमुष्मै प्रातश्च सायं चासुराणां निर्मध्यं क्षुधो रूपं ततस्ते पराभवन्मध्यन्दिने मध्यरात्रे देवानां ततस्तेऽभवन्ध्रुवर्गं लोकमायन् यदस्य मध्यन्दिने मध्यरात्रे व्रतम्भवति मध्यतो वा अन्नं भुञ्जते मध्यत एव तदूर्जं धत्ते भ्रातृव्याभिभूत्यै भवंत्यात्मानं (२८)

पराऽस्य भ्रातृव्यो भवति गर्भो वा एष यदीक्षितो योनिर्दीक्षितविमितं यदीक्षितो दीक्षितविमितात्प्रवसेद्यथा योनेर्गर्भः स्कन्दति तादृगेव तन्न प्रवस्तव्यमात्मनो गोपीथायैष वै व्याघ्रः कुलगोपो यदग्निस्तस्माद्यदीक्षितः प्रवसेत्स एनमीश्वरौऽनुत्थाय हन्तोर्न प्रवस्तव्यमात्मनो गुप्त्यै दक्षिणतः शय एतद्वे यजमानस्यायतनं स्व एवायतने शयेऽग्निर्मभ्यावृत्यं शये देवता एव यज्ञर्मभ्यावृत्यं शये॥ (२९)

एतद्वे क्रूर इवैकव्रता आत्मना यजमानस्य त्रयोदश च॥ [५]

पुरोहंविषि देवयजने याजयेद्यं कामयेतोपैन्मुत्तरो यज्ञो नमेदभि सुवर्गं लोकं जयेदित्येतद्वे पुरोहंविदेवयजनं यस्य होता प्रातरनुवाकमनुब्रुवन्नग्निमप आदित्यमभि विपश्यत्युपैन्मुत्तरो यज्ञो नमत्यभि

सुवर्गं लोकं जयत्याप्ते देवयजने याजयेद्भातुर्व्यवन्तम्पन्थां वाधिस्पर्शयेत्कृतं वा यावन्नानसे यातवै (३०)

न रथांचैतद्वा आपं देवयजनमाप्नोत्येव भ्रातृव्यं नैनम्भ्रातृव्य आप्नोत्येकोन्नते देवयजने याजयेत्पशुकाममेकोन्नताद्वै देवयजनादङ्गिरसः पशून्सृजन्तान्तरा संदोहविधाने उन्नतः स्यादेतद्वा एकोन्नतं देवयजनम्पशुमानेव भवति त्र्युन्नते देवयजने याजयेत्सुवर्गकामं त्र्युन्नताद्वै देवयजनादङ्गिरसः सुवर्गं लोकमायन्नन्तराहवनीयं च हविर्धानं च (३१)

उन्नतः स्यादन्तरा हविर्धानं च सदश्चान्तरा सदश्च गार्हपत्यं चैतद्वै त्र्युन्नतं देवयजनं सुवर्गमेव लोकमेति प्रतिष्ठिते देवयजने याजयेत्प्रतिष्ठाकाममेतद्वै प्रतिष्ठितं देवयजनं यथ्सर्वतः समम्प्रत्येव तिष्ठति यत्रान्याअन्या ओषधयो व्यतिपक्ताः स्युस्तद्याजयेत्पशुकाममेतद्वै पशूनां रूपं रूपेणैवास्मै पशून् (३२)

अवं रुद्धे पशुमानेव भवति निरृक्तिगृहीते देवयजने याजयेद्यं कामयेत् निरृक्त्यास्य यज्ञं ग्राहयेयमित्येतद्वै निरृक्तिगृहीतं देवयजनं यथ्सदृश्यं सत्यां ऋक्षत्रिरृक्त्यैवास्य यज्ञं ग्राहयति व्यावृत्ते देवयजने याजयेद्भावृत्कामं यम्पात्रे वा तल्पे वा मीमांसेरन्माचीनमाहवनीयात्प्रवृणः स्यात्प्रतीचीनं गार्हपत्यादेतद्वै व्यावृत्तं देवयजनं वि पाप्मना भ्रातृव्येणा वर्तते नैनम्पात्रे न तल्पे मीमांसन्ते कार्यं देवयजने याजयेद्भूतिकामं कार्या वै पुरुषो भवंत्येव॥ (३३)

यातवै हविर्धानञ्च पशून्पाप्मनाऽष्टादश च॥

[६]

तेभ्यं उत्तरवेदिः सिंही रूपं कृत्वोभयानन्तरापृक्क्यातिष्ठते देवा अमन्यन्त यतुरान् वा इयमुपावर्धयति त इदम्भविष्यन्तीति तामुपांमत्रयन्त साब्रवीद्वरं वृणे सर्वाभ्यां कामान्व्यंशजवथ पूर्वा तु माऽग्रेराहुतिरंशजवता इति तस्मादुत्तरवेदिम्पूर्वामग्नेयाधारयन्ति वारिवृत्ः हंस्ये शम्यया परिं मिमीते (३४)

मात्रेवास्ये साऽथो युक्तेनैव युक्तमवं रुद्धे वित्तायनी मेऽसीत्याह वित्ता ह्येनानावत्तिकायनी मेऽसीत्याह तित्कान् ह्येनानावदवतान्मा नाथितमित्याह नाथितान् ह्येनानावदवतान्मा व्यथितमित्याह व्यथितान् ह्येनानावद्विदेरग्निर्भो नामं (३५)

अग्रे अङ्गिर इति त्रिहरति य एवैषु लोकेष्वग्नयस्तानेवावं रुद्धे तूष्णीं चतुर्थं हरत्यनिरुक्तमेवावं रुद्धे सिंहीरसि महिषीरसीत्याह सिंहीरह्येषा रूपं कृत्वोभयानन्तरापृक्क्यातिष्ठदुरु प्रथस्वोरु तं यज्ञपतिः प्रथतामित्याह यजमानमेव प्रजया पशुभिः प्रथयति ध्रुवा (३६)

असीति सः हन्ति धृत्यै देवेभ्यः शुन्धस्व देवेभ्यः शुम्भस्वेत्यवं चोक्षति प्र च किरति शुद्धां इन्द्रघोषस्वा वसुभिः पुरस्तात्पात्वित्याह दिग्भ्य एवैनां प्रोक्षति देवाश्चेदुत्तरवेदिर्पाववर्तीहैव वि जयामहा इत्यसुरा वज्रमुद्यत्य देवानभ्यायन्त तानिन्द्रघोषो वसुभिः पुरस्तादपं (३७)

अनुदत मनोजवाः पितृभिर्दक्षिणतः प्रचेता रुद्रैः पश्चाद्विश्वकर्मादित्यैरुत्तरतो यदेवमुत्तरवेदिं प्रोक्षति दिग्भ्य एव तद्यजमानो भ्रातृव्यान्पुण्डत इन्द्रो यतीन्थालावृकेभ्यः प्रायच्छुत्तान्दक्षिणत उत्तरवेद्या आदन् यत्प्रोक्षणीनामुच्छिष्येत तदक्षिणत उत्तरवेद्यै नि नयेद्यदेव तत्र कूरं तत्तेनं शमयति यं द्विष्यात्

ध्यायेच्छुचैवैनमर्पयति॥ (३८)

मिमीते नाम ध्रुवाऽप शुचा त्रीणि च॥ [७]

सोत्तरवेदिर्ब्रवीत्सर्वान्मया कामान्व्यश्नवथेति ते देवा अकामयन्तासुरान्भ्रातृव्यानभि भवेमेति तैऽजुहवुः सिंहीरसि सपत्नसाही स्वाहेति तेऽसुरान्भ्रातृव्यानभ्यभवन्तेऽसुरान्भ्रातृव्यानभिभूयांकामयन्त प्रजां विन्देमहीति तैऽजुहवुः सिंहीरसि सुप्रजावनिः स्वाहेति ते प्रजामविन्दन्त ते प्रजां वित्वा (३९)

अकामयन्त पशून् विन्देमहीति तैऽजुहवुः सिंहीरसि रायस्पोषवनिः स्वाहेति ते पशून्विन्दन्त ते पशून् वित्वाऽ कामयन्त प्रतिष्ठां विन्देमहीति तैऽजुहवुः सिंहीरस्यादित्यवनिः स्वाहेति त इमाम्प्रतिष्ठामविन्दन्त त इमाम्प्रतिष्ठां वित्वाकामयन्त देवतां आशिष उपेयामेति तैऽजुहवुः सिंहीरस्या वह देवान्देवयते (४०)

यजमानाय स्वाहेति ते देवतां आशिष उपायन्पञ्च कृत्वो व्याघारयति पञ्चाक्षरा पङ्क्तिः पाङ्क्तौ यज्ञो यज्ञमेवाव रुन्देऽक्षया व्याघारयति तस्मादक्षया पशवोऽङ्गानि प्र हरन्ति प्रतिष्ठित्यै भूतेभ्यस्त्वेति सुचमुद्रुह्वाति य एव देवा भूतास्तेषान्तद्वांगधेयन्तानेव तेन प्रीणाति पौतुद्रवाभ्यर्धोभ्यर्धं दधात्येषाम् (४१)

लोकानां विधृत्या अग्नेस्त्रयो ज्यायांसो भ्रातर आसन्ते देवेभ्यो हव्यं वहन्तः प्रामीयन्त सौ-
ऽग्निरिबिभेदित्यं वाव स्य आर्तिमारिष्यतीति स निलायत स यां वनस्पतिष्ववसत्ताम्पूतुद्रो यामोपधीषु तां
सुगन्धितेजने याम्यशुषु ताम्पेत्वस्यान्तरा शृङ्गे तं देवताः प्रेमैच्छन्तमन्विन्दन्तमब्रुवन् (४२)

उप न आ वर्तस्व हव्यं नो वहेति सौऽब्रवीद्वर वृणै यदेव गृहीतस्याहुतस्य बहिःपरिधि स्कन्दात्तन्मे
भ्रातृणाम्भागधेयमसदिति तस्माद्यद्रुहीतस्याहुतस्य बहिःपरिधि स्कन्दति तेषान्तद्वांगधेयं तानेव तेन प्रीणाति
सौऽमन्यतास्थन्वन्तो मे पूर्वे भ्रातरः प्रामेषतास्थानि शातया इति स यानि (४३)

अस्थान्यशातयत तत्पूतुद्रभवद्यन्मांसमपमृतं तद्वल्गुलु यदेतान्शंसम्भारान्शम्भरत्यग्निमेव तथ्सम्भरत्यग्नेः
पुरीषमसीत्याहाग्नेरह्येतपुरीषं यथ्सम्भारा अथो खल्वाहुरेते वावेन ते भ्रातरः परि शेरे यत्पौतुद्रवाः परिधय
इति॥ (४४)

वित्वा देवयत एषामब्रुवन् यानि चतुश्चत्वारिंशच्च॥ [८]

वृद्धमव स्यति वरुणपाशादेवेनै मुञ्चति प्र गेनेक्ति मेध्यै एवेनै करोति सावित्रियर्चा हुत्वा हविर्धाने
प्र वर्तयति सवितृप्रसूत एवेनै प्र वर्तयति वरुणो वा एष दुर्वागुभयतो बद्धो यदक्षः स यदुध्सर्जद्यजमानस्य
गृहानभ्युध्सर्जध्मुवाग्देव दुर्यां आ वदेत्याह गृहा वै दुर्याः शान्त्यै पत्नी (४५)

उपानक्ति पत्नी हि सर्वस्य मित्रमित्रत्रायाय यद्वै पत्नी यज्ञस्य करोति मिथुनं तदथो पत्निया
एवेष यज्ञस्यान्वारम्भोऽनवच्छित्यै वर्त्मना वा अन्वित्यं यज्ञं रक्षांसि जिघांसन्ति वैष्णवीभ्यामृग्भ्यां
वर्त्मनोर्जुहोति यज्ञो वै विष्णुर्यज्ञादेव रक्षांस्यप हन्ति यदध्वर्युरनग्नावाहुतिञ्जुह्यादभ्योऽध्वर्युः स्याद्रक्षांसि
यज्ञं हन्त्युः (४६)

हिरण्यमुपास्य जुहोत्यग्निवत्येव जुहोति नान्भ्योऽध्वर्युर्भवति न यज्ञं रक्षांसि घ्नन्ति प्राची प्रेतमध्वरं

कल्पयन्ती इत्याह सुवर्गमेवैनं लोकं गमयत्यत्र रमेथां वर्ष्मन्युथिव्या इत्याह वर्ष्म ह्येतत्पृथिव्या यद्वैवयजन् १ शिरो वा एतद्यज्ञस्य यद्वैविधानन्दिवो वा विष्णवुत वा पृथिव्याः (४७)

इत्याशीर्षदयुर्चा दक्षिणस्य हविर्धानस्य मेथीं नि हन्ति शीरपुत एव यज्ञस्य यजमान आशिषोऽव रुद्धे दण्डो वा औपरस्तृतीयस्य हविर्धानस्य वषट्कारेणाक्षमच्छिन्नद्यतृतीयं छुदिरहविर्धानयोरुदाह्रियते तृतीयस्य हविर्धानस्यावरुद्धे शिरो वा एतद्यज्ञस्य यद्वैविधानं विष्णो रराटमसि विष्णोः पृष्ठमसीत्याह तस्मादेतावद्धा शिरो विष्युतं विष्णोः सूरसि विष्णोर्ध्रुवमसीत्याह वैष्णव ५ हि देवतया हविर्धानं यम्प्रथमं ग्रन्थिं ग्रन्थीयाद्यतं न विस्त्र ५ सयेदमहेनाध्वर्युः प्र मीयेत तस्मात्स विस्त्रस्यः॥ (४८)

पत्नीं हन्युर्वा पृथिव्या विष्युतं विष्णोः षड्विंशतिश्च॥ _____ [१]

देवस्य त्वा सवितुः प्रसव इत्यग्निमा दत्ते प्रसूत्या अश्विनोर्बाहुभ्यामित्याहाश्विनो हि देवानामध्वर्यु आस्तां पूष्णो हस्ताभ्यामित्याह यत्यै वज्रं इव वा एषा यदभिरभिरसि नारिरसीत्याह शान्त्यै काण्डेकाण्डे वै क्रियमाणे यज्ञ ५ रक्षा ५ सि जिघा ५ सन्ति परिलिखित ५ रक्षः परिलिखिता अगतय इत्याह रक्षसामपहत्यै (४९)

इदमह ५ रक्षसो ग्रीवा अपि कृन्तामि योऽस्मान्द्वेष्टि यं च वयं द्विष्म इत्याह द्वौ वाव पुरुषौ यं चैव द्वेष्टि यश्चैनं द्वेष्टि तयोरिवानन्तरायं ग्रीवाः कृन्तति दिवे त्वान्तरिक्षाय त्वा पृथिव्यै त्वेत्याहेभ्य एवेनाहोकेभ्यः प्रोक्षति परस्ताद्वर्चां प्रोक्षति तस्मात् (५०)

परस्ताद्वर्चांमनुष्या ऊर्जमुप जीवन्ति कूरमिव वा एतत्करोति यत्खनन्त्यपोऽव नयति शान्त्यै यवमतीरवं नपत्युर्वै यव ऊर्गुदुम्बर ऊर्जैवोर्ज ५ समर्धयति यजमानेन सम्मितौदुम्बरी भवति यावानेव यजमानस्तावतीमेवास्मिन्नूर्जं दधाति पितृणां सदनमसीति ब्रह्मरिव स्तृणाति पितृदेवत्यम् (५१)

ह्येतद्यन्त्रिखातं यद्वरहिरनवस्तीर्य मिन्यात्पितृदेवत्यां निखाता स्याद्वरहिरवस्तीर्य मिनोत्यस्यामेवेनामिनोत्यथा स्वारुहमेवेनाङ्करोत्यद्विव ५ स्तभानान्तरिक्षं पूणेत्याहेषाहो कानां विधृत्य द्युतानस्त्वा मारुतो मिनोत्वित्याह द्युतानो ह स्म वै मारुतो देवानामौदुम्बरीमिनोति तेनैव (५२)

एनामिनोति ब्रह्मवर्नि त्वा क्षत्रवर्निमित्याह यथायजुरेवैतद्धूतेन द्यावापृथिवी आ पूणेत्यामित्यौदुम्बरा जुहोति द्यावापृथिवी एव रसेनानक्तान्तमन्ववंस्त्रावयत्यन्तमेव यजमानं तेजसाऽनक्त्यैन्द्रमसीति छुदिरधि नि दधात्यैन्द्र ५ हि देवतया सदो विश्वजनस्य छायेत्याह विश्वजनस्य ह्येषा छाया यत्सदो नवच्छदि (५३)

तेजस्कामस्य मिन्यान्निवृता स्तोमेन सम्मितन्तेजस्त्रिवृत्तेजस्यैव भवत्येकादशछदीन्द्रियकामस्यैकादशाक्षरा त्रिष्टुगिन्द्रियं त्रिष्टुगिन्द्रियाव्येव भवति पञ्चदशछदि भ्रातृव्यवतः पञ्चदशो वज्रो भ्रातृव्याभिभूत्यै सप्तदशछदि प्रजाकामस्य सप्तदशः प्रजापतिः प्रजापतेरास्या एकविंशतिछदि प्रतिष्ठाकामस्यैकविंशः स्तोमानां प्रतिष्ठा प्रतिष्ठित्या उदरं वै सद ऊर्गुदुम्बरो मध्यत औदुम्बरीमिनोति मध्यत एव प्रजानामूर्जं दधाति तस्मात् (५४)

मध्यत ऊर्जा भुञ्जते यजमानलोके वै दक्षिणानि छदी ५ पि भ्रातृव्यलोक उत्तराणि दक्षिणान्युत्तराणि करोति यजमानमेवायजमानादुत्तरं करोति तस्माद्यजमानोऽयजमानादुत्तरोऽन्तर्वर्तीकरोति व्यावृत्त्यै तस्मादरण्यं प्रजा उप जीवन्ति परि त्वा गिवर्णो गिर इत्याह यथायजुरेवैतदिन्द्रस्य सूरसीन्द्रस्य ध्रुवमसीत्याहेन्द्र ५ हि

देवतया सद्यो यम्यथं ग्रन्थिं ग्रन्थीयाद्यत्तं न विस्त्रंसयेदमेहेनाध्वर्युः प्र मीयेत् तस्मात्स विस्त्रस्यः॥ (५)

अपहृत्यै तस्मात्पितृदेवत्यन्तेनैव नवच्छदि तस्मात्सदः पञ्चदश च॥ [१०]

शिरो वा एतद्यज्ञस्य यद्विधानं प्राणा उपरवा हविधानं खायन्ते तस्माच्छीर्षन्प्राणा अधस्तात्खायन्ते तस्मादधस्ताच्छीर्षः प्राणा रक्षोहणौ बलगहणौ वैष्णवान्खन्नामीत्याह वैष्णवा हि देवतयोपरवा असुरा वै निर्यन्तो देवानां प्राणेपुं बलगान्खन्तान्वाहुमात्रेऽन्वविन्दन्तस्माद्वाहुमात्राः खायन्त इदमहं तं बलगमुद्वपामि (५६)

यं नः समानो यमसमानो निचखानेत्याह द्वौ वाव पुरुषौ यश्चैव समानो यश्चासमानो यमेवासौ तौ बलगं निखन्तस्तमेवोद्वपति सं तृणति तस्मात्सन्तृणणा अन्तरतः प्राणा न सम्मिनति तस्मादसम्मित्राः प्राणा अपोऽव नयति तस्मादाद्रा अन्तरतः प्राणा यवमतीरवं नयति (५७)

ऊर्वै यवः प्राणा उपरवाः प्राणेष्वेवोर्जं दधाति ब्रह्मिणं स्तृणाति तस्माल्लोमशा अन्तरतः प्राणा आज्येन व्याघारयति तेजो वा आज्यं प्राणा उपरवाः प्राणेष्वेव तेजो दधाति हनू वा एते यज्ञस्य यदधिषवणे न सं तृणत्यसंतृणणे हि हनू अथो खलु दीर्घसोमे सन्तृद्ये धृत्यै शिरो वा एतद्यज्ञस्य यद्विधानम् (५८)

प्राणा उपरवा हनू अधिषवणे जिह्वा चर्म ग्रावाणो दन्ता मुखमाहवनीयो नासिकोत्तरवेदिरुदरः सद्यो यदा खलु वै जिह्वायां दध्वधि खाद्यतय मुखं गच्छति यदा मुखं गच्छत्यथोदरं गच्छति तस्माद्विधानं चर्मत्रधि ग्रावभिरभिपुत्याहवनीये हुत्वा प्रत्यञ्चः पुरेत्य सद्यसि भक्षयन्ति यो वै विराजो यज्ञमुखे दोहं वेदं दुह एवैनोमियं वै विराद्रस्यै त्वक्कर्मोर्धोऽधिषवणे स्तनां उपरवा ग्रावाणो वथ्सा ऋत्विजो दुहन्ति सोमः पयो य एवं वेदं दुह एवैनोम॥ (५९)

वपामि यवमतीरवं नयति हविधानमेव त्रयोविंशतिश्च॥ [११]

चात्वालात्सुवर्गाय यद्वैसर्जनानि वैष्णव्यर्चा पृथिव्यै साध्या इषे त्वेत्यग्निना पर्यग्नि पशोः पशुमालभ्य मेदसा सुचावेकादश॥ [१२] चात्वालाद्देवानुपैति मुञ्चति प्रहियमाणाय पर्यग्नि पशुमालभ्य चतुष्पादो द्विपष्टिः॥६२॥ चात्वालात्पशुपुं दधाति॥

॥तृतीयः प्रश्नः॥

॥तैत्तिरीयसंहितायां षष्ठमकाण्डे तृतीयः प्रश्नः॥

चात्वालाद्विष्णियानुपं वपति योनिर्वै यज्ञस्य चात्वालं यज्ञस्यं सयोनित्वायं देवा वै यज्ञं परांजयन्त तमाग्नीध्रात्पुनरप्रांजयन्तेतद्वै यज्ञस्यापरांजितं यदाग्नीध्रं यदाग्नीध्राद्विष्णियान् विहरति यदेव यज्ञस्यापरांजितं ततं

एवैनमुनस्तनुते पराजित्यैव खलु वा एते यन्ति ये बहिष्पवमानः सर्पन्ति बहिष्पवमाने स्तुते (१)

आह्राग्रीदग्रीन वि हरं बरहिः स्तृणाहि पुरोडाशाः अलं कुर्विति यजमेवापजित्य पुनस्तन्वाना यन्त्यङ्गारिद्वे सर्वन् वि हरति शलाकाभिस्तृतीयः सशुकृत्वायाथो सम्भरत्येवैन्द्विणिंया वा अमुष्मिह्नोके सोममरक्षन्तेभ्योऽधि सोममाहरन्तमन्वायन्तं पर्यविशन् य एवं वेदं विन्दते (२)

परिवेष्टारन्ते सोमपीथेन व्याध्वन्ते ते देवेषु सोमपीथमैच्छन् तां देवा अंब्रुवन्देद्वे नामनी कुरुध्वमथ प्र वाप्स्यथ न वेत्यग्रयो वा अथ धिणिंयास्तस्माद्विनामा ब्राह्मणोऽयुक्तस्तेषां ये नेदिष्ठम्ययविशन्ते सोमपीथं प्राणुवन्नाहवनीय आग्रीग्रीयो होत्रीयो मार्जालीयस्तस्मात्तेषु जुह्वत्यतिहाय वर्षद्वरोति वि हि (३)

एते सोमपीथेनाध्वन्त देवा वै याः प्राचीराहुतीरजुहवुर्ये पुरस्तादसुरा आसन्ताऽस्ताभिः प्राणुदन्त याः प्रतीचीर्ये पश्चादसुरा आसन्ताऽस्ताभिरपानुदन्त प्राचीर्या आहुतयो हूयन्ते प्रत्यङ्कासीनो धिणिंयाव्याघारयति पश्चाच्चैव पुरस्ताच्च यजमानो भ्रातृव्यान् प्रुदते तस्मात्पराचीः प्रजाः प्र वीयन्ते प्रतीचीः (४)

जायन्ते प्राणा वा एते यद्विणिंया यदध्वर्युः प्रत्यङ्गिणिंयानतिसर्पत्प्राणान्ध्रं कर्षेत्प्राणायुक्तः स्यान्नाभिर्वा एषा यजस्य यद्धेतोर्ध्वः खलु वै नाभ्यै प्राणोऽवाङ्पानो यदध्वर्युः प्रत्यङ्कोतारमतिसर्पदपाने प्राणं दध्यात् प्रमायुक्तः स्यान्नाध्वर्युरूपं गायेद्वाग्वीर्यो वा अध्वर्युयदध्वर्युरपगायैदद्वात्रे (५)

वाचः सम्प्र यच्छेदुपदासुकास्य वाख्यस्यैद्वहवादिनो वदन्ति नासः स्थिते सोमैऽध्वर्युः प्रत्यङ्खसदोऽतीयादथ कथा दक्षिणानि होतुमेति यामो हि स तेषां कस्मा अहं देवा यामं वायामं वानुं ज्ञास्यन्तीत्युत्तरिणाग्रीध्रं परीत्य जुहोति दक्षिणानि न प्राणान्ध्रं कर्षति न्यन्ये धिणिंया उप्यन्ते नान्ये यान्निवर्षति तेन तान्ग्रीणाति यात्र निवर्षति यदनुदिशति तेन तान् (६)

स्तुते विन्दते हि वीयन्ते प्रतीचीरुद्वात्र उप्यन्ते चतुर्दश च॥ [१]

सुवर्गाय वा एतानि लोकाय हूयन्ते यद्वैसर्जनानि द्वाभ्यां गारहपत्ये जुहोति द्विपाद्यजमानः प्रतिष्ठित्या आग्रीध्रे जुहोत्यन्तरिक्ष एवा क्रमत आहवनीये जुहोति सुवर्गमेवेन लोकं गमयति देवान् वै सुवर्गं लोकं यतो रक्षाऽस्यजिघांसन्ते सोमैर्न राजा रक्षाऽस्यपहत्यासुमात्मानं कृत्वा सुवर्गं लोकमायत्रक्षंसामनुपलाभायात् सोमो भवत्यथ (७)

वैसर्जनानि जुहोति रक्षंसामपहत्ये त्वः सोम तनूकृद्ध्य इत्याह तनूकृद्धेऽप द्वेषोभ्योऽन्यकृतेभ्य इत्याहान्यकृतानि हि रक्षाऽस्युरु यन्तासि वरूथमित्याहोर णस्कृधीति वावैतदाह जुषाणो अतुराज्यस्य वेत्वित्याहासुमेव यजमानं कृत्वा सुवर्गं लोकं गमयति रक्षंसामनुपलाभाया सोमं ददते (८)

आ ग्राव्ण आ वायव्याया द्रोणकलशमुत्पत्नीमा नयन्त्यन्वनाः सि प्र वर्तयन्ति यावदेवास्यास्ति तेन सह सुवर्गं लोकमेति नयवत्यर्चाग्रीध्रे जुहोति सुवर्गस्य लोकस्याभिनीत्यै ग्राव्णो वायव्यानि द्रोणकलशमाग्रीध्रे उप वासयति वि ह्येनं तैर्गृह्णते यथ्सहोपवासयेदपुवायेतं सौम्यर्चा प्र पादयति स्वयां (९)

एवेन देवतया प्र पादयत्यदित्याः सदोऽस्यदित्याः सद आ सीदेत्याह यथायजुर्वैतद्यजमानो वा

एतस्य पुरा गोप्ता भवत्येष वो देव सवितुः सोम इत्याह सवितुप्रसूत एवैनं देवताभ्यः सम्प्र यच्छत्येतत्त्व ५
सोम देवो देवानुपांगा इत्याह देवो ह्येष सन् (१०)

देवानुपैतीदमहम्मनुष्यो मनुष्यानित्याह मनुष्यो ३ ह्येष सन्मनुष्यानुपैति यदेतद्यजुर्न ब्रूयादप्रजा
अपशुर्यजमानः स्यात्सह प्रजया सह रायस्पोषेणेत्याह प्रजयैव पशुभिः सहैव लोकमुपावर्तते नमो देवेभ्य
इत्याह नमस्कारो हि देवानां स्वधा पितृभ्य इत्याह स्वधाकारो हि (११)

पितृणामिदमहं निर्वरुणस्य पाशादित्याह वरुणपाशादेव निर्मुच्यतेऽग्रे व्रतपत आत्मनः पूर्वा तनूरादेयेत्याहुः
को हि तद्वेद यद्वसीयान्ध्वे वशे भूते पुनर्वा ददाति न वेति ग्रावाणो वै सोमस्य राज्ञो मलिमुसेना य
एवं विद्वान्ग्राव्ण आग्राध उपवासयति नैनम्मलिमुसेना विन्दति॥ (१२)

अथ ददते स्वया सन्ध्वधाकारो हि विन्दति॥ [२]

वैष्णव्यर्चा हुत्वा यूपमच्छैति वैष्णवो वै देवतया यूपः स्वयैवैनं देवतयाच्छेत्यन्यानां
नान्यानुपांगमित्याहाति ह्यन्यानेति नान्यानुपैत्यर्वाक्षा परैरविदम्परोऽवरैरित्याहार्वाग्येन परैर्विन्दति परोवरैस्तं
त्वा जुषे (१३)

वैष्णवं देवयज्याया इत्याह देवयज्यायै ह्येनं जुषते देवस्त्वा सविता मध्वान्क्षित्याह तेजसैवैनमनक्त्योषधे
त्रायस्वेन ५ स्वधिते मेन ५ हिंसीरित्याहु वज्रो वै स्वधितिः शान्त्यै स्वधितेवृक्षस्य बिभ्यतः प्रथमेन शकलेन
सह तेजः परा पतति यः प्रथमः शकलः परापतेत्तमया हरैश्मतेजसम् (१४)

एवैनमा हरतीमे वै लोका यूपान्नयतो बिभ्यति दिवमग्रेण मा लेखीरन्तरिक्षमध्वेन मा हिंसीरित्याहुभ्य
एवैनं लोकेभ्यः शमयति वनस्पते शतवल्शो वि रोहेत्याब्रश्ने जुहोति तस्मादाब्रश्नाद्ब्रक्षणाभूयांस उतिष्ठन्ति
सहस्रवल्शा वि वय ५ रुहेमेत्याहशिषमेवैतामा शास्तेऽनक्षसङ्गम् (१५)

वृक्षेद्यदक्षसङ्गं वृक्षेदधर्षणं यजमानस्य प्रमायुक् ५ स्याद्यं कामयेताप्रतिष्ठितः स्यादित्यारोहं तस्मै वृक्षेदेप
वै वनस्पतीनामप्रतिष्ठितोऽप्रतिष्ठित एव भवति यं कामयेतापशुः स्यादित्यपूर्णं तस्मै शुष्काग्रं वृक्षेदेप वै
वनस्पतीनामपशव्योऽपशुरेव भवति यं कामयेत पशुमान्स्यादिति बहुपूर्णं तस्मै बहुशाखं वृक्षेदेप वै (१६)

वनस्पतीनामपशव्यः पशुमानेव भवति प्रतिष्ठितं वृक्षेत्प्रतिष्ठाकामस्यैव वै वनस्पतीनां प्रतिष्ठितो यः
समे भूम्यै स्वाद्योने रूढः प्रत्येव तिष्ठति यः प्रत्यङ्मुपनतस्तं वृक्षेत्स हि मेधमभ्युपनतः पञ्चारविं तस्मै
वृक्षेद्यं कामयेतोपैन्मुत्तरो यज्ञो नमेदिति पञ्चाक्षरा पङ्क्तिः पाङ्क्तौ यज्ञ उपैन्मुत्तरो यज्ञः (१७)

नमति षडरविं प्रतिष्ठाकामस्य षड्वा ऋतवं ऋतुष्वेव प्रति तिष्ठति सप्तारविम्पशुकामस्य सप्तपदा शकरी
पशवः शकरी पशून्वावं रुद्धे नवारविं तेजस्कामस्य त्रिवृता स्तोमेन समितं तेजस्त्रिवृत्तेजस्व्येव भवत्येका-
दशारविमिन्द्रियकामस्यैकादशाक्षरा त्रिष्टुगिन्द्रियं त्रिष्टुगिन्द्रियाव्येव भवति पञ्चदशारविम्भ्रातृव्यवतः पञ्चदशो वज्रो
भ्रातृव्याभिभूत्यै सप्तदशारविं प्रजाकामस्य सप्तदशः प्रजापतिः प्रजापतेरास्या एकविंशत्यरविं प्रतिष्ठाकामस्यैक-
विंशः स्तोमानां प्रतिष्ठा प्रतिष्ठित्या अष्टारविंभवत्यष्टाक्षरा गायत्री तेजो गायत्री गायत्री यज्ञमुखं तेजसेव

गांयत्रिया यज्ञमुखेन सम्मितः॥ (१८)

जुषे सतेजसमनक्षसङ्गं बहुशाखं वृश्चेदेष वै यज्ञ उपैनमुत्तरो यज्ञ आस्या
एकान्नविंशतिश्च॥

[३]

पृथिव्यै त्वान्तरिक्षाय त्वा दिवे त्वेत्याहुभ्य एवैनं लोकेभ्यः प्रोक्षति परांश्च प्रोक्षति परांङिव हि
सुवर्गो लोकः क्रूरमिव वा एतत्करोति यत्खनन्त्युपोर्वं नयति शान्त्यै यवमतीरवं नयत्यूग्वै यवो यजमानेन
यूपः सम्मितो यावानेव यजमानस्तावतीमेवास्मिन्नूर्जं दधाति (१९)

पितृणां सदनमस्मितिं बर्हिरवं स्तृणाति पितृदेवत्य १५ ह्येतद्यन्त्रिखातं यद्वर्हिरनवस्तीर्य
मिनुयात्पितृदेवत्यां निखातः स्याद्वर्हिरवस्तीर्य मिनोत्यस्यामेवैनम्मिनोति यूपशकुलमवांस्यति
सतेजसमेवैनम्मिनोति देवस्त्वां सविता मध्वान्कृत्वाह तेजसैवैनमनक्ति सुपिप्पलाभ्यस्त्वौपधीभ्य इति चपालं
प्रति (२०)

मुञ्चति तस्माच्छीरपुत ओषधयः फलं गृह्णन्त्यनक्ति तेजो वा आज्यं यजमानेनाग्निष्ठाश्रिः
सम्मिता यदग्निष्ठाश्रिमनक्ति यजमानमेव तेजसान्तत्थान्तमनत्थान्तमेव यजमानं तेजसानक्ति सर्वतः परि
मृशत्यपरिवर्गमेवास्मिन्तेजो दधात्युदिवश्च स्तभानान्तरिक्षं पृणेत्याहुषां लोकानां विधृत्यै वैष्णव्यर्चा (२१)

कल्पयति वैष्णवो वै देवतया यूपः स्वयैवैनं देवतया कल्पयति द्वाभ्यां कल्पयति द्विपाद्यजमानः
प्रतिष्ठित्यै यं कामयेत् तेजसैनं देवताभिरिन्द्रियेण व्यर्धयेयमित्यग्निष्ठां तस्याश्रिमाहवनीयादित्थं वेत्थं वाति
नावयेत्तेजसैवैनं देवताभिरिन्द्रियेण व्यर्धयति यं कामयेत् तेजसैनं देवताभिरिन्द्रियेण समर्धयेयमिति (२२)

अग्निष्ठां तस्याश्रिमाहवनीयेन सम्मिनुयात्तेजसैवैनं देवताभिरिन्द्रियेण समर्धयति ब्रह्मवर्निं त्वा
क्षत्रवर्निमित्याह यथायजुरेवैतत्परि व्ययत्यूग्वै रश्ना यजमानेन यूपः सम्मितो यजमानमेवोर्जा समर्धयति
नाभिदग्ने परि व्ययति नाभिदग्न एवास्मा ऊर्जं दधाति तस्मान्नाभिदग्न ऊर्जा भुञ्जते यं कामयेतोर्जेनम् (२३)

व्यर्धयेयमित्यूर्वा वा तस्यावाचीं वावोहेदूर्जैवेन व्यर्धयति यदि कामयेत् वरपुङ्कः पर्जन्यः
स्यादित्यवाचीमवोहेदूर्जैमेव नि यच्छति यदि कामयेतावरपुङ्कः स्यादित्यूर्वामुदूहेदूर्जैमेवोद्यच्छति पितृणां
निखातम्मनुष्याणामूर्ध्वं निखातादा रश्नाया ओषधीनां रश्ना विश्वेषाम् (२४)

देवानामूर्ध्वं रश्नाया आ चपालादिन्द्रस्य चपालं साध्यानामतित्तिक्तं स वा एष संवेदित्यो
यद्यूपो यद्यूपम्मिनोति सर्वा एव देवताः प्रीणाति यज्ञेन वै देवाः सुवर्गं लोकमायन्तेऽमन्यन्त मनुष्या
नोऽन्वाभविष्यन्तीति ते यूपेन योपयित्वा सुवर्गं लोकमायन्तमृषयो यूपेनैवानु प्राजानन्तद्वृषस्य यूपत्वम् (२५)

यद्यूपम्मिनोति सुवर्गस्य लोकस्य प्रज्ञात्यै पुरस्ताम्मिनोति पुरस्ताद्धि यज्ञस्य प्रज्ञायतेऽप्रज्ञातः
हि तद्यदतिपन्न आहुरिदं कार्यमासीदिति साध्या वै देवा यज्ञमत्यमन्यन्त तान् यज्ञो नास्पृशत्तान्
यद्यज्ञस्यातिरिक्तमासीत्तदस्पृशदतिरिक्तं वा एतद्यज्ञस्य यद्वाग्वग्निर्मथित्वा प्रहृत्यतिरिक्तमेतत् (२६)

यूपस्य यदूर्ध्वं चपालात्तेषां तद्वाग्धेयं तानेव तेन प्रीणाति देवा वै सस्थिते सोमे प्र सुचोहरन्

यूपं तैऽमन्यन्त यज्ञवेशसं वा इदं कुर्म इति ते प्रंस्तरं सुचान्निष्करणमपश्यन्स्वरं यूपस्य सऽस्थितं सोमे प्र प्रंस्तरं हरति जुहोति स्वरुमयज्ञवेशसाय॥ (२७)

दधाति प्रत्युचा समर्धयेयमित्यूजैनं विश्वेषां यूपत्वमतिरिक्तमेतद्विचत्वारि९ शा

साध्या वै देवा अस्मिन्नौक आसन्नान्यत्किञ्चन मिषतैऽग्निमेवाग्नये मेधायालभन्त न ह्यन्यदालभ्यमविन्दन्ततो वा इमाः प्रजाः प्राजायन्त यदग्नावग्निममथित्वा प्रहरति प्रजानां प्रजननाय रुद्रो वा एष यदग्निर्यजमानः पशुर्यत्पशुमालभ्याग्निमन्थेद्रुद्राय यजमानम् (२८)

अपि दध्यात्प्रमार्युकः स्यादथो खल्वांहरग्निः सर्वा देवतां हविरेतद्यत्पशुरिति यत्पशुमालभ्याग्निमन्थति हव्यायेवासन्नाय सर्वा देवतां जनयत्युपाकृत्यैव मन्यस्तन्नेवालब्धं नेवानालब्धमग्नेर्जनित्रं मसीत्याहाग्नेर्ह्येतज्जनितं वृषणौ स्थ इत्याह वृषणौ (२९)

ह्येतावुर्वश्यस्यायुरसीत्याह मिथुनत्वाय घृतेनाक्ते वृषणं दधाथामित्याह वृषणं ह्येते दधाते ये अग्निङ्गायत्रं छन्दोऽनु प्र जायस्वेत्याह छन्दोभिरेवैनम्प्र जनयत्यग्नये मथ्यमानायानु ब्रूहीत्याह सावित्रीमृचमन्वाह सवितृप्रसूत एवेनम्मन्थति जातायानु ब्रूहि (३०)

प्रहियमाणायानु ब्रूहीत्याह काण्डेकाण्ड एवेनं क्रियमाणे समर्धयति गायत्रीः सर्वा अन्वाह गायत्रछन्दा वा अग्निः स्वेनैवेनं छन्दसा समर्धयत्यग्निः पुरा भवत्यग्निममथित्वा प्र हरति तौ सम्भवन्तौ यजमानमभि सम्भवतो भवन्त नः समनसावित्याह शान्त्यै प्रहृत्य जुहोति जातायेवास्मा अन्नमपि दधात्याज्येन जुहोत्येतद्वा अग्नेः प्रियं धाम यदाज्यमग्नियेणेवेनं धाम्ना समर्धयत्यथो तेजसा॥ (३१)

यजमानमाह वृषणौ जातायानुब्रूह्यप्यष्टादश च॥ [५]

इषे त्वेति ब्रह्मिण दत्त इच्छत इव ह्येष यो यजत उपवीरसीत्याहोप ह्येनानाकरोत्युपो देवान्देवीविशः प्रागुरित्याह दैवीरह्येता विशः सतीदेवानुपयन्ति वहीरुशिज इत्याहृत्विजो वै वह्नय उशिजस्तस्मादेवमाह बृहस्पते धारया वसूनीति (३२)

आह ब्रह्म वै देवानाम्बृहस्पतिर्ब्रह्मणेवास्मै पशूनं रुद्धे हव्या तै स्वदन्तामित्याह स्वदयत्येवैनान्देवं त्वष्टर्वसु रण्वेत्याह त्वष्टा वै पशूनाममिथुनानां रूपकद्रुपमेव पशुषु दधाति रेवंती रमध्वमित्याह पशवो वै रेवंतीः पशूनेवास्मै रमयति देवस्य त्वा सवितुः प्रंसव इति (३३)

रशनामा दत्ते प्रसूत्या अश्विनोर्बाहुभ्यामित्याहाश्विनौ हि देवानामध्वर्यू आस्ता पूष्णो हस्ताभ्यामित्याह यत्या ऋतस्य त्वा देवहविः पाशेना रभ इत्याह सत्यं वा ऋतं सत्येनैवेनमृतेना रभतेऽक्षया परि हरति वध्यं हि प्रत्यश्च प्रतिमुञ्चन्ति व्यावृत्त्यै धर्षा मानुषानिति नि युनक्ति धृत्या अञ्चः (३४)

त्वौषधीभ्यः प्रोक्षामीत्याहाञ्चो ह्येष ओषधीभ्यः सम्भवति यत्पशुरपाम्पेरुरसीत्याहैष ह्यपाम्पाता यो मेधायारभ्यतै स्वात्तं चिथ्सदेव हव्यमापो देवीः स्वदन्तैनामित्याह स्वदयत्येवेनमुपरिष्टात्प्रोक्षत्युपरिष्टादेवेन्ममेध्यं

करोति पाययत्यन्तरत एवैनम्मध्यं करोत्यधस्तादुपौक्षति सर्वत एवैनम्मध्यं करोति॥ (३५)

वसूनिर्तिं प्रसूव इत्यध्याऽन्तरत एवैनन्दशं च॥ [६]

अग्निना वै होत्रा देवा असुरानभ्यभवन्नग्नये समिध्यमानायानु ब्रूहीत्याहु भ्रातृव्याभिभूत्यै सप्तदशं
सामिधेनीरन्वाह सप्तदशः प्रजापतिः प्रजापतेरात्यै सप्तदशान्वाहु द्वादशं मासाः पञ्चर्तवः स संवत्सरः
संवत्सरं प्रजा अनु प्र जायन्ते प्रजानां प्रजननाय देवा वै सामिधेनीरनुच्यं यज्ञं नान्वपश्यन्त्स
प्रजापतिस्तृष्णीमाधारम् (३६)

आधारयत्ततो वै देवा यज्ञमन्वपश्यन् यत्तृष्णीमाधारमाधारयति यज्ञस्यानुरख्यात्या असुरेषु वै यज्ञ आसीत्तं
देवास्तृष्णीं होमेनावृञ्जत यत्तृष्णीमाधारमाधारयति भ्रातृव्यस्यैव तद्यज्ञं वृङ्क्षे परिधीन्सम्मार्ष्टि पुनात्यैवेनात्रिभिः
सम्मार्ष्टि त्र्यावृद्धि यज्ञोऽथो रक्षसामपंहत्यै द्वादशं सम्पद्यन्ते द्वादशं (३७)

मासाः संवत्सरः संवत्सरमेव प्रीणात्यथो संवत्सरमेवास्मा उप दधाति सुवर्गस्य लोकस्य समष्टे
शिरो वा एतद्यज्ञस्य यदाधारोऽग्निः सर्वा देवता यदाधारमाधारयति शीरुषत एव यज्ञस्य यजमानः सर्वा देवता
अवं रुद्धे शिरो वा एतद्यज्ञस्य यदाधार आत्मा पशुराधारमाधार्य पशुः समनत्तद्यात्मन्नेव यज्ञस्य (३८)

शिरः प्रति दधाति सं ते प्राणो वायुना गच्छतामित्याहु वायुदेवत्यो वै प्राणो वायावेवास्यं
प्राणं जुहोति सं यजत्रैरङ्गानि सं यज्ञपतिराशिपेत्याहु यज्ञपतिमेवास्यशिषं गमयति विश्वरूपो वै त्वाष्ट्र
उपरिष्ठात्पशुमभ्यवमीत्तस्मादुपरिष्ठात्पशोर्नाव दन्ति यदुपरिष्ठात्पशुः समनक्ति मेध्यमेव (३९)

एनं करोत्यृत्विजो वृणीते छन्दांस्येव वृणीते सप्त वृणीते सप्त ग्राम्याः पशवः सप्तरण्याः सप्त
छन्दांस्युभयस्यावरोद्धा एकादशं प्रयाजान् यजति दशं वै पशोः प्राणा आत्मैकादशो यावानेव पशुस्तम्प्र
यजति वपामेकः परि शय आत्मैवात्मानं परि शये वज्रो वै स्वर्धितिर्वज्रो यूपशकुलो घृतं खलु वै देवा
वज्रं कृत्वा सोममघ्नन्त्युतेनाक्तो पशं त्रायेधामित्याहु वज्रेणैवेनं वशं कृत्वा लभते॥ (४०)

आधारम्पद्यन्ते द्वादशात्मन्नेव यज्ञस्य मेध्यमेव खलु वा अष्टादशं च॥ [७]

पर्याग्निं करोति सर्वहुतमेवेनं करोत्यस्कन्दायास्कन्त्रं हि तद्यद्धृतस्य स्कन्दति त्रिः पर्याग्निं करोति
त्र्यावृद्धि यज्ञोऽथो रक्षसामपंहत्यै ब्रह्मवादिनो वदन्त्यन्वारभ्यः पशू (३) नान्वारभ्या (३) इति मृत्यवे वा
एष नीयते यत्पशुस्तं यदन्वारभेत प्रमायुको यजमानः स्यादथो खत्वाहुः सुवर्गाय वा एष लोकार्यं नीयते
यत् (४१)

पशुरिति यन्नावारभेत सुवर्गाल्लोकाद्यजमानो हीयेत वपाश्रपणीभ्यामन्वारभते तन्नेवान्वारभ्यं
नेवानन्वारभ्यमुप प्रेष्य होतरहव्या देवेभ्य इत्याहिषितं हि कर्म क्रियते रेवतीर्यज्ञपतिं प्रियधा विशतेत्याहु
यथायजुरेवेतद्भिनां पुरस्तादिति रक्षसामपंहत्यै पृथिव्याः सम्पृचः पाहीति बर्हिः (४२)

उपास्यत्यस्कन्दायास्कन्त्रं हि तद्यद्बर्हिषि स्कन्दत्यथो बर्हिषदमेवेनं करोति पराडा वर्ततेऽध्वर्युः
पशोः सज्ञाप्यमानात्पशुभ्य एव तन्नि हुत आत्मनोनां ब्रस्काय गच्छति श्रियं प्र पशूनांप्रति य एवं वेद

पृश्नाल्लोका वा एषा प्राच्युदानीयते यत्पत्नी नमस्त आतानेत्याहादित्यस्य वै रश्मयः (४३)

आतानास्तेभ्य एव नमस्करोत्यनर्वा प्रेहीत्याहु भ्रातृभ्यो वा अर्वा भ्रातृव्यापनुत्त्यै घृतस्य कुल्यामनु सह प्रजया सह रायस्पोषेणेत्याहाशिषमेवेतामा शास्त आपो देवीः शुद्धायुव इत्याह यथायजुरेवैतत्॥ (४४)

लोकाय नीयते यद्वर्ही रश्मयः सप्तत्रिंशच्च॥ [८]

पृश्नोर्वा आलब्धस्य प्राणाञ्छुगच्छति वाक्त् आ प्यायतां प्राणस्त आ प्यायतामित्याह प्राणेभ्य एवास्य शुचं शमयति सा प्राणेभ्योऽधि पृथिवीं शुक्लं विंशति शमहोभ्यामिति नि नयत्यहोरात्राभ्यामेव पृथिव्यै शुचं शमयत्योषधे त्रायस्वेनः स्वर्धिति मेनं हिंसीरित्याहु वज्रो वै स्वर्धितिः (४५)

शान्त्यै पार्श्वत आच्छति मध्यतो हि मनुष्या आच्छान्तिं तिरश्चीनमा च्छांत्यनूचीनं हि मनुष्या आच्छान्तिं व्यावृत्त्यै रक्षसाम्भागोऽसीति स्थविमतो बृहिरक्षापांस्यत्यन्नेव रक्षांसि निरवदयत इदमहं रक्षोऽधुमं तमो नयामि योऽस्मान्द्वेष्टि यं च वयं द्विष्म इत्याहु द्वौ वाव पुरुषौ यं चैव (४६)

द्वेष्टि यश्चैनं द्वेष्टि तावुभावधुमं तमो नयतीपे त्वेति वृषामुत्खिंदतीच्छतं इव ह्येष यो यजते यदुपतृन्द्याद्ब्रूऽस्य पृश्न्यातुकः स्याद्यन्नोपतृन्द्यादयता स्यादन्ययौपतृणत्यन्यया न धृत्यै घृतेन द्यावापृथिवी प्रोण्वीथामित्याहु द्यावापृथिवी एव रसेनानुत्तच्छिन्नः (४७)

रायः सुवीर इत्याह यथायजुरेवैतत्कूरमिव वा एतत्करोति यद्वृषामुत्खिंदत्युर्वन्तरिक्षमन्विहीत्याहु शान्त्यै प्र वा एषोऽस्माल्लोकाच्चवते यः पृश्नमृत्यवे नीयमानमन्वारभते वषाश्रपणी पुनरन्वारभतेऽस्मिन्नेव लोके प्रति तिष्ठत्यग्निना पुरस्तोदिति रक्षसामपहत्या अथो देवता एव हव्येन (४८)

अन्वेति नान्तममङ्गारमतिं हरेद्यदन्तममङ्गारमतिहरेद्देवता अति मन्येत वायो वीहिं स्तोकानामित्याहु तस्माद्विभक्ताः स्तोका अव पद्यन्तेऽग्रं वा एतत्पशूनां यद्वृषाग्रमोषधीनाम्बृहिरग्रेणैवाग्रं समर्धयत्यथो ओषधीष्वेव पृश्नप्रतिं छापयति स्वाहाकृतीभ्यः प्रेष्येत्याह (४९)

यज्ञस्य समिधै प्राणापानौ वा एतौ पशूनां यत्पृषदाज्यमात्मा वृषा पृषदाज्यमभिधार्य वृषामभि धारयत्यात्मन्नेव पशूनामप्राणापानौ दधाति स्वाहोर्ध्वनभसम्मरुतं गच्छतमित्याहोर्ध्वनभा ह स्म वै मारुतो देवानां वषाश्रपणी प्रहरति तेनैवने प्र हरति विपूची प्र हरति तस्माद्विष्वञ्चौ प्राणापानौ॥ (५०)

स्वर्धितिश्चैवाच्छिन्नो हव्येनेष्येत्याहु पद्वत्वारिंशच्च॥ [९]

पृश्मालभ्यं पुरोडाशं निर्वपति समेधमेवैनमा लभते वृषयां प्रचर्य पुरोडाशेन प्र चरत्युर्वं पुरोडाशं ऊर्जमेव पशूनाममध्यतो दधात्यथो पशोरेव छिद्रमपि दधाति पृषदाज्यस्योपहत्य त्रिः पृच्छति शृतं हवीः (३) शमितरिति त्रिपत्या हि देवा योऽशृतं शृतमाह स एनसा प्राणापानौ वा एतौ पशूनाम् (५१)

यत्पृषदाज्यम्पशोः खलु वा आलब्धस्य हृदयमात्माभि समेति यत्पृषदाज्येन हृदयमभिधारयत्यात्मन्नेव पशूनामप्राणापानौ दधाति पशूना वै देवाः सुवर्गं लोकमायन्तेऽमन्यन्त मनुष्या नोऽन्वाभविष्यन्तीति तस्य

शिरंश्छित्त्वा मेधम्राक्षारयन्स्य प्रक्षोऽभवत्तत्प्रक्षस्यं प्रक्षत्वं यत्क्षक्षशाखोत्तरवर्हिर्भवति समेधस्यैव (५२)

पशोरव द्यति पशुं वै ह्रियमाणं रक्षास्यनु सचन्तेऽन्तरा यूपं चाहवनीयं च हरति रक्षसामपहत्यै
पशोर्वा आलब्धस्य मनोऽपं कामति मनोतायै हविषोऽवदीयमानस्यानु ब्रूहीत्याहु मन एवास्याव रुन्द
एकादशावदानान्यव द्यति दश वै पशोः प्राणा आत्मैकादशो यावानेव पशुस्तस्याव (५३)

द्यति हृदयस्याग्रेऽव द्यत्यथ जिह्वाया अथ वक्षसो यद्वे हृदयेनाभिगच्छति तज्जिह्वाया वदति
यज्जिह्वाया वदति तदुरसोऽधि निर्वदत्येतद्वे पशोर्यथापूर्वं यस्यैवमवदाय यथाकाममुत्तरेषामवद्यति यथापूर्वमेवास्यं
पशोरवत्तम्भवति मध्यतो गुदस्याव द्यति मध्यतो हि प्राण उत्तमस्याव द्यति (५४)

उत्तमो हि प्राणो यदीतरं यदीतरमुभयमेवाजामि जायमानो वै ब्राह्मणस्त्रिभिर्ऋणवा जायते
ब्रह्मचर्येणर्षिभ्यो यजेन देवेभ्यः प्रजयां पितृभ्य एष वा अनृणो यः पुत्री यज्वा ब्रह्मचारिवासी तदवदानैरेवाव
दयते तदवदानानामवदानत्वदैवासुराः संयत्ता आसन्ते देवा अग्निमन्त्रवन्तया वीरेणासुरानभि भवामि (५)

सौऽब्रवीद्वरं वृषे पशोरुद्धारमुद्धरा इति स एतमुद्धारमुदहरत दोः पूर्वार्धस्य गुदममध्यतः श्रोणिं
जघनार्धस्य ततो देवा अर्भवन्परासुरा यत्र्यङ्गाणां समवद्यति भ्रातृव्याभिभूत्यै भवत्यात्मना परास्य भ्रातृव्यो
भवत्यक्षण्याव द्यति तस्मादक्षण्या पशवोऽङ्गानि प्र हरन्ति प्रतिष्ठित्यै॥ (५६)

एतौ पशूनां समेधस्यैव तस्यावोत्तमस्याव द्यतीति पञ्चचत्वारिंशच्च॥ [१०]

मेदसां सुचौ प्रोणीति मेदोरूपा वै पशवो रूपमेव पशुषु दधाति यूपन्नवधाय प्रोणीति रसो वा
एष पशूनां यद्य रसमेव पशुषु दधाति पार्श्वेन वसाहोमम्प्र यौति मध्यं वा एतत्पशूनां यत्पार्श्वं रस एष
पशूनां यद्वसा यत्पार्श्वेन वसाहोमम्प्रयौति मध्यत एव पशूनां रसं दधाति प्रन्ति (५७)

वा एतत्पशुं यथसंज्ञपर्यन्त्येन्द्रः खलु वै देवतया प्राण ऐन्द्रोऽपान ऐन्द्रः प्राणो अङ्गेअङ्गे नि
दैध्यदित्याह प्राणापानावेव पशुषु दधाति देवं त्वष्टृर्भूरि ते सः समेत्यित्याह त्वाष्ट्रा हि देवतया पशवो
विपुरूपा यथ्सलक्षमाणो भवत्येत्याह विपुरूपा ह्येते सन्तः सलक्षमाण एतर्हि भवन्ति देवत्रा यन्तम् (५८)

अवसे सखायोऽनु त्वा माता पितरो मदन्वित्याहानुमतमेवेनम्मात्रा पित्रा सुवर्गं लोकं गमयत्यर्धं
वसाहोमं जुहोत्यसौ वा अर्धं इयमर्धं इमे एव रसेनानक्ति दिशौ जुहोति दिशं एव रसेनान्त्यथौ
दिग्भ्य एवोर्जं रसमव रुन्दे प्राणापानौ वा एतौ पशूनां यत्पृषदाज्यं वानस्पत्याः खलु (५९)

वै देवतया पशवो यत्पृषदाज्यस्योपहत्याह वनस्पतयेऽनु ब्रूहि वनस्पतये प्रेष्येति प्राणापानावेव पशुषु
दधात्यन्यस्यान्यस्य समवत् समवद्यति तस्मान्नानारूपाः पशवो यूपोपं सिञ्चति रसो वा एष पशूनां यद्य
रसमेव पशुषु दधातीडामुप ह्यते पशवो वा इडां पशूनेवोप ह्यते चतुरूपं ह्यते (६०)

चतुष्पादो हि पशवो यं कामयैतापशुः स्यादित्यमेदस्कं तस्मा आ दध्यान्मेदोरूपा वै पशवो
रूपेणैवेनम्पशुभ्यो निर्भजत्यपशुरेव भवति यं कामयैत पशुमान्स्यादिति मेदस्वत्तस्मा आ दध्यान्मेदोरूपा वै
पशवो रूपेणैवासमै पशूनाव रुन्दे पशुमानेव भवति प्रजापतिर्यज्ञमसृजत स आज्यम् (६१)

पुरस्तादसृजत पशुर्मध्यतः पृषदाज्यमृश्वात्तस्मादाज्येन प्रयाजा इज्यन्ते पशूनां मध्यतः पृषदाज्येनानूयाजास्तस्मादेतन्मिश्रमिव पश्चात्पृष्टं ह्येकादशानूयाजान् यजति दश वै पशोः प्राणा आत्मैकादशो यावानेव पशुस्तमनु यजति घन्ति वा एतत्पशुं यथसंज्ञपर्यन्ति प्राणापानौ खलु वा एतौ पशूनां यत्पृषदाज्यं यत्पृषदाज्येनानूयाजान् यजति प्राणापानावेव पशुपुं दधाति॥ (६२)

घन्ति यन्तं खलु चतुरूपं ह्येत आज्यं यत्पृषदाज्येन षट्॥ [११]

यज्ञेन ता उपयङ्गिर्देवा वै यज्ञमाग्नीध्रे ब्रह्मवादिनः सत्वे देवस्य ग्रावाणं प्राण उपांश्चग्रा देवा वा उपांश्चौ वाग्वै मित्रं यज्ञस्य बृहस्पतिर्देवा वा आग्रयणाग्रानेकादशः॥ [१२] यज्ञेन लोके पशुमान्धस्याध्सर्वन्ममार्ध्यन्दिनं वाग्वा अरिक्तानि तत्प्रजा अभ्येकंपञ्चाशत्॥ 51॥ यज्ञेन गौरभि निर्वर्तते॥

॥चतुर्थः प्रश्नः॥

॥तैत्तिरीयसंहितायां षष्ठमकाण्डे चतुर्थः प्रश्नः॥

यज्ञेन वै प्रजापतिः प्रजा असृजत ता उपयङ्गिरेवासृजत यदुपयजं उपयजति प्रजा एव तद्यजमानः सृजते जघनार्धादवं द्यति जघनार्धाद्धि प्रजाः प्रजायन्ते स्थविमतोऽवं द्यति स्थविमतो हि प्रजाः प्रजायन्तेऽसंमिन्दन्नवं द्यति प्राणानामसम्भेदाय न पर्यावर्तयति यत्पर्यावर्तयेदुदावर्तः प्रजा ग्राहुकः स्यात्समुद्रं गच्छ स्वाहेत्याह रेतः (१)

एव तदधात्यन्तरिक्षं गच्छ स्वाहेत्याहान्तरिक्षेणैवासमै प्रजाः प्र जनयत्यन्तरिक्षं ह्यनु प्रजाः प्रजायन्ते देवः सवितारं गच्छ स्वाहेत्याह सवितुप्रसूत एवासमै प्रजाः प्र जनयत्यहोरात्रे गच्छ स्वाहेत्याहहोरात्राभ्यामेवासमै प्रजाः प्र जनयत्यहोरात्रे ह्यनु प्रजाः प्रजायन्ते मित्रावरुणौ गच्छ स्वाहा (२)

इत्याह प्रजास्वेव प्रजातासु प्राणापानौ दधाति सोमं गच्छ स्वाहेत्याह सौम्या हि देवतया प्रजा यजं गच्छ स्वाहेत्याह प्रजा एव यज्ञियाः करोति छन्दांसि गच्छ स्वाहेत्याह पशवो वै छन्दांसि पशूनेवावं रुद्धे द्यावापृथिवी गच्छ स्वाहेत्याह प्रजा एव प्रजाता द्यावापृथिवीभ्यामुभयतः परि गृह्णाति नभः (३)

दिव्यं गच्छ स्वाहेत्याह प्रजाभ्यं एव प्रजाताभ्यो वृष्टिं नि यच्छत्यग्निं वैश्वानरं गच्छ स्वाहेत्याह प्रजा एव प्रजाता अस्यां प्रतिं स्थापयति प्राणानां वा एषोऽवं द्यति योऽवद्यति गुदस्य मनो मे हार्दि यच्छेत्याह प्राणानेव यथास्थानमुपं ह्यते पशोर्वा आलब्धस्य हृदयं शुगच्छति सा हृदयशूलम् (४)

अभि समेति यत्पृथिव्यां हृदयशूलमुद्वासयेत्पृथिवीं शुचापयेद्यदप्स्वपः शुचापयेच्छुष्कस्य चाद्रस्य

च सन्धावुद्धांसयत्युभयस्य शान्त्यै यं द्विष्यात्तं ध्यायेच्छुचैवेनमर्पयति॥ (५)

रेतो मित्रावरुणौ गच्छ स्वाहा नभो हृदयशूलं द्वात्रिंशच्च॥ [१]

देवा वै यज्ञमाग्रीध्रे व्यभजन्त ततो यदत्यशिष्यत् तदब्रुवन्वसन्तु नु न इदमिति तद्वसतीवरीणां वसतीवरित्वम् तस्मिन्नातर्न समशङ्कवन्तदप्सु प्रावेशयन्ता वसतीवरीरभवन्वसतीवरीर्गृह्णाति यज्ञो वै वसतीवरीर्यज्ञमेवारभ्यं गृहीत्वोप वसति यस्यार्गृहीता अभि निम्नोचेदनांरब्धोऽस्य यज्ञः स्यात् (६)

यज्ञं वि च्छिन्द्याज्योतिष्यां वा गृहीयाद्विरण्यं वावधाय सशुक्राणामेव गृह्णाति यो वा ब्राह्मणो बहूयाजी तस्य कुम्भ्यानां गृह्णीयात्स हि गृहीतवसतीवरीको वसतीवरीर्गृह्णाति पशवो वै वसतीवरीः पशून्मेवारभ्यं गृहीत्वोप वसति यदन्वीपं तिष्ठन्गृह्णीयान्निर्मागुंका अस्मात्पशवः स्युः प्रतीपं तिष्ठन्गृह्णाति प्रतिरुध्यैवासमै पशून्गृह्णातीन्द्रः (७)

वृत्रमहन्सो ऽपो ऽभ्यग्नियत् तासां यन्मेध्यं यज्ञियं सदैवमासीत्तदत्यमुच्यत् ता वहन्तीरभवन्वहन्तीनां गृह्णाति या एव मेध्यां यज्ञियाः सदैवा आपस्तासामेव गृह्णाति नान्तमा वहन्तीरतीयाद्यदन्तमा वहन्तीरतीयाद्यज्ञमति मन्येत न स्थावराणां गृह्णीयाद्वरुणगृहीता वै स्थावरा यथस्थावराणां गृह्णीयात् (८)

वरुणेनास्य यज्ञं ग्राहयेद्यद्वै दिवा भवत्यपो रात्रिः प्र विंशति तस्मात्ताम्रा आपो दिवा ददश्रे यत्रक्तम्भवत्यपोऽहः प्र विंशति तस्माच्चन्द्रा आपो नक्तं ददश्रे छायायै चातपतश्च संधौ गृह्णात्यहोरात्रयोरेवासमै वर्णं गृह्णाति हविष्मतीरिमा आप इत्याह हविष्कृतानामेव गृह्णाति हविष्माः अस्तु (९)

सूर्य इत्याह सशुक्राणामेव गृह्णात्यनुष्टुभां गृह्णाति वाग्वा अनुष्टुग्वाचैवेनाः सर्वया गृह्णाति चतुष्पदयुर्चा गृह्णाति त्रिः सांदयति सप्त सम्पद्यन्ते सप्तपदा शकरी पशवः शकरी पशून्मेवाव रुद्धेऽस्मै वै लोकाय गार्हपत्य आ धीयतेऽमुष्मां आहवनीयो यद्गार्हपत्य उपसादयेदस्मिन्नौके पशुमान्स्याद्ययदाहवनीयेऽमुष्मिन् (१०)

लौके पशुमान्स्यादुभयोरुप सादयत्युभयोरैवेन लोकयोः पशुमन्तं करोति सर्वतः परि हरति रक्षसामपंहत्या इन्द्राग्रियोर्भागधेयोः स्थेत्याह यथायजुरैवतदाग्रीध्रे उप वासयत्येतद्वै यज्ञस्यापराजितं यदाग्रीध्रे यदेव यज्ञस्यापराजितं तदेवेना उप वासयति यतः खलु वै यज्ञस्य विततस्य न क्रियते तदनु यज्ञं रक्षाः स्वयं चरन्ति यद्वहन्तीनां गृह्णाति क्रियमाणमेव तद्यज्ञस्य शये रक्षसामनन्ववचाराय न ह्येता ईलयन्त्या तृतीयसवनात्परि शेर यज्ञस्य सन्तत्यै॥ (११)

स्यादिन्द्रो गृह्णीयादस्त्वमुष्मिन्क्रियते षड्विंशतिश्च॥ [२]

ब्रह्मवादिनो वदन्ति स त्वा अध्वर्युः स्याद्यः सोममुपावहरन्सर्वाभ्यो देवताभ्य उपावहरदिति हृदे त्वेत्याह मनुष्यैभ्य एवैतेन करोति मनसे त्वेत्याह पितृभ्य एवैतेन करोति दिवे त्वा सूर्याय त्वेत्याह देवेभ्य एवैतेन करोत्येतावतीवै देवतास्ताभ्य एवैनं सर्वाभ्य उपावहरति पुरा वाचः (१२)

प्रवदितोः प्रातरनुवाकमुपाकरोति यावत्येव वाक्तामवं रुद्धेऽपोऽग्नेऽभिव्याहरति यज्ञो वा आपो

यज्ञमेवाभि वाचं वि सृजति सर्वाणि छन्दांस्यन्वाह पशवो वै छन्दांसि पशुनेवावं रुद्धे गायत्रिया तेजस्कांमस्य परि दध्यात्रिष्टुभेन्द्रियकांमस्य जगत्या पशुकांमस्यानुष्टुभा प्रतिष्ठाकांमस्य पङ्क्ता यज्ञकांमस्य विराजान्रकांमस्य शृणोत्वग्निः समिधा हवम् (१३)

म् इत्याह सवितुप्रसूत एव देवताभ्यो निवेद्यापोऽर्च्छेत्यप इष्य होतरित्याहेषितः हि कर्म क्रियते मैत्रावरुणस्य चमसाध्वर्यावा द्रवेत्याह मित्रावरुणौ वा अपां नेतारौ ताभ्यामेवेना अर्च्छेति देवरापो अपां नपादित्याहाहृत्यैवेना निष्क्रियं गृह्णात्यथो हविष्कृतानामेवाभिघृतानां गृह्णाति (१४)

कार्ष्णिरीसीत्याह शर्मलमेवासामपं प्लावयति समुद्रस्य बोक्षित्या उन्नय इत्याह तस्मादद्यमानाः पीयमाना आपो न क्षीयन्ते योनिर्वै यज्ञस्य चात्वालं यज्ञो वसतीवरीरहोतृचमसं च मैत्रावरुणचमसं च सङ्स्पर्श्य वसतीवरीर्व्यानयति यज्ञस्य सयोनित्वायाथो स्वादेवेना योनेः प्र जनयत्यध्वर्योऽवैरपा (३) इत्याहोतेर्मनत्रमुकृतेमाः पश्येति वावैतदाह यद्यग्निष्टोमो जुहोति यद्युक्थ्यः परिधौ नि माँष्टि यद्यतिरात्रो यजुर्वदन्न पद्यते यज्ञकृतानां व्यावृत्त्यै॥ (१५)

वाचो हवमभिघृतानां गृह्णात्युत पञ्चविंशतिश्च॥ [३]

देवस्य त्वा सवितुः प्रसव इति ग्रावाणमा दत्ते प्रसूत्या अश्विनोर्बाहुभ्यामित्याहाश्विनौ हि देवानांमध्वर्यु आस्ताम पृष्णो हस्ताभ्यामित्याह यत्यै पशवो वै सोमो व्यान उपां शुसर्वनो यदुपां शुसर्वनमभि मिमीते व्यानमेव पशुपुं दधातीन्द्राय त्वेन्द्राय त्वेति मिमीत इन्द्राय हि सोमं आह्रियते पञ्च कृत्वो यजुंषा मिमीते (१६)

पञ्चक्षरा पङ्क्तिः पाङ्क्तौ यज्ञो यज्ञमेवावं रुद्धे पञ्च कृत्वस्तृष्णीन्द्रश्च सम्पद्यन्ते दशोक्षरा विराडत्र विराड्विराजैवात्राद्यमव रुद्धे श्वात्राः स्थं वृत्रतुर इत्याहेष वा अपां सोमपीथो य एवं वेद नापस्वार्तिमाच्छति यतै सोम दिवि ज्योतिरित्याहेभ्य एवैनम् (१७)

लोकेभ्यः सम्भरति सोमो वै राजा दिशोऽयं ध्यायुध्स दिशोऽनु प्राविंशत्प्रागपागदं गधरागित्याह दिग्भ्य एवैनं सम्भरत्यथो दिशं एवास्मा अव रुद्धेऽम्ब नि ष्वरेत्याह कामुका एनं स्त्रियो भवन्ति य एवं वेद यतै सोमादाभ्यं नाम जागृवीति (१८)

आहेष वै सोमस्य सोमपीथो य एवं वेद न सौम्यमार्तिमाच्छति घ्नन्ति वा एतत्सोमं यदभिषुण्वन्त्यं शूनपं गृह्णाति त्रायत एवैनं प्राणा वा अशवः पशवः सोमोऽं शून्युनरपि सृजति प्राणानेव पशुपुं दधाति द्वौद्वाविपि सृजति तस्माद्वौद्वा प्राणाः॥ (१९)

यजुंषा मिमीत एनं जागृवीति चतुश्चत्वारिंशच्च॥ [४]

प्राणो वा एष यदुपां शुर्यदुपां श्वग्रा ग्रहां गृह्णातै प्राणमेवानु प्र यन्त्यरुणो ह स्माहोपवेशिः प्रातःसवन एवाहं यज्ञं सङ्स्थापयामि तेन ततः सङ्स्थितेन चरामीत्यष्टौ कृत्वोऽग्नेऽभि पुणोत्यष्टाक्षरा गायत्री गायत्रम्रातःसवनम् प्रातःसवनमेव तेनाऽऽप्रोत्येकादश कृत्वौ द्वितीयमेकादशाक्षरा त्रिष्टुत्रैष्टुम्माध्वदिनम् (२०)

सर्वनम्माध्यंदिनमेव सर्वं तेनाऽऽप्नोति द्वादश कृत्वंस्तृतीयं द्वादशाक्षरा जगती जागंत
तृतीयसर्वनन्तृतीयसर्वनमेव तेनाऽऽप्नोत्येताः ह वाव स यज्ञस्य सऽस्थितिमुवाचास्कन्दायास्कन्त्रः हि
तद्यज्ञस्य सऽस्थितस्य स्कन्दत्यथो खत्वाहुर्गायत्री वाव प्रातःसर्वने नातिवाद इत्यन्तिवादुक एनम्भ्रातृव्यो
भवति य एवं वेद तस्मादष्टावष्टौ (२१)

कृत्वोऽभिपुत्यं ब्रह्मवादिनो वदन्ति पवित्रवन्तोऽन्ये ग्रहां गृह्यन्ते किमपवित्र उपांशुरिति वाक्पवित्र
इति ब्रूयात् वाचस्पतये पवस्व वाजिन्नित्याह वाचैवेनम्पवयति वृष्णो अंशुभ्यामित्याह वृष्णो ह्येतावंशु
यो सोमस्य गर्भस्तिपूत इत्याह गर्भस्तिना ह्येनम्पवयति देवो देवानां पवित्रमसीत्याह देवो ह्येषः (२२)

स देवानां पवित्रं येषां भागोऽसि तेभ्यस्त्वेत्याह येषां ह्येष भागस्तेभ्यं एनं गृह्णाति स्वां
कृतोऽसीत्याह प्राणमेव स्वमंकृत मधुमतीर्न इपंस्कृधीत्याह सर्वमेवास्मां इदं स्वदयति विश्वेभ्यस्त्वेन्द्रियेभ्यो
दिव्येभ्यः पार्थिवेभ्य इत्याहोभयैष्वेव देवमनुष्येषु प्राणान्दधाति मनस्त्वा (२३)

अद्वित्याह मन एवाश्नुत उर्वन्तरिक्षमन्विहीत्याहान्तरिक्षदेवत्यो हि प्राणः स्वाहा त्वा सुभवं सूर्यायेत्याह
प्राणा वै स्वभवंसो देवास्तेष्वेव परोक्षं जुहोति देवेभ्यस्त्वा मरीचिपेभ्य इत्याहादित्यस्य वै रश्मयो देवा
मरीचिपास्तेषां तद्वाग्धेयन्तानेव तेन प्राणाति यदि कामयेत वरपुङ्कः पर्जन्यः (२४)

स्यादिति नीचा हस्तेन नि मृज्याद्वष्टिमेव नि यच्छति यदि कामयेतावरपुङ्कः स्यादित्युत्तानेन नि
मृज्याद्वष्टिमेवोद्यच्छति यद्यभिचरेदमुं जुह्यथ त्वा होष्यामीति ब्रूयादाहुतिमेवेनमप्येप्सन् हन्ति यदि दूरे स्यादा
तर्मितोस्तिष्ठेत्प्राणमेवास्यानुगत्य हन्ति यद्यभिचरेदमुष्यं (२५)

त्वा प्राणे सादयामीति सादयेदसन्त्रो वै प्राणः प्राणमेवास्यं सादयति षड्विंशंशुभिः पवयति षड्वा
ऋतवं ऋतुभिरेवेनम्पवयति त्रिः पवयति त्रयं इमे लोका एभिरेवेनं लोकेः पवयति ब्रह्मवादिनो वदन्ति
कस्मात्स्यत्यात्रयः पशूनां हस्तादाना इति यत्रिरूपांशुं हस्तेन विगृह्णाति तस्मात्रयः पशूनां हस्तादानाः
पुरुषो हस्ती मर्कटः॥ (२६)

माध्यन्दिनमष्टावष्टावेष मनस्त्वा पर्जन्योऽमुष्य पुरुषो द्वे च॥

देवा वै यद्यज्ञेऽकुर्वत तदसुरा अकुर्वत ते देवा उपांशौ यज्ञं सऽस्थार्यमपश्यन्तमुपांशौ शो
समंस्थापयन्तेऽसुरा वज्रमुद्यत्य देवानभ्यायन्त ते देवा बिभ्यत इन्द्रमुपाधावन्तानिन्द्रोऽन्तर्यामिणात्तरधत्त
तदन्तर्यामस्यान्तर्यामत्वम् यदन्तर्यामो गृह्यते भ्रातृव्यानेव तद्यजमानोऽन्तर्धत्तेऽन्तस्ते (२७)

दधामि द्यावापृथिवी अन्तर्बन्तरिक्षमित्याहेभिरेव लोकैर्यजमानो भ्रातृव्यान्तर्धत्ते ते देवा अमन्यन्तेन्द्रो
वा इदमभूद्यद्वयं स्म इति तैऽब्रुवन्मघं वन्नं न आ भजेति सजोषां देवैरवरैः परैश्चेत्यब्रवीद्ये चैव देवाः
परं ये चावरं तानुभयान् (२८)

अन्वाभजन्सजोषां देवैरवरैः परैश्चेत्याह ये चैव देवाः परं य चावरं तानुभयान्वाभजत्यन्तर्यामो
मघवन्मादयस्वेत्याह यज्ञादेव यजमानं नान्तेत्युपयामगृहीतोऽसीत्याहापानस्य धृत्यै यदुभावंपवित्रौ गृह्येयातां
प्राणमपांनोऽनु नृच्छेत्प्रमायुक्तः स्यात्पवित्रवानन्तर्यामो गृह्यते (२९)

प्राणापानयोर्विधृत्यै प्राणापानौ वा एतौ यदुपाश्चन्तर्यामौ व्यान उपाश्शुसवंनो यं कामयेत प्रमायुक्तः स्यादित्यसंस्पृष्टौ तस्य सादयेद्वानेनैवास्य प्राणापानौ विच्छिनन्ति ताजकप्रमीयते यं कामयेत सर्वमायुरियादिति संस्पृष्टौ तस्य सादयेद्वानेनैवास्य प्राणापानौ सं तनोति सर्वमायुरिति॥ (३०)

त उभयाङ्गहृते चतुश्चत्वारिंशच्च॥ [६]

वाग्वा एषा यदैन्द्रवायवो यदैन्द्रवायवाग्रा ग्रहा गृह्यन्ते वाचमेवानु प्र यन्ति वायु देवा अंब्रुवन्त्सोम राजानं हनामेति सौऽब्रवीद्वरं वृणै मदग्रा एव वो ग्रहा गृह्यान्ता इति तस्मादैन्द्रवायवाग्रा ग्रहा गृह्यन्ते तमम्रन्त्सोऽपूयत् तं देवा नोपाधृष्णुवन्ते वायुमंब्रुवन्निमं नः स्वदय (३१)

इति सौऽब्रवीद्वरं वृणै महेवत्यान्येव वः पात्राण्युच्यन्ता इति तस्मान्नानादेवत्यानि सन्ति वायव्यान्युच्यन्ते तमैभ्यो वायुरेवास्वदयत्तस्माद्यत्पूयति तत्पवाते वि पंजन्ति वायुरहि तस्य पवयिता स्वदयिता तस्य विग्रहणं नाविन्दन्त्साऽदितिरब्रवीद्वरं वृणा अथ मया वि गृह्णीध्वम्मेदेवत्या एव वः सोमाः (३२)

सन्ना असन्त्रित्युपयामगृहीतोऽसीत्याहादितिदेवत्यांस्तेन यानि हि दारुमयाणि पात्राण्यस्यै तानि योनेः सम्भूतानि यानि मृमयाणि साक्षात्तान्यस्यै तस्मादेवमाहु वाग्वै पराच्यव्याकृतावदत्ते देवा इन्द्रमंब्रुवन्निमां नो वाचं व्याकुर्विति सौऽब्रवीद्वरं वृणै मह्यं चैवैष वायवं च सह गृह्याता इति तस्मादैन्द्रवायवः सह गृह्यते तामिन्द्रो मध्यतोऽवक्रम्य व्याकरोत्तस्मादियं व्याकृता वागृद्यते तस्मात्सकृदिन्द्राय मध्यतो गृह्यते द्विवायेव द्वौ हि स वराववृणीत॥ (३३)

स्वदय सोमाः सहाष्टाविंशतिश्च॥ [७]

मित्रं देवा अंब्रुवन्त्सोम राजानं हनामेति सौऽब्रवीन्नाहं सर्वस्य वा अहमित्रमस्मीति तमंब्रुवन् हनामेवेति सौऽब्रवीद्वरं वृणै पर्यसैव मे सोमं श्रीणत्रिति तस्मान्मैत्रावरुणम्ययंसा श्रीणन्ति तस्मात्पशवोऽपामान मित्रः सन्क्रूरमंकरिति क्रूरमिव खलु वा एषः (३४)

करोति यः सोमं यजते तस्मात्पशवोऽपं क्रामन्ति यन्मैत्रावरुणम्ययंसा श्रीणाति पशुभिरेव तन्मित्रं संमर्धयति पशुभिर्यजमानम्पुरा खलु वावेवमित्रोऽवेदप मत्कूरं चक्रुः पशवः क्रमिष्यन्तीति तस्मादेवमवृणीत वरुणं देवा अंब्रुवन्त्वायांशुभुवा सोमं राजानं हनामेति सौऽब्रवीद्वरं वृणै मह्यं च (३५)

एवैष मित्राय च सह गृह्याता इति तस्मान्मैत्रावरुणः सह गृह्यते तस्माद्राजा राजानमंशुभुवा प्रन्ति वैश्येन वैश्यं शूद्रेण शूद्रं वा इदं दिवा न नक्तमासीदव्यावृत्तन्ते देवा मित्रावरुणावब्रुवन्निदं नो वि वांसयतमिति तावन्नातां वरं वृणावहा एकं एवावत्पूर्वो ग्रहो ग्रहो गृह्याता इति तस्मादैन्द्रवायवः पूर्वं मैत्रावरुणाद्गृह्यते प्राणापानौ ह्येतौ यदुपाश्चन्तर्यामौ मित्रोऽहरजनयद्वरुणो रात्रिन्ततो वा इदं व्योच्छ्रयन्मैत्रावरुणो गृह्यते व्युष्टौ॥ (३६)

एष चैन्द्रवायवो द्वाविंशतिश्च॥ [८]

यज्ञस्य शिरांऽच्छिद्यत् ते देवा अश्विनावब्रुवन्मिपजौ वै स्थं इदं यज्ञस्य शिरः प्रति धत्तमिति

तावंब्रूतां वरं वृणावहै ग्रहं एव नावत्रापि गृह्यतामिति ताभ्यामेतमांश्चिनमंगृह्णन्ततो वै तौ यज्ञस्य शिरः प्रत्यधत्ताम् यदांश्चिनो गृह्यते यज्ञस्य निष्कृत्यै तौ देवा अंब्रुवन्नपूतो वा इमो मनुष्यचरो (३७)

भिषजाविति तस्माद्ब्राह्मणेन भेषजं न कार्यमपूतो ह्ये ३ षोऽमेध्यो यो भिषक्तो बहिष्पवमानेन पवयित्वा ताभ्यामेतमांश्चिनमंगृह्णन्तस्माद्बहिष्पवमाने स्तुत आंश्चिनो गृह्यते तस्मादेवं विदुषां बहिष्पवमान उपसद्यः पवित्रं वै बहिष्पवमान आत्मानमेव पवयते तयोश्चेद्वा भेषज्यं वि न्यदधुरग्नौ तृतीयमप्सु तृतीयमब्राह्मणे तृतीयन्तस्मादुदपात्रम् (३८)

उपनिधाय ब्राह्मणं दक्षिणतो निषाद्यं भेषजं कुर्याद्यावदेव भेषजं तेन करोति समर्थुकमस्य कृतम्भवति ब्रह्मवादिनो वदन्ति कस्मात्सत्यादेकपात्रा द्विदेवत्यां गृह्यन्ते द्विपात्रां हूयन्त इति यदेकपात्रा गृह्यन्ते तस्मादेकोऽन्तरतः प्राणो द्विपात्रां हूयन्ते तस्माद्द्वौ द्वौ बहिष्टाऽप्राणाः प्राणा वा एते यद्विदेवत्याः पशव इडा यदिडाम्पूर्वा द्विदेवत्येभ्य उपह्वयेत (३९)

पशुभिः प्राणानन्तर्दधीत प्रमायुकः स्याद्विदेवत्यांभक्षयित्वेडामुप ह्वयते प्राणानेवात्मन्यित्वा पशूनां ह्वयते वाग्वा ऐन्द्रवायवश्चक्षुर्मैत्रावरुणः श्रोत्रमाश्विनः पुरस्तादेन्द्रवायवम्भक्षयति तस्मात्पुरस्ताद्वाचा वदति पुरस्तामैत्रावरुणं तस्मात्पुरस्ताच्चक्षुषा पश्यति सर्वतः परिहारमाश्विनं तस्मात्सर्वतः श्रोत्रेण शृणोति प्राणा वा एते यद्विदेवत्याः (४०)

अरिक्तानि पात्राणि सादयति तस्मादरिक्ता अन्तरतः प्राणा यतः खलु वै यज्ञस्य वितंतस्य न क्रियते तदनु यज्ञश्च रक्षाश्चैव चरन्ति यदरिक्तानि पात्राणि सादयति क्रियमाणमेव तद्यज्ञस्य शये रक्षसामनन्ववचाराय दक्षिणस्य हविर्धानस्योत्तरस्यां वर्तन्याश्च सादयति वाच्यैव वाचं दधात्या तृतीयसवनात्परि शिरे यज्ञस्य सन्तत्यै॥ (४१)

मनुष्यचरावुदपात्रमुपह्वयेत द्विदेवत्याः पद्वत्वारिश्च॥ [९]

बृहस्पतिर्देवानां पुरोहित आसीच्छण्डामर्कावसुराणां ब्रह्मण्वन्तो देवा आसन्ब्रह्मण्वन्तोऽसुरास्ते ३ऽन्योन्यं नाशंक्नुवन्निभंविनुन्ते देवाः शण्डामर्कावुपांमन्नयन्त तावंब्रूतां वरं वृणावहै ग्रहावेव नावत्रापि गृह्यतामिति ताभ्यामेतौ शुक्रामन्थिनावगृह्णन्ततो देवा अभवन्परासुरा यस्यैवं विदुषः शुक्रामन्थिनौ गृह्यते भवत्यात्मना परा (४२)

अस्य भ्रातृव्यो भवति तौ देवा अपनुद्यात्मन इन्द्रायाजुहवुरपनुत्तौ शण्डामर्कौ सहामुनेति ब्रूयाद्यं द्विष्याद्यमेव द्वेष्टि तेनैनौ सहापं नुदते स प्रथमः सङ्कृतिर्विश्वकर्मेत्येवैनावात्मन इन्द्रायाजुहवुरिन्द्रो ह्येतानि रूपाणि करिर्दचरदसौ वा आदित्यः शुक्रश्चन्द्रमा मन्थ्यपिगृह्य प्राञ्चौ निः (४३)

क्रामतस्तस्मात्प्राञ्चौ यन्तौ न पश्यन्ति प्रत्यञ्चावावृत्य जुहुतस्तस्मात्प्रत्यञ्चौ यन्तौ पश्यन्ति चक्षुषी वा एते यज्ञस्य यच्छुक्रामन्थिनो नासिकोत्तरवेदिर्भितः परिक्रम्य जुहुतस्तस्मादभितो नासिकां चक्षुषी तस्मात्त्रासिकया चक्षुषी विधृते सर्वतः परि क्रामतो रक्षसामपहत्यै देवा वै याः प्राचीराहुतीरजुहवुर्ये पुरस्तादसुरा आसन्ताः स्ताभिः प्र (४४)

अनुदन्त याः प्रतीचीर्ये पश्चादसुरा आसन्ताऽस्ताभिरपानुदन्त प्राचीरन्या आहुतयो हूयन्ते प्रत्यञ्चै
शुकामन्थिनौ पश्चाच्चैव पुरस्ताच्च यजमानो भ्रातृव्यान्त्र णुदते तस्मात्परांचीः प्रजाः प्र वीयन्ते प्रतीचीर्जायन्ते
शुकामन्थिनौ वा अनु प्रजाः प्र जायन्तेऽन्नीश्चाद्याश्च सुवीराः प्रजाः प्रजनयन्परीहि शुक्रः शुक्रशोचिषा (४५)

सुप्रजाः प्रजाः प्रजनयन्परीहि मन्थी मन्थिशोचिषेत्याहुता वै सुवीरा या अन्नीरताः सुप्रजा या
आद्या य एवं वेदात्र्यस्य प्रजा जायते नाद्या प्रजापतेरक्ष्यंश्चयत्तत्परापतत्तद्विकङ्कतम्प्राविशत्तद्विकङ्कते नारमत
तद्यवम्प्राविशत् तद्यवैऽरमत तद्यवस्य (४६)

यत्वं यद्वैकङ्कतम्मन्थिपात्रम्भवति सक्तुभिः श्रीणाति प्रजापतेरेव तच्चक्षुः सम्भरति ब्रह्मवादिनो
वदन्ति कस्मात्सत्यान्मन्थिपात्रं सद्यो नाश्रुत इत्यातिपात्रं हीति ब्रूयाद्यदश्रुवीतान्धोऽध्वर्युः
स्यादार्तिमाच्छेत्तस्मान्नाश्रुते॥ (४७)

आत्मना परा निष्प्र शुक्रशोचिषा यवस्य सप्तत्रिंशच्च॥ [१०]

देवा वै यद्यज्ञेऽकुर्वन्त तदसुरा अकुर्वन्ते ते देवा आग्रयणाग्रान्ग्रहानपश्यन्तान्गृह्णन्त ततो वै ते-
ऽग्रं पर्यायन् यस्यैवं विदुषं आग्रयणाग्रा ग्रहां गृह्यन्तेऽग्रमेव संमानानां पर्येति रुग्णवत्यर्चा भ्रातृव्यवतो
गृह्णीयाद्भ्रातृव्यस्यैव रुक्नाग्रं समानानां पर्येति ये देवा दिव्येकादश स्थेत्याह (४८)

एतावतीवै देवतास्ताभ्यं एवैनं सर्वाभ्यो गृह्णात्येष ते योनिर्विश्वंभ्यस्त्वा देवेभ्य इत्याह वैश्वदेवो
ह्येष देवतया वाग्वै देवेभ्योऽपाकामद्यज्ञायातिष्ठमाना ते देवा वाच्यपक्रान्तायां तूष्णीं ग्रहान्गृह्णन्त साऽमन्यत
वागन्तर्यन्ति वै मेति साग्रयणमप्रत्यागच्छन्तदाग्रयणस्याग्रयणत्वम् (४९)

तस्मादाग्रयणे वाग्वि सृज्यते यत्तूष्णीम्पूर्वे ग्रहां गृह्यन्ते यथां ध्सारयति म आख इयति नापं
राध्यामीत्युपावसृजत्येवमेव तदध्वर्युराग्रयणं गृहीत्वा यज्ञमारभ्य वाचं वि सृजते त्रिर्हिं करोत्युद्गातृनेव
तद्वृणीते प्रजापतिर्वा एष यदाग्रयणो यदाग्रयणं गृहीत्वा हिकरोति प्रजापतिरेव (५०)

तत्प्रजा अभि जिघ्रति तस्माद्विध्वंसं जातं गौरभि जिघ्रत्यात्मा वा एष यज्ञस्य यदाग्रयणः सर्वनेसवने-
ऽभि गृह्णात्यात्मन्नेव यज्ञं सं तनोत्युपरिष्टादा नयति रेतं एव तदधात्युधस्तादुषं गृह्णाति प्र जनयत्येव
तद्व्रह्मवादिनो वदन्ति कस्मात्सत्याद्वायत्री कनिष्ठा छन्दसां सती सर्वाणि सर्वानानि बहूतीत्येष वै गांयत्रियै
वृध्सो यदाग्रयणस्तमेव तदभिनिवर्तं सर्वाणि सर्वानानि बहति तस्माद्विध्वंसमपाकृतं गौरभि नि वर्तते॥ (५१)

आहाग्रयणत्वं प्रजापतिरेवेति विंशतिश्च॥ [११]

इन्द्रो वृत्रायायुर्वै यज्ञेन सुवर्गायेन्द्रो मरुद्भिरदितिरन्तर्यामपात्रेण प्राण
उपांशुपात्रेणेन्द्रो वृत्रमहन्तस्य ग्रहान् वै प्रान्यान्येकादश॥ [१२] इन्द्रो वृत्राय
पुनर्ऋतुनाह मिथुनम्शवो नेष्टः पत्नीमुपांश्वन्तर्यामयोद्विचत्वारिंशत्॥४२॥ इन्द्रो वृत्राय पाङ्कत्वम्॥

॥पञ्चमः प्रश्नः॥

॥तैत्तिरीयसंहितायां षष्ठमकाण्डे पञ्चमः प्रश्नः॥

इन्द्रो वृत्राय वज्रमुदयच्छुत्सम् वृत्रो वज्रादुद्यंतादबिभेत्सोऽब्रवीन्मा मे प्र हारस्ति वा इदम्मयि वीर्यं तत्ते प्र दास्यामीति तस्मां उक्थ्यम्प्रायच्छुत्तस्मै द्वितीयमुदयच्छुत्सोऽब्रवीन्मा मे प्र हारस्ति वा इदं मयि वीर्यं तत्ते प्र दास्यामीति (१)

तस्मां उक्थ्यमेव प्रायच्छुत्तस्मै तृतीयमुदयच्छुत्तं विष्णुरन्वतिष्ठत जहीति सोऽब्रवीन्मा मे प्र हारस्ति वा इदम्मयि वीर्यं तत्ते प्र दास्यामीति तस्मां उक्थ्यमेव प्रायच्छुत्तं निर्मायम्भूतमहन् यज्ञो हि तस्य मायासीद्यदुक्थ्यो गृह्यते इन्द्रियमेव (२)

तद्वीर्यं यजमानो भ्रातृव्यस्य वृङ्क्त इन्द्राय त्वा बृहद्वंते वयंस्वत् इत्याहेन्द्राय हि स तम्प्रायच्छुत्तस्मै त्वा विष्णवे त्वेत्याह यदेव विष्णुरन्वतिष्ठत जहीति तस्माद्विष्णुमन्वाभंजति त्रिर्निर्गृह्णाति त्रिर्हि स तं तस्मै प्रायच्छदेष ते योनिः पुनर्हविरसीत्याह पुनःपुनः (३)

हंस्मान्निर्गृह्णाति चक्षुर्वा एतद्यज्ञस्य यदुक्थ्यस्तस्मादुक्थ्यं हुतं सोमां अन्वारयन्ति तस्मादात्मा चक्षुरन्वेति तस्मादेकं यन्तम्बहवोऽनु यन्ति तस्मादेको बहूनाम्भद्रो भवति तस्मादेको बह्वीर्जाया विन्दते यदि कामयेताध्वर्युरात्मानं यज्ञयशसेनापयेयमित्यन्तराहवनीयं च हविर्धानं च तिष्ठन्नवं नयेत् (४)

आत्मानमेव यज्ञयशसेनापयति यदि कामयेत् यजमानं यज्ञयशसेनापयेयमित्यन्तरा संदोहविधानं तिष्ठन्नवं नयेद्यजमानमेव यज्ञयशसेनापयति यदि कामयेत् सदस्यान् यज्ञयशसेनापयेयमिति सदं आलभ्यावं नयेत्सदस्यानेव यज्ञयशसेनापयति॥ (५)

इतीन्द्रियमेव पुनःपुनर्नयेन्नयस्त्रिंशच्च॥ _____ [१]

आयुर्वा एतद्यज्ञस्य यद्धव उत्तमो ग्रहाणां गृह्यते तस्मादायुः प्राणानामुत्तमम्पूर्धानं दिवो अंरति पृथिव्या इत्याह मूर्धानमेवैनं समानानां करोति वैश्वानरमृताय जातमग्निमित्याह वैश्वानरं हि देवतयायुरुभयतौवैश्वानरो गृह्यते तस्मादुभयतः प्राणा अधस्ताच्चोपरिष्टाच्चाधिर्नोऽन्ये ग्रहां गृह्यन्तेऽर्धौ ध्रुवस्तस्मात् (६)

अर्धवाङ्माणांऽन्येषां प्राणानामुपौष्टेऽन्ये ग्रहाः साद्यन्तेऽनुपोष्टे ध्रुवस्तस्मादस्त्रान्याः प्रजाः प्रतितिष्ठन्ति मासेनान्या असुरा वा उत्तरतः पृथिवीम्पर्याचिकीरपन्तां देवा ध्रुवेणादहन्तद्ध्रुवस्य ध्रुवत्वं यद्धव उत्तरतः साद्यते धृत्या आयुर्वा एतद्यज्ञस्य यद्धव आत्मा होता यद्धोतृचमसे ध्रुवमवर्णयत्यात्मन्नेव यज्ञस्य (७)

आयुर्दधाति पुरस्तादुक्थस्यावनीय इत्याहुः पुरस्ताद्धायुषो भुङ्क्ते मध्यतोऽवनीय इत्याहुर्मध्यमेन ह्यायुषो भुङ्क्ते उत्तरार्धेऽवनीय इत्याहरुत्तमेन ह्यायुषो भुङ्क्ते वैश्वदेव्यामृचि शस्यमानायामवं नयति वैश्वदेव्यो वै प्रजाः प्रजास्वेवायुर्दधाति॥ (८)

ध्रुवस्तस्मादेव यज्ञस्यैकात्रचत्वारिंशच्च॥ _____ [२]

यजेन् वै देवाः सुवर्गं लोकमायन्तं मन्यन्त मनुष्या नोऽन्वाभविष्यन्तीति ते संवत्सरेण योपयित्वा सुवर्गं लोकमायन्तमृषय ऋतुग्रहेवानु प्राजानन्यदंतुग्रहा गृह्यन्ते सुवर्गस्य लोकस्य प्रजातैः द्वादश गृह्यन्ते द्वादश मासाः संवत्सरः संवत्सरस्य प्रजातैः सह प्रथमौ गृह्येते सहोत्तमौ तस्माद्द्वौद्वावृतु उभयतोमुखमृतुपात्रम्भवति कः (१)

हि तद्वेद यतं ऋतूनाम्मुखंमृतुना प्रेष्येति षट्त्वं आहु षड्वा ऋतवं ऋतूनेव प्रीणात्यृतुभिरिति चतुश्चतुष्पद एव पशून्प्रीणाति द्विः पुनर्रक्तुनाह द्विपद एव प्रीणात्यृतुना प्रेष्येति षट्त्वं आहुतुभिरिति चतुस्तस्माच्चतुष्पादः पशवं ऋतूनपुं जीवन्ति द्विः (१०)

पुनर्रक्तुनाह तस्माद्विपादश्चतुष्पदः पशूनपुं जीवन्त्यृतुना प्रेष्येति षट्त्वं आहुतुभिरिति चतुर्द्विः पुनर्रक्तुनाहाक्रमणमेव तथ्येतुं यजमानः कुरुते सुवर्गस्य लोकस्य समंष्ट्रे नान्योन्यमनु प्र पंचेत् यदन्योन्यमनु प्रपंचेतर्तुर्रक्तुमनु प्र पंचेतर्तवो मोहुंकाः स्युः (११)

प्रसिद्धमेवाध्वर्युर्दक्षिणेन प्र पंचते प्रसिद्धं प्रतिप्रस्थातोत्तरेण तस्मादादित्यः षण्मासो दक्षिणेनैति षडुत्तरेणोपयामगृहीतोऽसि सः सप्तोऽस्य हस्पत्याय त्वेत्याहास्ति त्रयोदशो मास इत्याहुस्तमेव तत्प्रीणाति॥ (१२)

को जीवन्ति द्विः स्युश्चतुस्त्रिंशच्च॥ [३]

सुवर्गाय वा एते लोकाय गृह्यन्ते यदंतुग्रहा ज्योतिरिन्द्राग्नी यदैनद्राग्रमृतुपात्रेण गृह्णाति ज्योतिरेवास्मा उपरिष्टादधाति सुवर्गस्य लोकस्यानुख्यात्या ओजोभूतौ वा एतौ देवानां यदिन्द्राग्नी यदैनद्राग्रो गृह्यत ओज एवावं रुन्दे वैश्वदेवः शुक्रपात्रेण गृह्णाति वैश्वदेव्यो वै प्रजा असावादित्यः शुक्रो यद्वैश्वदेवः शुक्रपात्रेण गृह्णाति तस्मादसावादित्यः (१३)

सर्वाः प्रजाः प्रत्यङ्मुदन्ति तस्मात्सर्व एव मन्यते माम्प्रत्युदगादिति वैश्वदेवः शुक्रपात्रेण गृह्णाति वैश्वदेव्यो वै प्रजास्तेजः शुक्रो यद्वैश्वदेवः शुक्रपात्रेण गृह्णाति प्रजास्वेव तेजो दधाति॥ (१४)

तस्मादसावादित्यस्त्रिंशच्च॥ [४]

इन्द्रो मरुद्विः साविद्येन माध्यदिने सर्वने वृत्रमहनुयन्माध्यदिने सर्वने मरुत्वतीयां गृह्यन्ते वार्त्राग्रा एव ते यजमानस्य गृह्यन्ते तस्य वृत्रं जघ्नुषं ऋतवोऽमुह्यन्त्स ऋतुपात्रेण मरुत्वतीयानगृह्णाततो वै स ऋतून्प्राजानाद्यदंतुपात्रेण मरुत्वतीयां गृह्यन्तं ऋतूनाम्प्रजातैः वज्रं वा एतं यजमानो भ्रातृव्याय प्र हरति यन्मरुत्वतीया उदेव प्रथमेन (१५)

यच्छति प्र हरति द्वितीयेन स्तृणुते तृतीयेनायुधं वा एतद्यजमानः सः स्फुरते यन्मरुत्वतीया धनुरेव प्रथमो ज्या द्वितीय इषुस्तृतीयः प्रत्येव प्रथमेन धत्ते वि संजति द्वितीयं विध्यति तृतीयेनेन्द्रो वृत्रं हत्वा परां परावतमगच्छदपाराधमिति मन्यमानः स हरितोऽभवत्स एतान्मरुत्वतीयानात्मस्पर्णानपश्यत्तानगृह्णीत (१६)

प्राणमेव प्रथमेनास्पृणुतापानं द्वितीयेनात्मानं तृतीयेनात्मस्पर्णा वा एते यजमानस्य गृह्यन्ते यन्मरुत्वतीयाः

प्राणमेव प्रथमेन स्पृणुतेऽपानं द्वितीयैनात्मानं तृतीयेनेन्द्रो वृत्रमंहन्तं देवा अंब्रवन्महान् वा अयमंभूदो वृत्रमवंधीदिति तन्महेन्द्रस्य महेन्द्रत्वम् स एतस्माहिन्द्रमुद्धारमुदहरत वृत्रं हत्वान्यासुं देवतास्वधिं यन्मोहिन्द्रो गृह्यते उद्धारमेव तं यजमानं उद्धरतेऽन्यासुं प्रजास्वधिं शुक्रपात्रेण गृह्णाति यजमानदेवत्यो वै माहिन्द्रस्तेजः शुक्रो यन्मोहिन्द्रम् शुक्रपात्रेण गृह्णाति यजमान एव तेजो दधाति॥ (१७)

प्रथमेनागृह्णीत देवतास्वष्टाविंशतिश्च॥ _____ [५]

अदितिः पुत्रकामा साध्येभ्यो देवेभ्यो ब्रह्मोदनमपचत्तस्यां उच्छेषंमददुस्तत्प्राश्नात्सा रेतोऽधत् तस्यै चत्वार आदित्या अजायन्त सा द्वितीयमपचत्सामन्यतोच्छेषंणाम् इमेऽज्ञत यदग्नें प्राशिष्यामीतो मे वसीयाः सो जनिष्यन्त इति साग्ने प्राश्नात्सा रेतोऽधत् तस्यै व्यृद्धमाण्डमजायत सादित्येभ्य एव (१८)

तृतीयमपचद्भोगाय म इदम् श्रान्तमस्त्विति तैऽब्रुवन्वरं वृणामहे योऽतो जायाता अस्माकम् स एकोऽसृष्टोऽस्य प्रजायामृध्याता अस्माकम्भोगाय भवादिति ततो विवस्वानादित्योऽजायत तस्य वा इयं प्रजा यन्मनुष्यास्तास्वेकं एवर्द्धो यो यजते स देवानाम्भोगाय भवति देवा वै यज्ञात् (१९)

रुद्रमन्तरायन्स आदित्यान्वाक्रमत ते द्विदेवत्यान्प्रापद्यन्त तान् प्रति प्रायच्छन्तस्मादपि बध्यम्प्रपन्नं न प्रति प्र यच्छन्ति तस्माद्विदेवत्येभ्य आदित्यो निर्गृह्यते यदुच्छेषंणादजायन्त तस्मादुच्छेषंणाद्गृह्यते तिसृभिर्ऋग्भिर्गृह्णाति माता पिता पुत्रस्तदेव तन्मिथुनमुल्बं गर्भो जरायु तदेव तत् (२०)

मिथुनम्पशवो वा एते यदादित्य ऊर्दधिं दध्ना मध्यतः श्रीणात्यूर्जमेव पशूनाममध्यतो दधाति श्रुतातङ्कानं मेध्यत्वाय तस्मादामा पृक्कं दुहे पशवो वा एते यदादित्यः परिश्रित्यं गृह्णाति प्रतिरुध्येवासमै पशून्गृह्णाति पशवो वा एते यदादित्य एष रुद्रो यदग्निः परिश्रित्यं गृह्णाति रुद्रादेव पशून्तर्दधाति (२१)

एष वै विवस्वानादित्यो यदुपांशुसर्वनः स एतमेव सोमपीथं परि शय आ तृतीयसर्वनाद्विष्वं आदित्येष तं सोमपीथ इत्याह विवस्वन्तमेवाऽऽदित्यम् सोमपीथेन समर्धयति या दिव्या वृष्टिस्तया त्वा श्रीणामीति वृष्टिकामस्य श्रीणीयाद्वृष्टिमेवावं रुद्धे यदि ताजक्पस्क्वेद्वरपुङ्कः पर्जन्यः स्याद्यदि चिरमवर्षपुङ्को न सांदयत्यसन्नाद्धि प्रजाः प्रजायन्ते नानु वर्षद्वरोति यदनुवषट्कुर्याद्बुधं प्रजा अन्ववसृजेन्न हत्वान्वीक्षत यदन्वीक्षत चक्षुरस्य प्रमार्युक् स्यात्तस्मान्नान्वीक्ष्यः॥ (२२)

एव यज्ञाज्जरायु तदेव तदन्तर्दधाति न सप्तविंशतिश्च॥ _____ [६]

अन्तर्यामपात्रेण सावित्रमग्रयणाद्गृह्णाति प्रजापतिर्वा एष यदाग्रयणः प्रजानां प्रजननाय न सांदयत्यसन्नाद्धि प्रजाः प्रजायन्ते नानु वर्षद्वरोति यदनुवषट्कुर्याद्बुधं प्रजा अन्ववसृजेदेष वै गांयत्रो देवानां यत्संवितेष गांयत्रियै लोके गृह्यते यदाग्रयणो यदन्तर्यामपात्रेण सावित्रमग्रयणाद्गृह्णाति स्वादेवेन योनेर्निर्गृह्णाति विश्वं (२३)

देवास्तृतीयम् सर्वनं नोदयच्छन्ते सवितारम्प्रातःसर्वनभागम् सन्तं तृतीयसर्वनमभि पर्यणयन्ततो वै ते तृतीयम् सर्वनमुदयच्छन्त्यर्त्तृतीयसर्वने सावित्रो गृह्यते तृतीयस्य सर्वनस्योद्यत्सै सवितृपात्रेण वैश्वदेव

कलशाद्गृह्णाति वैश्वदेव्यो वै प्रजा वैश्वदेवः कलशः सविता प्रंसवानामीशे यथ्सवितृपात्रेण वैश्वदेवं कलशाद्गृह्णाति सवितृप्रसूत एवास्मै प्रजाः प्र (२४)

जनयति सोमे सोममभि गृह्णाति रेतं एव तदधाति सुशर्मासि सुप्रतिष्ठान इत्याह सोमे हि सोममभिगृह्णाति प्रतिष्ठित्या एतस्मिन्वा अपि ग्रहे मनुष्येभ्यो देवेभ्यः पितृभ्यः क्रियते सुशर्मासि सुप्रतिष्ठान इत्याह मनुष्येभ्य एवैतेन करोति बृहदित्याह देवेभ्य एवैतेन करोति नम इत्याह पितृभ्य एवैतेन करोत्येतावन्तीवै देवतास्ताभ्य एवैनं सर्वाभ्यो गृह्णात्येष ते योनिर्विश्वेभ्यस्त्वा देवेभ्य इत्याह वैश्वदेवो ह्येषः॥ (२५)

विश्वे प्र पितृभ्य एवैतेन करोत्येकान्नविंशतिश्च॥ [७]

प्राणो वा एष यदुपांशुर्यदुपांशुपात्रेण प्रथमश्चोत्तमश्च ग्रहौ गृह्येतै प्राणमेवानुं प्रयन्ति प्राणमनूद्यन्ति प्रजापतिर्वा एष यदाग्रयणः प्राण उपांशुः पत्नीः प्रजाः प्र जनयन्ति यदुपांशुपात्रेण पालीवतमाग्रयणाद्गृह्णाति प्रजानां प्रजननाय तस्मात्प्राणं प्रजा अनु प्र जायन्ते देवा वा इतदंतः पत्नीः सुवर्गम् (२६)

लोकमजिगांसन्ते सुवर्गं लोकं न प्राजानन्त एतम्पालीवतमपश्यन्तमगृह्णत ततो वै ते सुवर्गं लोकम्प्राजानन् यत्पालीवतो गृह्यते सुवर्गस्य लोकस्य प्रजायै स सोमो नातिष्ठत स्त्रीभ्यो गृह्यमाणस्तं घृतं वज्रं कृत्वाघ्नन्ति निरिन्द्रियम्भूतमगृह्णन्तस्माच्छ्रियो निरिन्द्रिया अदायादीरपि पापात्युंस उपस्तितरम् (२७)

वदन्ति यद्धृतेन पालीवतं श्रीणाति वज्रैर्गैवैनं वशं कृत्वा गृह्णात्युपयामगृहीतोऽसीत्याहुयं वा उपयामस्तस्मादिमां प्रजा अनु प्र जायन्ते बृहस्पतिसुतस्य त इत्याह ब्रह्म वै देवानाम्बृहस्पतिर्ब्रह्मणैवास्मै प्रजाः प्र जनयतीन्द्रो इत्याह रेतो वा इन्दु रेतं एव तदधातीन्द्रियाव इति (२८)

आह प्रजा वा इन्द्रियं प्रजा एवास्मै प्र जनयत्यग्रा(३) इत्याहप्रिवै रेतोधाः पत्नीव इत्याह मिथुनत्वाय सजृद्वेन त्वष्टा सोमंमिबेत्याह त्वष्टा वै पशूनामिमिथुनानां रूपकद्रुपमेव पशुपुं दधाति देवा वै त्वष्टारमजिगांसन्त्य पत्नीः प्रापद्यत तं न प्रति प्रायच्छन्तस्मादपि (२९)

वध्यम्प्रापन्नं न प्रति प्र यच्छन्ति तस्मात्पालीवते त्वष्ट्रेऽपि गृह्यते न सांदयत्यसन्नाद्धि प्रजाः प्रजायन्ते नानु वषट्करोति यदनुवषट्कुर्याद्ब्रह्म प्रजा अन्ववसृजेद्यत्रानुवषट्कुर्यादशान्तमग्नीश्वोममभक्षयेदुपांश्वनु वषट्करोति न रुद्रं प्रजा अन्ववसृजति शान्तमग्नीश्वोममभक्षयतीन्नेष्टुंरुपस्थमा सीद (३०)

नेष्टुः पत्नीमुदानयेत्याहप्रीदेव नेष्टरि रेतो दधाति नेष्टा पत्नियामुद्रात्रा सं ख्यापयति प्रजापतिर्वा एष यद्ग्राता प्रजानां प्रजननायाप उप प्र वर्तयति रेतं एव तथ्सिञ्चत्यरुणोप प्र वर्तयत्यरुणा हि रेतः सिच्यते नम्रंकृत्योरुमुप प्र वर्तयति यदा हि नम्र ऊरुर्भवत्यथ मिथुनी भवतोऽथ रेतः सिच्यतेऽथ प्रजाः प्र जायन्ते॥ (३१)

पत्नीः सुवर्गमुपस्तितरमिन्द्रियाव इत्यपि सीद मिथुन्यष्टौ च॥ [८]

इन्द्रो वृत्रमहन्तस्य शीर्षकपालमुदौञ्च्य द्रोणकलशोऽभवत्तस्मात्श्वोः समंस्रव्य हारियोजनोऽभवत्तं

व्यंचिकिथ्सञ्जुह्वानी(३) मा हौषा(३) मिति सौऽमन्यत् यद्धोष्याम्याम्५ हौष्यामि यन्न होष्यामि यज्ञवेशं
करिष्यामीति तमं प्रियत् होतुः सौऽग्निरब्रवीन्न मय्याम्५ हौष्यसीति तं धानाभिरश्रीणात् (३२)

त५ शृतम्भृतमंजुहोद्यद्वानाभिरहारियोजनः५ श्रीणाति शृतत्वाय शृतमेवैनम्भृतं जुहोति बह्विभिः
श्रीणात्येतावंतीरेवास्यामुष्मिन्नैके कामदुघा भवन्त्यथो खल्वाहुरेता वा इन्द्रस्य पृथ्रयः कामदुघा
यद्धारियोजनीरिति तस्माद्बह्विभिः श्रीणीयादृख्सांमे वा इन्द्रस्य हरीं सोमपानौ तयोः परिधय आधानं
यदप्रहृत्य परिधीञ्जुह्यादन्तराधानाभ्याम् (३३)

घासम्प्र यच्छेत्प्रहृत्य परिधीञ्जुहोति निराधानाभ्यामेव घासम्प्र यच्छत्युन्नेता जुहोति यातयामेव
ह्येतरह्यध्वयः स्वगाकृतो यदध्वर्युजुह्याद्यथा विमुक्तमुनर्युनक्ति तादृगेव तच्छीरपन्नधिनिधाय जुहोति शीरपतो
हि स समभवंद्विक्रम्य जुहोति विक्रम्य हीन्द्रो वृत्रमहन्श्चमृद्वै पशवो वै हारियोजनीर्यध्वंसिन्ध्यादल्पाः (३४)

एनम्पशवो भुञ्जन्त उपं तिष्ठेरन्यत्र संमिन्ध्याद्वहवं एनम्पशवोऽभुञ्जन्त उपं तिष्ठेरन्मनसा सम्बाधत
उभयं करोति बहवं एवैनम्पशवो भुञ्जन्त उपं तिष्ठन्त उन्नेतर्युपहवमिच्छन्ते य एव तत्रं सोमपीथस्तमेवाव
रुन्धत उत्तरवेद्यां नि वंपति पशवो वा उत्तरवेदिः पशवो हारियोजनीः पशुष्वेव पशुन्मतिं षापयन्ति॥ (३५)

अश्रीणादन्तराधानाभ्यामल्पाः स्थापयन्ति॥ [१]

ग्रहान् वा अनु प्रजाः पशवः प्र जायन्त उपाः५श्वन्तर्यामावजावयः शुक्रामन्थिनौ पुरुषा ऋतुग्रहानेकशफा
आदित्यग्रहं गावं आदित्यग्रहो भूयिष्ठाभिरऋग्भिर्गृह्यते तस्माद्गावंः पशूनाम्भूर्यिष्ठा यन्निरुपाः५शुः हस्तेन
विगृह्णाति तस्माद्द्वौ त्रीनजा जनयत्यथावयो भूयसीः पिता वा एष यदाग्रयणः पुत्रः कलशो यदाग्रयण
उपदस्यैत्कलशाद्बह्वीयाद्यथा पिता (३६)

पुत्रं क्षित उपधावति तादृगेव तद्यत्कलशं उपदस्येदाग्रयणाद्बह्वीयाद्यथा पुत्रः पितरं क्षित उपधावति
तादृगेव तदात्मा वा एष यज्ञस्य यदाग्रयणो यद्बहो वा कलशो वोपदस्येदाग्रयणाद्बह्वीयादात्मन एवाधि यज्ञं
निष्करोत्यविज्ञातो वा एष गृह्यते यदाग्रयणः स्थाल्या गृह्णाति वायव्येन जुहोति तस्मात् (३७)

गर्भेणाविज्ञातेन ब्रह्महावभृथमवं यन्ति परां स्थालीरस्यन्त्युद्वायव्यानि हरन्ति तस्माच्छ्रियं जातां
परांस्यन्त्युत्पामांसः५ हरन्ति यत्पुंगोरुचमाह यथा वस्यंस आहरति तादृगेव तद्यद्बहं गृह्णाति यथा वस्यंस
आहृत्य प्राह तादृगेव तद्यत्सादयति यथा वस्यंस उपनिधायपक्रामति तादृगेव तद्यद्वै यज्ञस्य साम्ना यजुषा
क्रियते शिथिलं तद्यद्वा तद्दृढम्पुरस्तादुपयामा यजुषा गृह्यन्त उपरिष्ठादुपयामा ऋचा यज्ञस्य धृत्यै॥ (३८)

यथा पिता तस्मादपक्रामति तादृगेव तद्यदष्टादश च॥ [१०]

प्रान्यानि पात्राणि युज्यन्ते नान्यानि यानि पराचीनानि प्रयुज्यन्तेऽमुमेव तैर्लोकमभि जयति पराङ्गि
ह्यंसौ लोको यानि पुनः प्रयुज्यन्त इममेव तैर्लोकमभि जयति पुनःपुनरिव ह्यं लोकः प्रान्यानि पात्राणि
युज्यन्ते नान्यानि यानि पराचीनानि प्रयुज्यन्ते तान्यन्वोपधयः परा भवन्ति यानि पुनः (३९)

प्रयुज्यन्ते तान्यन्वोपधयः पुनरा भवन्ति प्रान्यानि पात्राणि युज्यन्ते नान्यानि यानि पराचीनानि

प्रयुज्यन्ते तान्यन्वारण्याः पशवोऽरण्यमपं यन्ति यानि पुनः प्रयुज्यन्ते तान्यनु ग्राम्याः पशवो ग्राममुपावयन्ति यो वै ग्रहाणां निदानं वेदं निदानवान्भवत्याज्यमित्युक्तं तद्वै ग्रहाणां निदानं यदुपांशु शंसति तत् (४०)

उपांश्वन्तर्यामयोयदुच्चैस्तदितरेषां ग्रहाणामेतद्वै ग्रहाणां निदानं य एवं वेदं निदानवान्भवति यो वै ग्रहाणाम्मिथुनं वेदं प्र प्रजयां पशुभिर्मिथुनैर्जायते स्थालीभिर्न्ये ग्रहां गृह्यन्ते वायव्यैरन्य एतद्वै ग्रहाणाम्मिथुनं य एवं वेदं प्र प्रजयां पशुभिर्मिथुनैर्जायत इन्द्रस्त्वष्टुः सोममभीषहापिवथ्स विष्वङ् (४१)

व्याचूर्ध्वस आत्मन्नारमणं नाविन्द्वस एताननुसवनम्पुरोडाशानपश्यत्तां निरवपत्तैर्वै स आत्मन्नारमणमकुरुत तस्मादनुसवनम्पुरोडाशा निरुप्यन्ते तस्मादनुसवनम्पुरोडाशानाम्प्राश्नीयादात्मन्नेवारमणं कुरुते नैनं सोमोऽति पवते ब्रह्मवादिनो वदन्ति नर्चा न यजुषा पङ्क्तिराप्यतेऽथ किं यज्ञस्य पाङ्कत्वमिति धानाः करम्भः परिवापः पुरोडाशः पयस्यां तेन पङ्क्तिराप्यते तद्यज्ञस्य पाङ्कत्वम्॥ (४२)

भवन्ति यानि पुनः शंसति तद्विष्वङ्मिथुनं तुर्दश च॥ [११]

सुवर्गाय यद्वाक्षिणानि समिष्टयजूंष्यवभृथयजूंषि स्फ्येन प्रजापतिरेकादशिनीमिन्द्रः पत्न्या घ्नन्ति देवा वा इन्द्रियं देवा वा अदाभ्ये देवा वै प्रबाहुं प्रजापतिर्देवेभ्यः स रिरिचानः षोडशधैकादश॥ [१२] सुवर्गाय यजति प्रजाः सौम्येन गृहीयात्प्रत्यञ्चं गृहीयात्प्रजां पशुन्निचत्वारिंशत्॥ 43॥ सुवर्गाय वज्रस्य रूपं समृद्धौ॥

॥षष्ठमः प्रश्नः॥

॥तैत्तिरीयसंहितायां षष्ठमकाण्डे षष्ठमः प्रश्नः॥

सुवर्गाय वा एतानि लोकाय हूयन्ते यद्वाक्षिणानि द्वाभ्यां गार्हपत्ये जुहोति द्विपाद्यजमानः प्रतिष्ठित्या आग्नीध्रे जुहोत्यन्तरिक्ष एवा क्रमते सदाऽयैति सुवर्गमेवेनं लोकं गमयति सौरीभ्यामुग्भ्यां गार्हपत्ये जुहोत्यमुमेवेनं लोकं समारोहयति नयंवत्यर्चाग्नीध्रे जुहोति सुवर्गस्य लोकस्याभिनीत्यै दिवं गच्छ सुवं पतेति हिरण्यम् (१)

हुत्वोर्द्वह्नाति सुवर्गमेवेनं लोकङ्गमयति रूपेण वो रूपमभ्यैमीत्याह रूपेण ह्यासां रूपमभ्यैति यद्विरण्येन तुथो वो विश्ववेदा वि भंजत्वित्याह तुथो हं स्म वै विश्ववेदा देवानां दक्षिणा वि भंजति तेनेवेना वि भंजत्येतत् अग्ने राधः (२)

ऐति सोमच्युतमित्याह सोमच्युतं ह्यस्य राध ऐति तन्मित्रस्य पथा नयेत्याह शान्त्या ऋतस्य पथा प्रेतं चन्द्रदक्षिणा इत्याह सत्यं वा ऋतं सत्येनेवेना ऋतेन वि भंजति यज्ञस्य पथा सुविता

नयन्तीरित्याह यज्ञस्य ह्येताः पृथा यन्ति यदक्षिणा ब्राह्मणमुद्य राध्यासम् (३)

ऋषिरारपेयमित्याहेष वै ब्राह्मण ऋषिरारपेयो यः शुश्रुवान्तस्मादेवमाहु वि सुवः पश्य व्यन्तरिक्षमित्याह सुवर्गमेवेन लोकं गमयति यतस्व सदस्यैरित्याह मित्रत्वायास्मद्भ्रात्रा देवत्रा गच्छत मधुमतीः प्र दातारमा विशतेत्याह वयमिह प्रदातारः स्मोऽस्मानमुत्र मधुमतीरा विशतेति (४)

वावेतदाह हिरण्यं ददाति ज्योतिर्वै हिरण्यं ज्योतिरेव पुरस्ताद्धते सुवर्गस्य लोकस्यानुख्यात्या अग्नीधे ददात्यग्निमुखानेवत्प्रीणाति ब्रह्मणं ददाति प्रसूत्यै होत्रे ददात्यात्मा वा एष यज्ञस्य यद्धोतात्मानमेव यज्ञस्य दक्षिणाभिः समर्धयति॥ (५)

हिरण्यं५ राधौ राध्यासममुत्र मधुमतीरा विशतेत्यष्टात्रिंशच्च॥_____ [१]

समिष्टयजूंषि जुहोति यज्ञस्य समिष्टे यद्वै यज्ञस्यं कूरं यद्विलिष्टं यदत्येति यत्रात्येति यदतिकरोति यत्रापि करोति तदेव तैः प्रीणाति नवं जुहोति नवं वै पुरुषे प्राणाः पुरुषेण यज्ञः सम्मितो यावानेव यज्ञस्तम्प्रीणाति षड्गमियाणि जुहोति षड्वा ऋतवं ऋतूनेव प्रीणाति त्रीणि यजूंषि (६)

त्रयं इमे लोका इमानेव लोकान्प्रीणाति यज्ञं यज्ञं गच्छ यज्ञपतिं गच्छेत्याह यज्ञपतिमेवेन गमयति स्वां योनिं गच्छेत्याह स्वामेवेन योनिं गमयत्येष तै यज्ञो यज्ञपते सहसूक्तवाकः सुवीर इत्याह यजमान एव वीर्यं दधाति वासिष्ठो हं सात्यहव्यो देवभागम्प्रच्छ यथ्मृञ्ज्यान्बहुयाजिनोऽयीयजो यज्ञे (७)

यज्ञम्प्रयतिष्ठिपा(३)यज्ञपता(३)विति स हांवाच यज्ञपताविति सत्याद्वै मृञ्ज्याः परां बभूवुरिति होवाच यज्ञे वाव यज्ञः प्रतिष्ठाप्य आसीद्यजमानस्यापराभावायेति देवां गातुविदो गातुं वित्त्वा गातुमितेत्याह यज्ञ एव यज्ञं प्रति स्थापयति यजमानस्यापराभावाय॥ (८)

यजूंषि यज्ञ एकचत्वारिंशच्च॥_____ [२]

अवभृथयजूंषि जुहोति यदेवावाचीनमेकहायनादेनः करोति तदेव तैरवं यजतेऽप्यवभृथमवैत्यप्सु वै वरुणः साक्षादेव वरुणमवं यजते वर्त्मना वा अन्वित्य यज्ञं रक्षांसि जिघांसन्ति साम्नां प्रस्तोतान्ववैति साम्नां वै रक्षोहा रक्षसामपंहत्ये त्रिनिधनुमुपैति त्रयं इमे लोका एभ्य एव लोकेभ्यो रक्षांसि (९)

अपं हन्ति पुरुषःपुरुषो निधनुमुपैति पुरुषःपुरुषो हि रक्षस्वी रक्षसामपंहत्या उरुं हि राजा वरुणश्चकारेत्याह प्रतिष्ठित्ये शतं तै राजन्मिषजः सहस्रमित्याह भेषजमेवास्मै करोत्यभिष्ठितो वरुणस्य पाश इत्याह वरुणपाशमेवाभि तिष्ठति ब्रह्मि जुहोत्याहुतीनां प्रतिष्ठित्या अथो अग्निवत्येव जुहोत्यपंब्रह्मिः प्रयाजान् (१०)

यजति प्रजा वै ब्रह्मिः प्रजा एव वरुणपाशान्मुञ्चत्याज्यभागौ यजति यज्ञस्यैव चक्षुषी नान्तरैति वरुणं यजति वरुणपाशादेवेनमुञ्चत्यग्नीवरुणौ यजति साक्षादेवेन वरुणपाशान्मुञ्चत्यपंब्रह्मिपावनूयाजौ यजति प्रजा वै ब्रह्मिः प्रजा एव वरुणपाशान्मुञ्चति चतुरः प्रयाजान् यजति द्वावनूयाजौ षट्सप्तम्यन्ते षड्वा ऋतवः (११)

ऋतुष्वेव प्रति तिष्ठत्यवभृथ निचङ्कुषेत्याह यथोदितमेव वरुणमवं यजते समुद्रे ते हृदयमप्स्वन्तरित्याह

समुद्रे ह्यन्तर्वरुणः सं त्वां विशन्त्वोपधीरुताप इत्याहाद्विरेवैनमोपधीभिः सम्यञ्चं दधाति देवीराप एष वो गर्भं इत्याह यथायजुरेवैतत्पशवो वै (१२)

सोमो यद्विन्दूनाम्भक्षयैत्पशुमान्स्थ्याद्वरुणस्त्वेनं गृह्णीयाद्यत्र भक्षयैदपशुः स्यान्नैनं वरुणो गृह्णीयादुपस्पृश्यमेव पशुमान्भवति नैनं वरुणो गृह्णाति प्रतियुतो वरुणस्य पाश इत्याह वरुणपाशादेव निर्मुच्यतेऽप्रतीक्षमा यन्ति वरुणस्यान्तरहित्या एधोऽस्येधिषीमहीत्याह समिधेवाग्निं नमस्यन्त उपायन्ति तेजोऽसि तेजो मयि धेहीत्याह तेज एवात्मन्थते॥ (१३)

रक्षांसि प्रयाजानृतवो वै नमस्यन्तो द्वादश च॥ [३]

स्फेन वेदिमुद्धन्ति रथाक्षेण वि मिमीते यूपम्मिनोति त्रिवृतमेव वज्रं सम्भृत्य भ्रातृव्याय प्र हरति स्तृत्यै यदन्तर्वेदि मिन्यादेवलोकमभि जयेद्यद्वेदिवेदि मनुष्यलोकं वैद्यन्तस्य संधौ मिनोत्युभयौलोकयोरभिजित्या उपरसमितामिन्यात्पितृलोककामस्य रशनसमितामनुष्यलोककामस्य च्वापलसमितामिन्द्रियकामस्य सर्वान्धसमान्प्रतिष्ठाकामस्य ये त्रयो मध्यमास्तान्धसमान्शुकामस्येतान वै (१४)

अनु पशव उप तिष्ठन्ते पशुमानेव भवति व्यतिपजेदितरान्प्रजयेवैनम्पशुभिर्व्यतिपजति यं कामयंत प्रमारुंकः स्यादिति गर्तमितं तस्य मिन्यादुत्तरार्थं वर्षिष्ठमथ हसीयासमेपा वै गर्तमिद्यस्यैवम्मिनोति ताजकप्र मीयते दक्षिणार्थं वर्षिष्ठम्मिन्याध्रुवर्गकामस्याथ हसीयासमाक्रमणमेव तथ्मेतु यजमानः कुरुते सुवर्गस्य लोकस्य समष्टौ (१५)

यदेकस्मिन् यूपे द्वे रशने परिव्ययति तस्मादेको द्वे जाये विन्दते यत्रैका रशनां द्वयोरूपयोः परिव्ययति तस्मान्नैका द्वौ पती विन्दते यं कामयंत स्यस्य जायेतेत्युपान्ते तस्य व्यतिपजेथ्यैवास्य जायते यं कामयंत पुमानस्य जायेतेत्यान्तं तस्य प्र वैष्टयेत्पुमानेवास्यं (१६)

जायतेऽसुरा वै देवान्दक्षिणत उपानयन्तां देवा उपशयेनैवापानुदन्त तदुपशयस्योपशयत्वं यदक्षिणत उपशय उपशये भ्रातृव्यापनुत्यै सर्वे वा अन्ये यूपाः पशुमन्तोऽथोपशय एवापशुस्तस्य यजमानः पशुर्यत्र निर्दिशेदार्तिमाच्छेद्यजमानोऽसौ तं पशुरिति निर्दिशेद्यं द्विष्याद्यमेव (१७)

द्वेष्टि तमस्मै पशुं निर्दिशति यदि न द्विष्यादाखुस्तं पशुरिति ब्रूयात्र ग्राम्यान्पशून् हिनस्ति नारण्यान्प्रजापतिः प्रजा असृजत सौऽन्नाद्येन व्यार्ध्यत स एतामेकादशिनीमपश्यत्तया वै सौऽन्नाद्यमवारुद्ध यदश यूपा भवन्ति दशाक्षरा विराडन्नं विराड्विराजैवाद्याद्यमव रुद्धे (१८)

य एकादशः स्तन एवास्यै स दुह एवैनां तेन वज्रो वा एषा सम्मीयते यदेकादशिनी सेश्वरा पुरस्तात्प्रत्यञ्चं यज्ञं सम्मर्दितोर्यत्प्राणीवत्तम्मिनोति यज्ञस्य प्रत्युत्तब्ध्यै सयत्वायं॥ (१९)

वै समष्टौ पुमानेवास्य यमेव रुन्धे त्रिंशच्च॥ [४]

प्रजापतिः प्रजा असृजत स रिरिचानोऽमन्यत स एतामेकादशिनीमपश्यत्तया वै स आयुरिन्द्रियं वीर्यमात्मन्नेधत प्रजा इव खलु वा एष सृजते यो यजते स एतर्हि रिरिचान इव यदेपैकादशिनी

भवत्यायुरेव तयैन्द्रियं वीर्यं यजमान आत्मन्धत्ते प्रैवाग्नेयेन वापयति मिथुनं सारस्वत्या करोति रेतः (२०)

सौम्येन दधाति प्र जंनयति पौष्णेन बारहस्पत्यो भवति ब्रह्म वै देवानाम्बृहस्पतिर्ब्रह्मणैवास्मै प्रजाः प्र जंनयति वैश्वदेवो भवति वैश्वदेव्यां वै प्रजाः प्रजा एवास्मै प्र जंनयतीन्द्रियमेवेन्द्रणावरुद्धे विशंममारुतेनोजो बलमेन्द्राग्नेन प्रसवायं सावित्रो निर्वरुणत्वाय वारुणो मध्यत ऐन्द्रमा लभते मध्यत एवेन्द्रियं यजमाने दधाति (२१)

पुरस्तादैन्द्रस्य वैश्वदेवमालभते वैश्वदेवं वा अन्नमन्नमेव पुरस्ताद्धते तस्मात्पुरस्तादन्नमद्यत ऐन्द्रमालभ्यं मारुतमा लभते विद्वै मरुतो विशमेवास्मा अनु बध्नाति यदि कामयेत योऽवंगतः सोऽपं रुध्यतां योऽपंरुद्धः सोऽवं गच्छत्वित्यैन्द्रस्य लोके वारुणमा लभेत वारुणस्य लोक ऐन्द्रम् (२२)

य एवावंगतः सोऽपं रुध्यते योऽपंरुद्धः सोऽवं गच्छति यदि कामयेत प्रजा मुद्घेयुरिति पशून्व्यतिषजेज्प्रजा एव मोहयति यदभिवाहृतोऽपां वारुणमालभेत प्रजा वरुणो गृहीयादक्षिणत उदंश्चमा लभतेऽपवाहृतोऽपां प्रजानामवरुणग्राहाय॥ (२३)

रेतो यजमाने दधाति लोक ऐन्द्रं सप्तत्रिंशच्च॥ [५]

इन्द्रः पत्न्या मनुमयाजयत्तां पर्यग्निकृतामुदंसृजत्तया मनुराध्नोद्यत्पर्यग्निकृतम्पालीवतमुंश्रुजति यामेव मनुरऋद्धिमाध्नोत्तामेव यजमान ऋध्नोति यज्ञस्य वा अप्रतिष्ठिताद्यज्ञः परा भवति यज्ञं पराभवन्तं यजमानोऽनु परा भवति यदाज्येन पालीवतं संस्थापयति यज्ञस्य प्रतिष्ठित्यै यज्ञमप्रतिष्ठितं यजमानोऽनु प्रति तिष्ठतीष्टं वपयां (२४)

भवत्यनिष्टं वशयाथं पालीवतेन प्र चरति तीर्थ एव प्र चरत्यथो एतर्ह्येवास्य यामस्त्वाध्रो भवति त्वष्टा वै रेतसः सिक्तस्य रूपाणि वि करोति तमेव वृषाणम्पलीवपि सृजति सौऽस्मै रूपाणि वि करोति॥ (२५)

वपया षट्त्रिंशच्च॥ [६]

घ्नन्ति वा एतश्चोमं यदभिषुण्वन्ति यथसौम्यो भवति यथा मृतायानुस्तरणीं घ्नन्ति तादृगेव तद्यदुत्तरार्धे वा मध्ये वा जुहुयादेवताभ्यः समदं दध्यादक्षिणार्धे जुहोत्येषा वै पितृणां दिख्स्वायांमेव दिशि पितृन्निरवदयत उद्गातृभ्यो हरन्ति सामदेवत्यो वै सौम्यो यदेव सामंश्छम्बद्वर्वन्ति तस्यैव स शान्तिरवं (२६)

ईक्षन्ते पवित्रं वै सौम्य आत्मानमेव पंवयन्ते य आत्मानं न परिपश्येदित्तसुः स्यादभिददि कृत्वावैक्षेत तस्मिन् ह्यात्मानं परिपश्यत्यथो आत्मानमेव पंवयते यो गतमनाः स्यात्सोऽवैक्षेत यन्मे मनः परांगतं यद्वा मे अपरागतम्। राज्ञा सोमैः तद्वयमस्मासुं धारयामसीति मन एवात्मन्दाधार (२७)

न गतमना भवत्यप वै तृतीयसवने यज्ञः क्रामतीजानादनीजानमभ्याग्नावैष्णव्यर्चा घृतस्य यजत्यग्निः सर्वा देवता विष्णूर्यज्ञो देवताश्चैव यज्ञं च दाधरोपांशु यंजति मिथुनत्वाय ब्रह्मवादिनां वदन्ति मित्रो यज्ञस्य स्विष्टं युवते वरुणो दुरिष्टं कं तर्हि यज्ञः कं यजमानो भवतीति यन्मित्रावरुणां वशामालभते मित्रेणैव (२८)

यज्ञस्य स्विष्टं शमयति वरुणेन दुरिष्टं नार्तिमाच्छति यजमानो यथा वै लाङ्गलेनोर्वरां प्रभिन्दन्त्येवमृक्षामे यज्ञम् भिन्तो यन्मैत्रावरुणी वशामालभते यज्ञायैव प्रभिन्नाय मृत्यमन्ववांस्यति शान्त्यै यातयामानि वा एतस्य छन्दांसि य ईजानश्छन्दसामेष रसो यदृशा यन्मैत्रावरुणी वशामालभते छन्दांस्येव पुनरा प्रीणात्ययांतयामत्वायाथो छन्दःस्वेव रसं दधाति॥ (२९)

अवं दाधार मित्रेणैव प्रीणाति षट्॥ [७]

देवा वा इन्द्रियं वीर्यं १ व्यंभजन्त ततो यदत्यशिष्यत् तदतिग्राह्यां अभवन्तदतिग्राह्याणामतिग्राह्यत्वं यदतिग्राह्यां गृह्यन्त इन्द्रियमेव तद्वीर्यं यजमान आत्मन्धते तेजं आग्नेयेनैन्द्रियमैन्द्रेण ब्रह्मवर्चसं सौर्येणोपस्तम्भन् वा एतद्यज्ञस्य यदतिग्राह्यांश्चक्रे पृष्ठानि यत्पृष्ठे न गृह्णीयात्प्राञ्चं यज्ञं पृष्ठानि सः शृणीयुर्यदुक्त्यै (३०)

गृह्णीयात्प्राञ्चं यज्ञमतिग्राह्याः सः शृणीयुर्विश्वजिति सर्वपृष्ठे ग्रहीतव्यां यज्ञस्यं सवीर्यत्वाय प्रजापतिर्देवेभ्यो यज्ञान्यादिशुश्रूष प्रियास्तनूरप न्यधत् तदतिग्राह्यां अभवन्तिनुस्तस्यं यज्ञ इत्याहुयस्यातिग्राह्यां न गृह्यन्त इत्यप्यग्निष्टोमे ग्रहीतव्यां यज्ञस्यं सतनुत्वाय देवता वै सर्वाः सदृशीरासन्ता न व्यावृत्तमगच्छन्ते देवाः (३१)

एत एतान्ग्रहानपश्यन्तान्गृह्णीताग्नेयमग्निरेन्द्रमिन्द्रः सौर्यं सूर्यस्ततो वै तैऽन्याभिर्देवताभिर्व्यावृत्तमगच्छन् यस्यैवं विदुषं एते ग्रहां गृह्यन्त व्यावृत्तमेव पाप्मना भ्रातृव्येण गच्छतीमे लोका ज्योतिष्मन्तः समावद्दीर्याः कार्या इत्याहुराग्नेयेनास्मिन्नैके ज्योतिर्धत् एन्द्रेणान्तरिक्षं इन्द्रवायू हि सयुजौ सौर्येणामुष्मिन्नैके (३२)

ज्योतिर्धत्ते ज्योतिष्मन्तोऽस्मा इमे लोका भवन्ति समावद्दीर्यानेनान्कुरुत एतान् वै ग्रहान्भवाविश्ववयसाववितान् ताभ्यामिमे लोकाः परांश्चक्ष्वावाञ्चश्च प्राभुर्यस्यैवं विदुषं एते ग्रहां गृह्यन्ते प्रास्मा इमे लोकाः परांश्चक्ष्वावाञ्चश्च भान्ति॥ (३३)

उक्त्यै देवा अमुष्मिन्नैक एकात्रचत्वारिंशच्च॥ [८]

देवा वै यद्यज्ञेऽकुर्वन्त तदसुरा अकुर्वन्त ते देवा अदाभ्ये छन्दांसि सर्वानानि समंस्थापयन्ततो देवा अभवन्मरासुरा यस्यैवं विदुषोऽदाभ्यो गृह्यन्ते भवन्त्यात्मना परांस्य भ्रातृव्यो भवन्ति यद्वै देवा असुरानदाभ्येनदभ्रवन्तददाभ्यस्यादाभ्यत्वं य एवं वेद दभ्रोत्येव भ्रातृव्यं नैनम्भ्रातृव्यो दभ्रोति (३४)

एषा वै प्रजापतेरतिमोक्षिणी नाम तनूर्यददाभ्य उपनद्धस्य गृह्णीत्यतिमुक्त्या अति पाप्मानम्भ्रातृव्यमुच्यते य एवं वेद प्रन्ति वा एतथ्सोमं यदभिपुण्वन्ति सोमं हन्यमाने यज्ञो हन्यते यज्ञे यजमानो ब्रह्मवादिनो वदन्ति किं तद्यज्ञे यजमानः कुरुते येन जीवन्त्सुवर्गं लोकमेतीति जीवग्रहो वा एष यददाभ्योऽनभिषुतस्य गृह्णीति जीवन्तमेवेनं सुवर्गं लोकं गमयति वि वा एतद्यज्ञं छिन्दन्ति यददाभ्ये सःस्थापयन्त्यंशूनपि सृजति यज्ञस्य सन्तत्यै॥ (३५)

दभ्रोत्यनभिषुतस्य गृह्णीत्येकात्रविंशतिश्च॥ [९]

देवा वै प्रवाहुग्रहान्गृह्यन्त स एतं प्रजापतिरंशुमपश्यत्तमंगृह्णीत तेन वै स आर्ध्रोद्यस्यैवं विदुषो-

ऽशुर्गृह्यतं ऋध्नोत्येव सकृदभिषुतस्य गृह्णाति सकृद्धि स तेनाभ्रोन्मनसा गृह्णाति मन इव हि प्रजापतिः प्रजापतेरास्या औदुम्बरेण गृह्णात्यूर्वा उदुम्बर ऊर्जमेवाव रुद्धे चतुःश्रक्ति भवति दिक्षु (३६)

एव प्रति तिष्ठति यो वा अशोरायतनं वेदायतनवान्भवति वामदेव्यमिति साम तद्वा अस्यायतनम्नसा गायमानो गृह्णात्यायतनवानेव भवति यदध्वर्युरशु गृह्णन्नार्थेदुभाभ्यां नर्धेताध्वर्यवे च यजमानाय च यदध्वर्युदुभाभ्यामध्यातनवानं गृह्णाति सेवास्यद्विरहरण्यमभि व्यनित्यमृतं वै हिरण्यमायुः प्राण आयुषैवामृतमभि धिनोति शतमानम्भवति शतायुः पुरुषः शतेन्द्रिय आयुष्येवेन्द्रिये प्रति तिष्ठति॥ (३७)

दिक्ष्वनिति वि०शतिश्च॥ [१०]

प्रजापतिर्देवेभ्यो यज्ञान्व्यादिशथ्स रिरिचानोऽमन्यत स यज्ञानां षोडशधेन्द्रियं वीर्यमात्मानमभि समक्खिदत् तथोडशयम्भवन्न वै षोडशी नाम यज्ञोऽस्ति यद्वाव षोडशः स्तोत्रं षोडशः शस्त्रं तेन षोडशी तथोडशिनः षोडशित्वं यथोडशी गृह्यत इन्द्रियमेव तद्वीर्यं यजमान आत्मन्धत्ते देवेभ्यो वै सुवर्गो लोकः (३८)

न प्राभ्वत् एतं षोडशिनमपश्यन्तमगृह्यत ततो वै तेभ्यः सुवर्गो लोकः प्राभ्वद्यथोडशी गृह्यते सुवर्गस्य लोकस्याभिजित्या इन्द्रो वै देवानामानुजावर आसीथ्स प्रजापतिमुपाधावत्तस्मा एतं षोडशिनम्प्रायच्छुत्तमगृह्यत ततो वै सोऽग्रं देवतानां पर्येद्यस्यैवं विदुषः षोडशी गृह्यते (३९)

अग्रमेव संमानानां पर्यति प्रातःसवने गृह्णाति वज्रो वै षोडशी वज्रः प्रातःसवनं स्वादेवैनं योनेर्निगृह्णाति सवनेसवनेऽभि गृह्णाति सवनाथ्सवनादेवैनम्प्रा जनयति तृतीयसवने पशुकामस्य गृहीयाद्वज्रो वै षोडशी पशवंस्तृतीयसवनं वज्रैणैवासमै तृतीयसवनात्पशूनं रुद्धे नोक्थ्ये गृहीयात्प्रजा वै पशवं उक्थानि यदुक्थ्ये (४०)

गृहीयात्प्रजां पशूनस्य निर्देहेदतिरात्रे पशुकामस्य गृहीयाद्वज्रो वै षोडशी वज्रैणैवासमै पशूनवरुध्य रात्रिपोरिष्टाच्छमयत्यप्यग्निष्टोमे राजन्यस्य गृहीयाद्यावृत्कामो हि राजन्यो यजते साह एवास्मै वज्रं गृह्णाति स एनं वज्रो भूत्या इन्द्रे निवा दहत्येकविंशः स्तोत्रम्भवति प्रतिष्ठित्यै हरिवच्छस्यत इन्द्रस्य प्रियं धाम (४१)

उपप्राति कनीयासि वै देवेषु छन्दाः स्यासञ्ज्यायाः स्यसुरेषु ते देवाः कनीयसा छन्दसा ज्यायश्छन्दोऽभि व्यंशः सन्ततो वै तेऽसुराणां लोकमवृज्जत यत्कनीयसा छन्दसा ज्यायश्छन्दोऽभि विशः संति भ्रातृव्यस्यैव तल्लोकं वृद्धे षडक्षराण्यति रेचयन्ति षड्वा ऋतवं ऋतूनेव प्रीणाति चत्वारि पूर्वाण्यव कल्पयन्ति (४२)

चतुष्पद एव पशूनं रुद्धे द्वे उत्तरे द्विपद एवाव रुद्धेऽनुष्टुभमभि सम्पादयन्ति वाग्वा अनुष्टुप्समात्राणानां वागुत्तमा संमयाविषिते सूर्ये षोडशिनः स्तोत्रमुपाकरोत्येतस्मिन्वै लोक इन्द्रो वृत्रमहन्त्याक्षादेव वज्रम्रातृव्याय प्र हरत्यरुणपिशङ्गोऽश्वो दक्षिणेतद्वै वज्रस्य रूपं समृद्धौ (४३)

लोको विदुषः षोडशी गृह्यते यदुक्थ्ये धाम कल्पयन्ति

सप्तचत्वारिंशच्च॥

[११]

This PDF was downloaded from <http://stotrasamhita.github.io>.

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>
